



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Ltd

✓ 1769



ԳԱՆՁԱՐԱՆ ՀԱԻԱՏՈՅ 999

ՄԱՐՄԵԱՌԻԿ

ՏՆՅՈՐԷՆՈՒԹԵԱՆՅՆ ՔՐԻՍՏՈՍԻ

ԵՒ

ՊԱՏՈՒԻՐԱՆԱՅ ՆՈՐԱ

6921

ԱՇԽԱՏԱՍԻՐԵԱՑ

ԲԱՐՍԵՂ ԿԱՐԱՊԵՏԵԱՆ ՊՈՊՈՎԵԱՆՅ

ՔԱՀԱՆԱՅ ԵԿԵՂԵՅԻՈՅ ՍՈՒՐԲ ԱՍՏՈՒԱԾԱԾՆԻՆ

ՈՐ Ի ՆՈՐՆ ՆԱԽԻՋԵԻԱՆ.



ԹԷՆԴՈՍԻԱ

ԽՏԱՐԱՆԻ ԽԱՂԻՍԿԵԱՆ ՈՂԱՆՎՆԱՐԱՆԻՆ.

1862 = ՌՅԺԱ.


Տ Պ Ա Գ Ր Ե Ա Լ

Հրամանաւ Տեղակալի Առաջնորդութեան Վիճակիս
Հայոց Նախիջեւանի եւ Պետարապիոյ Տեառն Գաբրիելի
Վարդապետի Այլադեանց : Թէոդոսիա , ի15 Յուլիսի 1862 :

Գ 1769-Ն


ՅԲ. 1775

ՅԱՌԱՋԱԲԱՆ



Թէպէտեւ բազումք բազում անգամ
գրեալ են իմերոցն աստուածաբա-
նից բանս հոգեշահս յաղագս մար-
մնառիկ Տնօրէնութեանցն Քրիստո-
սի, եւ պատուիրանաց նորա զորս
աւանդեաց աշակերտաց իւրոց ի
մուտս անձուկ ճանապարհին կենաց, սա-
կայն եւ ես կրտսերս յորդիս սրբոյ եկեղե-
ցւոյ ցանկացայ իբրեւ զծաղիկս յանդաս-
տանէ հոգեբուղիս գրուածոց Հարցն սրբ-
բոց հաւաքելով յօրինել զՔԱՆՁԱՐԱՆՍ զայս
վկայութեամբք սուրբ Քրոց, ոչ եթէ իկա-
տարեւրագործութիւն ինչ նոցին աստուա-
ծարելոցն երկասիրութեանց, այլ զի եւ իմս
լնանիցի փափաք տենչանաց՝ օգտակար ինչ
աշխատասիրել ըստ իմում կարի վաստակ
իպէտս համազգի եղբարց :

Յերկուս մասունս բաժանեալ զմատե-
նիկս, յառաջնումն աւանդեցաք զմարմնա-
ւոր կենաց Փրկչին մերոյ Յիսուսի Քրիստո-
սի զպատմութիւն, եւ յերկրորդին զբա-
րոյական վարդապետութիւնս նորա. եւ
մաղթեմ զի գանձեսցի սովաւ կանոն բարի
վարուց մերազնեայ բարեպաշտ ժողովրդ-
դականաց եւ օգուտ մանկանց առաքելա-
կան սուրբ եկեղեցւոյ մերոյ. ամէն :



ԳԱՆՁԱՐԱՆ ՀԱՒԱՏՈՅ

ՄԱՍՆ ԱՌԱՋԻՆ

ՅԱՂԱԳՍ ԱՍՏՈՒԱԾՈՒԹԵԱՆ

Ե Ի

Տ Ն Օ Ր Է Ն Ո Ւ Թ Ե Ա Ն Յ Ն Ք Ր Ի Ս Տ Ո Ս Ի

ՅՕԴՈՒԱԾ Ա.

ՅԱՂԱԳՍ ԱՍՏՈՒԱԾՈՒԹԵԱՆ.

Հ Ա Ր Ց Ո Ւ Մ Ն .

Ո՞ր է աշարիչ երկնի եւ երկրի .

Պ Ա Տ Ա Ս Խ Ա Ն Ի .

Աստուած , էական ամենակարող եւ ամենիմաստ,
որ յոչնչէ գոյացոյց զերկինս եւ զերկիր եւ զա-
մենայն որ ինոսա , ըստ այնմ .

„Նորաստեղծեալ բանն յանէից
Իսկրզբանէ զերկինս երկնից ,

Եւ զերկնային զօրս անմարմնոց ,
Իմանալեացըն զըւարթնոց“ :

Եւ թէ „Ասաց եւ եղեն , հրամայեաց եւ հաստա-
տեցան“ :

Զ. Ի՞նչ հաստատի թէ գոյ Աստուած .

Պ. Բազում կերպիւ . Նախ՝ իսահմանե Հաւատոյ , զի
հաւատով հաւատամք եւ նովաւ ճանաչեմք զԱս-
տուած , եւ զմարդասիրութիւն նորա քարոզեմք :
Երկրորդ՝ վկայեն երկինք , զի տեսանեմք յերկինս
զարեգակն որ իտունջեան լուսաւորե , զլուսին
եւ զաստեղս որք իգիշերի տան զլոյս իւրեանց : Եւ
երրորդ՝ ստեղծուածք ամենայն աղաղակեն թէ Գոյ
Աստուած . բանականք բանիւ վկայեն ասելով՝ թէ
„Նա՛ն արար զմեզ , եւ ոչ մեք էաք“ . իսկ անբանք
ծառայելով մարդկան եւ հնազանդելով կամաց
նոցա , յայտ առնեն թէ գոյ Աստուած՝ զորոյ գոյ-
ութենէն չիք ինչ երկրայութիւն եւ ոչ իհերա-
նոսս անգամ . զի նոքա թեպէտ արծաթոյ կամ
ոսկւոյ եւ կամ որպիսի եւ իցե կռոց երկիրպա-
գանեն , այլ եւ այն ամենայն իտեղի աստուծոյ
է եւ կամ յանուն նորա . միայն անզգամն ասե ,
եւ այն՝ իսրտի իւրում՝ թէ „Ո՛չ գոյ Աստուած“ :

Սաղմ. ԵԳ, 4.

Զ. Աստուած ո՞ր է .

Պ. Յամենայն տեղիս է , յերկինս եւ յերկրի եւ ի
սիրտս իւրաքանչիւր հաւատացելոց :

- Հ. Աստուած քանի է .
- Պ. Մի միայն :
- Հ. Անձինքն քանի են .
- Պ. Երեք :
- Հ. Եթե՞ անուանք են երից անձանց .
- Պ. Հայր , Որդի եւ Սուրբ Հոգի :
- Հ. Ուստի ելանեն անձինքս այսոքիկ .
- Պ. Հայր յանձնե՛ ըստ Վարդապետութեան սրբոյն Գրիգորի Լուսաւորչին , Որդի իՀօրե , եւ Հոգին Սուրբ նոյնպէս իՀօրե ելումն եւ բղխումն՝ փառակից եւ եակից Հօր եւ Որդւոյ :
- Հ. Վարդապետք ոմանք ասեն վասն Հոգւոյն Սրբոյ՝ թէ բղխի իՀօրե եւ յՈրդւոյ , իվերայ բանիցն Քրիստոսի գոր ասաց առաքելոց՝ թէ , ,Առաքեցից առ ձեզ զՀոգին ճշմարտութեան՝ .
- Պ. Քրիստոս թեպէտ ասաց ցառաքեալսն թէ , ,Առաքեցից առ ձեզ զՀոգին ճշմարտութեան՝ իբրեւ մըխիթարիչ , բայց ոչ ասաց յիսկն առաքեցից , այլ իՀօրե իմմե . ըստ այնմ , ,Հոգին ճշմարտութեան որ իՀօրե ելանե՛ : Եւ յերգս Շարականին իբազում տեղիս վկայի վասն Հոգւոյն ելանել իՀօրե . , ,Որ անիմանալիդ ես յեութեան եւ անպատում , անսկզբնաբար բղխումն իՀօրե Հոգիդ , ,ճշմարիտ . . . Զանսկզբնաբար բղխումն իՀօրե , ,զՀոգիդ ճշմարիտ . . . Որ առաքեցար իՀօրե Հոգիդ անեղ եւ համագոյ . . . Անճառելի բղխումն

„Ի Հօրե Հոգիդ ճշմարիտ“ : Առ այս օրինակ է մեզ արեգակն՝ որ ունի երկուս յատկութիւնս . լոյսն եւ ջերմութիւնն յարեգականէ են եւ ոչ թէ իմիմեանց . եւ իհատն ցորենոյ ցորեանքն որ ելանեն՝ չեն իմիմեանց , այլ իմիոյ ցորենահատէ յառաջանան ցորեանքն . այսպէս եւ իմիօջէն ի Հօրե Աստուծոյ ելանէ Որդին միածին եւ Հոգին Սուրբ , զի Հայր Աստուած երկուս կարողութիւնս ունի , *ճնողական* եւ *քիտողական* . իճնողական կարողութենէն յառաջացաւ Որդին միածին , եւ իքիտողականէն Հոգին Սուրբ :

- Հ. Զիւմրդ խոստովանիս զայսոսիկ երիս անձինս .
Պ. Խոստովանիմ մի Բնութիւն , մի Աստուածութիւն եւ մի Թագաւորութիւն՝ անբաժանելի իմիմեանց .

„Երբակի թիւ կատարեալ
Յերիս անձինքս բաժանեալ ,
Աստուածութեամբ միաւորեալ ,
Միով բնութեամբ հաւասարեալ :
Դաւանիմք ընդ սրովբէից
Զկենդանարարող համայնից .
Երեքսըրբեան մի Տէրութիւն
Հայր եւ Որդի եւ Սուրբ Հոգի“ :

ՅՕԴՈՒԱԾ Բ.

ՎԱՍՆ ԾՆՆԴԵԱՆ ՍՐԲՈՅ ԿՈՒՍԻՆ ՄԱՐԻԱՄՈՒ ԱՍՏՈՒԱԾԱԾՆԻ.

- Հ. Ո՞վ էր Մայր Տեառն մերոյ Յիսուսի Բրիստոսի .
- Պ. Սրբուհի կոյսն Մարիամ :
- Հ. Յորմէ ցեղէ էր նա .
- Պ. Իցեղէն Յուդայ :
- Հ. Յորմէ տանէ .
- Պ. Իտանէն Դաւրի :
- Հ. Զքնչ անուն ծնողաց նորա .
- Պ. Անուն հօր նորա Յովակիմ , եւ մօրն Աննա , որ
էր քոյր Եղիսաբեթի՝ մօր Յովհաննու Մկրտչի :
- Հ. Ե՞րբ ծնաւ սրբուհի կոյսն Մարիամ .
- Պ. Ի վեցերորդ դարուն աշխարհի , ըստ կարծեաց
նախնեաց ոմանց՝ ի 5422 ամի աշխարհի , իսեպ-
տեմբերի 8. առ որ ակնարկէ Շարականն յասելն .
„Զուգարիւ առուրց դարուցս անցաւորաց“ . զի
Մարիամ ըաղկացոցանէ զքիւս 5422 , որ զուգար-
իւ լինի ամաց անցելոց իսկզբանէ աշխարհի .
եւ վեց տառք Մարիամ անուան՝ ցուցանեն զվեց
դարս աշխարհի :

- Հ. Քանի ամաց ընծայեցաւ Մարիամ իտաճարն .
- Պ. Երից ամաց . եւ եկաց անդ մինչեւ իջորեքտասաներորդ ամ կենաց իւրոց , յորում ամսեան ընկալաւ զաւետիս իհրեշտակեն վասն յղութեանն Յիսուսի Քրիստոսի Հոգւով սրբով եւ հովանաւորութեամբ զօրութեան Հօր իբարձանց :
- Հ. Զիմրդ պատուե եկեղեցին զԱստուածամայրութիւն նորա .
- Պ. Տօնելով զօր Յղութեանն իղեկտեմբերի 9 , եւ ըղժննդեանն իսեպտեմբերի 8 , եւ զերից ամաց Ընծայմանն ինոյեմբերի 21 , եւ զՎերափոխմանն ի 15 աւուր օգոստոսի ' կամ իմիում իմերձաւոր աւուրցն :
- Հ. Իսկ այլ աւուրք յորս սուրբ Աստուածածինն եղեւ սպասաւոր մարմնառիկ տնօրենութեանն Քրիստոսի ո՛ր յիշատակին .
- Պ. Աւուրքն այնոքիկ դասին ընդ տօնսն տերունականս ' յորս փառաւորի միածինն նորա իխորհրդեան փրկարար մարդեղութեանն , որք են ա) տօնն Աւետեաց , յորում յղացաւ Քրիստոս յարգանդի մօրն յապրիլի 7 . բ) Ծննդեան , յորում ծնաւ Քրիստոս իկոյս մօրե ի 6 յունուարի . գ) քառասնօրեայ Գալստեանն , յորում բերաւ իտաճարն մանուկն Յիսուս իփետրուարի 14 :

ՅՕԴՈՒԱԾ Գ.

ՎԱՍՏՆ ՄԱՐԴԵՂՈՒԹԵԱՆ ՔՐԻՍՏՈՍԻ.

2. **Ձ**իմրդ մարդացաւ քանն Աստուած .
- Պ. Խոնարհեցաւ յերկնից իհայրական ծոցոյ անբաժանելի աստուածութեամբն յերկիր, եւ ըստ նախագուշակութեան մարգարեից աստեօք Գաբրիելի հրեշտակապետին եջ յարգանդ ամենօրհնեալ Կուսին Մարիամոս . առեալ յարենե նորամիաւորեաց ընդ իւրում աստուածութեանն . կատարեալ գտաւ ամենայն անդամօք՝ որպէս քառասնօրեայ մանուկ . ըստ այնմ զոր երգէ Շնորհալին .

„Ջեակիցըդ Հօր զՈրդի
Փառաւորեմք անլրօելի ,
Որ իջեր յարգանդ կուսին
ՋԱղամային առեր մարմին“ :

2. Քանի ամսովք յետոյ քան գյղութիւն Յովհաննոս Մկրտչին կատարեցաւ այս խորհուրդ աստման .
- Պ. Վեց ամսովք , որպէս ասէ . „Եւ յամսեանն վեցերորդի առաքեցաւ Գաբրիէլ հրեշտակ յԱստուծոյ իքաղաք մի Գալիլիացոց՝ որում անուն էր **Նազարէթ**, առ Կոյս“ եւ այլն :

Հուկ. Ա, 26 .

Հ. Քանի կերպի ծնա Քրիստոս .

Պ. Երեք կերպի . Առաջին՝ անժամանակաբար ըստ աստուածութեանն , որով ծնեալ էր ի Հօրէ յառաջ քան զյաւիտեանս առանց մօր : Երկրորդ , ըստ մարդկութեանն՝ ժամանակաւորապէս , յետ յղութեանն՝ ծնա իմօրէ անապականութեամբ առանց Հօր ին յունուարի . Եւ Երրորդ , ըստ մկրտութեանն ծնա ի Յորդանան իջրոյ յետ երեսուն ամաց ծննդեանն ին յունուարի , յորում առաւ ծընեալ էր ըստ մարմնոյ . Եւ յայնժամ Հայր ի վերուստ վկայեաց կրկնակի ծննդեան՝ „Դա է որդի իմ սիրելի“ ասելով :

Մատ. Գ, 17.
Եւ Դուկ. Թ, 35.

Հ. Յառաջ քան զամենայն ո՞վ ծանեալ գերկրորդ ծնունդն Քրիստոսի եւ երկրպագեաց նմա աներեւութաբար .

Դուկ. Ա, 39 .

Պ. Յովհաննէս Մկրտիչն . զի յորժամ յղացաւ Մարիամ գ՛Քրիստոս ի Հոգւոյն սրբոյ բանիս հրեշտակին , զնաց ի քաղաքն Յուդայ իտուն Եղիսաբեթի . Եւ Յովհաննէս որովհետեւ յղացեալ էր յարգանդի մօրն վեցամսեայ , ընդ ողջունելն Մարիամու գԵղիսաբեթ՝ խաղաց նա յորովայնի մօրն իւրոյ եւ շնորհիւ Հոգւոյն սրբոյ բերանով մօրն ասաց առ Մարիամ . „Օրհնեալ ես դու ի կանայս , եւ օրհնեալ է պտուղ որովայնի քո“ . որով ծանոյց քե նա յղացեալ է յարգանդի իւրում գ՛Քրիստոս ամենայն կատարելութեամբ . վասն որոյ անդէն

Դուկ. Ա, 42.

յորովայնէ մօրն իւրոյ երկրպագեաց Քրիստոսի
յարգանդի Կուսին, որպէս ասի իՇարականին,
„Յորովայնէ յորովայն երկրրպագող Քրիստոսի“
եւ յերգս Շնորհալուոյն .

„Ժառանգին Հօր սպասաւոր
եւ յարգանդէ երկրրպագող,
Կարապետ եւ Մ'ըկրտիչ“ :

Հ. Ապա զերեւելի ծնունդն Քրիստոսի ո՞վ ծանեաւ .

Պ. Հովիւքն բացօթեայք որք աւետաւորութեամբ հը-
րեշտակին ծանեան, եւ զփառս իբարձունս Աս-
տուծոյ երգեցին .

„Հովիւքն երգեն ընդ հրեշտակս,
Տան աւետիս աշխարհի .

Ծնաւ նոր արքայ

ԻԲԵՔԼԵՏԻՄ քաղաքի :

Այսօր հովուացըն տեսեալ

Զարդարութեան արեգակն .

Եւ ընդ հրեշտակս երգէին,

Փանք իբարձունս Աստուծոյ“ :

Հ. Եւ ո՞յք երեւելապէս երկիրպագին արքային մեծի,
եւ մատուցին նմա զառաջին պատարագն .

Պ. Երեք մոգքն կամ թագաւորք, որք գուշակութեամբ
նորաձին աստեղն փութացան իԲԵՔԼԵՏԻՄ, ուր
գտին զՄարիամ, որ զանբաւելին երկնի եւ երկրի
զնորաձին արքայն ունէր իգիրկսն, եւ բազմեալ
էր յայրն սուրբ իմասուն անբանից պատեալ խան-

ձարրովք. յայնժամ մատուցին նմա զջերմեռանդն
Երկրպագութիւնս եւ զառաջին պատարագս իւ-
րեանց, զԽուչնկ նշան Աստուածութեանն, զԶմուռ
վասն մարդեղութեանն, եւ զՈսկի վասն իշխանու-
թեանն, որ են պարգեւք Հօր եւ Որդւոյ եւ Հոգւոյն
սրբոյ, անբաժանելի Երրորդութեան եւ մի Աս-
տուածութեան, ըստ որոքմասի.

„Հովուացն յայտնեցար,

Երկրպագեալդ իմոգուց“.

Սաղմ. ՀԱ, 10.

եւ „Թագաւորք Արաբայ եւ Սաբայ պատարագս
բերցեն նմա“:

Հ. Ե՞րբ կամ յորո՞քմ աւուր թլփատեցաւ Քրիստոս.

Ղուկ. Բ, 21.

Պ. Յ13 յունուարի զկնի ութից աւուրց ծննդեան, որ-
պէս գրե Աւետարանիչն Ղուկաս . „Իբրեւ լցան
աւուրք ութ եկին թլփատել զնա, եւ կոչեցաւ
անունն նորա Յիսուս, որ կոչեցեալն էր իհրեշ-
տակեն՝ մինչչեւ յղացեալ էր զնա յորովայնի“:

Հ. Ե՞րբ ընծայեցաւ Քրիստոս իտաճարն, եւ զինչ
սքանչելիք եղեն յայնժամ.

Պ. Յորժամ լցան աւուրք սրբութեանն Մարիամու,
յայնժամ իձեռն սրբոյն Յովսեփայ Աստուածա-
հօր եւ մօր իւրոյ ամեռօրհնեալ կուսին Մարիա-
մու ընծայեցաւ իտաճարն. եւ ծերունին Սիմեոն,
որ ազդմամբ Հոգւոյն Սրբոյ սպասեալ մնայր
իբազում ժամանակաց հետեւ այնմ երանական
միփրարութեան, առեալ զնա իգիրկս իւր ար-

տասուելով աղերսեր արձակիլ իխաղաղութիւն :

„Ըստ օրինացըն Մովսիսի

Ընծայեցար իտաճարին ,

Զի ըզբնութիւնըս մարդկային

Ընծայեսցես Հօր իյերկինս“ :

Յորմէ աւանդութիւն առեալ ամենայն մանկաբեր
կանայք բարեպաշտ սովորութեամբ յետ քառա-
սուն աւուրց ծննդեան իւրեանց , գնան յեկեղեցի
եւ ընծայեն զնորածին մանուկն իտաճար Տեառն :

Հ. Ո՞րպէս ազատեցաւ Քրիստոս իկոտորածէ ման-
կանցն Բեթլեհեմի իձեռաց Հերովդի , որ իխըն-
դիր էր կորուսանել գնա .

Պ. Հրեշտակ Տեառն պատուիրեաց մոզուց , յետ եր-
կըրպագութեան իւրեանց նորածին արքային չը-
ղասունալ անդրէն առ Հերովդէս , եւ ոչ ծանուցա-
նել նմա զտեղի նորածին Արքային՝ վասն կեղ-
ծաւորութեան նորա . նոյնպէս եւ Յովսեփայ
հրամայեաց յաւուրսն յայնոսիկ իտեսլեան՝ առ-
նուլ զՄարիամ եւ զՄանուկն եւ փախչել յԵ-
գիպտոս . եւ Յովսեփ՝ որովհետեւ կարգեալ էր յա-
մենասուրբ Երրորդութենէն իպաշտօն աստուա-
ծահայրութեան , եւ պաշտպան սուրբ Աստուա-
ծածնին , արար այնպէս՝ որպէս հրամայեաց նմա
հրեշտակն , եւ եկաց իքաղաքն Հերմուշայօղիս , մին-
չեւ մեռաւ Հրովդէս եւ թագաւորեաց Արքեղայոս :

Նոյնպէս եւ Եղիսաբեթի ինմին ժամանակի եղեւ .

ասեն , հրաման իհրեշտակեն՝ առնույ զմանուկն
եւ փախչել յանապատ . եւ այնպէս ապրեցաւ
նաեւ Յովհաննէս . եւ վասն այն Յովհաննէս սը-
նաւ յանապատի , զի ասեն՝ թէ յայնմհետե մնաց
անդ :

ՅՕԴՈՒԱԾ Գ .

ՎԱՍՆ ԳԱԼՍՏԵԱՆՆ ՔՐԻՍՏՈՍԻ ԻԳԱԼԻԼԷԷ
ԻՅՈՐԴԱՆԱՆ ԻՄԿՐՏՈՒԹԻՒՆ .

- Հ. Ե՞րբ եկն Քրիստոս իԳալիլէե իՅորդանան , եւ
յուսմմէ մկրտեցաւ .
- Պ. Յետ կատարելութեան երեսուն ամաց հասակի
իւրոյ եկն եւ մկրտեցաւ իՅովհաննէս յորդանոյն
Զաքարիայ , որ յառաջընթացութեամբ նախա-
ժամանեալ էր եւ քարոզէր զաստուածութիւն եւ
զսուրբ օրէնս նորա , որպէս ասե անտարանիչն .
„Յաւուրսն յայնոսիկ գայ Յովհաննէս Մկրտիչ
քարոզել յանապատի“ . եւ վասն Քրիստոսի ասե ,
„Յայնժամ գայ Յիսուս իԳալիլէե իՅորդանան առ
Յովհաննէս՝ մկրտիլ ինձանէ“ . եւ Շնորհալին վը-
կայե .

Մատթ . Գ . 1 .

Մատ . Գ , 13 .

„Իփրրկութեան մերոյ սկըզբան
Մըկըրտեցար իՅորդանան,
Զոր շնորհեցեր նոր առաջան
Իմաքրութիան մեղաց մարդկան“ :

Հ. Զինչ սքանչելիք եղեն իժամ մկրտութեանն .

Պ. Երկինք բացան , եւ երեքանձնեայ Աստուածութիւնն յայտնեցաւ . Հայր իվերուստ վկայեաց ,
„Դա ե որդի իմ սիրելի“ ասելով . Հոգին Սուրբ Մատ. Գ, 16 .
աղանակերպ էջ իվերայ նորա , եւ Որդին Միածին մկրտեցաւ :

„Լուսաւոր ձայնիւ յերկնից
Զքեզ դառանեաց Հայր եակից .
Աղանակերպ Հոգին իջեալ,
Առ համագոյդ իւր հանգուցեալ“ :

Հ. Վասն Էր իժառայե իւրմե մկրտեցաւ Քրիստոս .

Պ. Վասն վեց պատճառաց . Նախ՝ առ իտալ ամենեցուն զօրինակ մեծի խոնարհութեան : Երկրորդ՝ առ իլնուլ զամենայն արդարութիւն : Երրորդ՝ առ իտանել զանղամս իւր , այսինքն զհաւատացեալս՝ զի մկրտեսցին իմկրտութիւն իւր , այն է՝ ի Հոգին Սուրբ եւ ի հոյր : Զորրորդ՝ առ իտալ ջուրցն շօշափմամբ ամենասուրբ մարմնոյ իւրոյ զզօրութիւն , իլինել նիւթ մկրտութեան ամենայն հաւատացելոց : Հինգերորդ՝ առ իհաստատել այնու գխորհուրդ մկրտութեան յանուն Հօր եւ Որդւոյ եւ Հոգւոյն սրբոյ : Եւ վեցերորդ՝ զի յայտնի ե-

դիցի լինելն իւր Մեսիա՝ Տէր եւ Փրկիչ աշխարհի :

- Հ. Ընդէր Յովհաննէս ոչ կամելով մկրտել զՔրիստոս՝ արգելոյր զնա եւ ասէր . „ես պարտիմ իքէն մկրտիլ եւ ոչ դու յինէն“ .
- Պ. Տեսանէր զի ինքն էր կարօտ մաքրութեան , եւ Յիսուս անկարօտ . ինքն աստղ եւ նա արեգակն , վասն որոյ ասէր . „ինձ պիտոյ է իքէն մկրտիլ եւ լուսաւորիլ , զի ես իքէն մաքրեցայ յարգանդի մօրն իմոյ , յորժամ երկիրպագի քեզ . այժմ եւս պարտ է ինձ իքէն մաքրիլ իմնացելոց բծից , եւ դու ընդէր առ իս գաս , զի ոչ ունիս զաղտ ինչ կամ գրիծ :
- Հ. Զինչ պատասխանի ետ Քրիստոս Յովհաննու .
- Պ. „Թոյլ տուր այժմ“ ասաց . այժմ չէ ժամանակ մտածելոյ զքոյդ նուաստութիւն եւ զիմ մեծութիւն . եւ չէ պարտ այժմ խորհել զխոնարհութիւն , այլ զհնազանդութիւն . վասն զի այսու գործով , ասաց , պարտ է լնուլ կամ կատարել զամենայն արդարութիւնս :
- Հ. Յովհաննէս Մկրտիչն յուժմէ մկրտեցաւ .
- Պ. Ասեն ոմանք իհարցն սրբոց՝ թէ իՔրիստոսէ մկրտեցաւ առ իլինել անդամ նորոյս եկեղեցւոյ , թեպէտ ոչ եւս էր ինտրքոյ սկզբնական մեղաց , զի յորովայնի մօրն իւրոյ սրբեցաւ . նոյնպէս եւ վասն ամենօրհնեալ կուսին Մարիամու ասեն , թէ

մկրտեցաւ իմկրտութիւնն Որդւոյ իւրոյ , թէ եւ
անկարօտ էր :

Հ. Ապա առաքեալքն յումմէ մկրտեցան .

Պ. Հաւանականաբար իՔրիստոսէ . զի թեպէտ չիք բա-
ցայայտ ինչ յիշատակութիւնն յԱւետարանի , այլ
զի ասէ թէ „Ահաւանիկ նա մկրտէ , եւամենեքին
զան առ նա“ . ապա եւս առաւել զառաքեալսն
մկրտեալ է նա :

ՅՕԴՈՒԱԾ Ե .

ՎԱՍՆ ԳՆԱԼՈՅՆ ՔՐԻՍՏՈՍԻ ՅԱՆԱՊԱՏ ՓՈՐՁԻԼ
ԻՍԱՏԱՆԱՅԷ .

Հ. Ե՞րբ գնաց Քրիստոս յանապատ փորձիլ իսա-
տանայէ .

Պ. Յետ մկրտութեանն անմիջապէս գնաց անդր՝ շար-
ժեալ իՀոգւոյն սրբոյ , ըստ վկայութեան աւետա-
րանչին Մատթեոսի . „Յայնժամ վարեցաւ Յիսուս Մատթ. Դ, 1 .
յանապատ , փորձիլ իսատանայէ“ :

Հ. Վասն էր իՀոգւոյն վարեցաւ ասէ , զի Հոգին սուրբ
ոչ զոք արկանէ իփորձութիւնն .

Պ. Թեպէտ այնպէս է , բայց կանխագիտելով զյադ-
րական զօրութիւնն փորձելոյն , թոյլ ետ :

- Հ. Զիւրդ պատերազմեցաւ .
- Պ. Որպէս գքաջայաղթ զինուոր ընկալեալ զհրաման թագաւորին , այսինքն Հօրն երկնաւորի , եւ զգեցեալ զգէն եւ զգօրութիւն Հոգւոյն սրբոյ , պատերազմեցաւ աներկիւղ ընդ քանսարկութիւն՝ զըլխոյ դիւաց ամենեցուն :
- Հ. Վասն Էր եւ Տերն իպատերազմ ընդդէմ դիւին .
- Պ. Վասն երից պատճառաց . Նախ՝ առ իպաշտել ըզկամս Հօրն , ըստ որում եւ ինքն եկեալ էր յաշխարհ առնել զկամս Հօր . ըստ այնմ զոր ասէ . „ Իջի ես յերկնից՝ ոչ զի զկամս իմ արարից , այլ զկամս այնորիկ որ առաքեացն զիս “ : Եւ թեպէտ կամքն Քրիստոսի ըստ Աստուածութեանն համաձայն էր կամաց Հօրն , եւ զոր ինչ կամէր Հայր՝ զնոյն կամէր եւ ինքն , բայց այնու զհնազանդութիւն իւր յայտնէր Հօրն , զի եւ մեք օրինակ առեալ ինմանէ՝ պաշտեսցուք զհնազանդութիւն : Երկրորդ , եւ Տերն մեր իպատերազմ , զի ցուցցէ զինքն ճշմարիտ , եւ ըստ ամենայնի նման մեզ՝ բաց իմեղաց . որպէս ասէ առաքեալն . „ Ոչ թէ ունիմք Քահանայապետ որ չիցէ կարող ջարջարակից լինել տկարութեան մերոյ , այլ փորձէ ամենայնիւ ըստ նմանութեան առանց մեղաց “ : Եւ քանզի որպէս մեք կրեմք յաշխարհի զջարջարանս եւ զարհամարհանս եւ զփորձութիւնս իղիւաց , այսպէս եւ նա կրեաց զայնս թիւրապատիկ

Յովհ. 2, 6 .

Եբր. Ը, 15 .

1269

առաւելութեամբ: Երրորդ, եւ Քրիստոս իմարտ
ընդդէմ դիւին՝ առ ի ուսուցանել մեզ զճանապարհ
եւ զկերպ յաղթելոյ փորձութեանց դիւին, այս-
ինքն ուսուցանել թէ աղօթիւք, հսկմամբ, ծո-
մապահութեամբ, յիշմամբ աստուածային խոստ-
մանց, ապաւինութեամբ յԱստուած, ընդդիմա-
նալով ցանկութեանց մարմնոյ եւ աշխարհի, կա-
րեմք զդէմ ունել փորձութեանց դիւին, եւ յաղ-
թել նմա:

Հ. Քանի առուրս եկաց Քրիստոս անսուաղ յանա-
պատին աղօթիւք.

Պ. Զառուրս քառասուն, որպէս Մատթեոս ասէ., Պա- Մատթ. Դ, 2.
հեաց զքառասուն տիւ եւ զքառասուն զիշեր“:

Հ. Վասն էր պահեաց Քրիստոս աղօթիւք այնքան
առուրս.

Պ. Վասն չորից պատճառաց. Նախ՝ առ իտալ մեզ
զօրինակ յարդարելոյ զանձինս իպաշտօն քարո-
զութեան. եւ թեպէտ ինքն ոչ էր կարօտ, զի ի
յաւիտենից լի էր ամենայնիւ, այլ սակայն հե-
տեւողք իւր ոչ կարէին առանց նախապէս պա-
հելոյ եւ աղօթելոյ լինել յարմարք առ պաշտօն
քարոզութեան: Երկրորդ՝ զի քաղցնլովն տայցէ
զառիթ փորձողին: Երրորդ՝ զի ճնշելով զմար-
մինն անսուաղութեամբ՝ քաւեսցէ զմեղս նախա-
ծնողացն՝ հեշտալի պտղոյն ճաշակման, ըստ
այնմ զոր ասէ Շարականն. ,,Որ առ իքեն երկ-

- „ըորդ Ադամ վասն առաջնոյն յանցանաց , բնու-
„թեամբ մերով պահելով , գահաբեր պտղոյն լու-
„ծեալ զպատրանս“ : Եւ չորրորդ՝ զի այնու տայ
ցէ զօրէնս եւ զօրինակ քրիստոնեայ ժողովրդ-
դոց պահել զաւուրս քառասնորդական պահոց ,
որպէս ասի իՇարականին . „Որ փոխանակ ճա-
„շակացն դառնութեան մահաբեր պտղոյն , ան-
„ճաշակ լինելով քո քառասնօրեայ , քաղցրա-
„ցուցեր յուսով զլուծ նոր քո օրինաց“ :
- Զ. Առողջ բնութիւն մարդկային զրպէս կարէ այն-
քան աւուրս տոկալ ոչ ուտելով ինչ .
- Պ. Բնաւորական զօրութեամբ անկարելի է , այլ իձեռն
երկնային շնորհացն Աստուծոյ կարելի է , որ-
պէս Մովսէս եւ Եղիա մտածելով միշտ զերկնայ-
ինս եւ զաստուածայինս , զմայլեալ պահէին եւ
ոչ զգային զքաղց : Այլ Քրիստոս ինքնին պա-
հեաց , զի անկարօտ գոլով ըստ ամենայնի՝ զերկ-
նայինս եւ զաստուածայինս մտածեալ՝ ոչ քաղց-
նոյր ամենեւին :
- Զ. Ապա զիմրդ Աւետարանիչն յետ վկայելոյն իւրոյ
վասն քառասնորդական պահոցն Քրիստոսի՝ ասե-
թէ „Քաղցեալ“ .
- Պ. Կիրքն նորա չէին բռնադատողք . եւ ընդ պա-
կասել կերակրոյն քաղցնոյր թեպէտ մարդկօրէն ,
բայց ոչ որպէս մեք , այլ ըստ որում կամեր ինքն
եւ Աստուածութեամբն թոյլ տայր . վասն որոյ ի

- լրանայ թուոյն քառասնից՝ թոյլ ետ , եւ ըստ Աւետարանչին՝ , „Ապա քաղցեալ“ :
- Հ. Քանի բանիւ փորձեաց սատանայ զՏերն , եւ զինչ էին փորձութիւնքն .
- Պ. Երեք բանիւ . Առաջին այն՝ զոր ասաց յանապատին . „Ասա զի քարինքս այսոքիկ հաց լինիցին“ : Երկրորդ՝ եւժ զնա յերուսաղեմ եւ կացոյց ի վերայ աշտարակի տաճարին , եւ ասաց . „Ա՛րկ զքեզ աստի ի վայր՝ երե Որդի ես Աստուծոյ . զի զրեալ ե՛րք Հրեշտակաց իւրոց պատուիրեալ ե վասն քո ի պահել զքեզ“ : Եւ երրորդ՝ եհան զնա ի վերայ բարձր լերին , եւ եցոյց նմա զամենայն թագաւորութիւնս եւ զփառս աշխարհի , եւ ասէ . „Քեզ տաց զայս ամենայն՝ երե անկեալ երկիրպազանիցես ինձ“ :
- Հ. Որո՞վ բանիւ յաղթեաց Քրիստոս սատանայի .
- Պ. Այսոքիւք բանիւք . յառաջնում փորձութեանն ասաց թէ „Ո՛չ միայն հացիւ կեցցե մարդ , այլ ամենայն բանիւ որ ելանէ ի բերանոյ Աստուծոյ“ : Յերկրորդ փորձութեանն ասաց՝ թէ „Ո՛չ փորձեսցես զՏեր Աստուած քո“ : Եւ յերրորդին՝ թէ „Գրեալ է Տեառն Աստուծոյ քում երկիրպազցես , եւ զնա միայն պաշտեսցես“ :
- Հ. Յետ յաղթութեանցն այնոցիկ ուր զնաց Քրիստոս , եւ ո՞րպէս հալածեաց զսատանայ .
- Պ. Յանապատն դարձաւ , ուր զառուրս քառասուն

ծոմապահեալ էր . բայց ոչ առ իփախչել իսատանայե . զի նա ոչ փախեալ իմարտէ նորա , եւ ոչ բռնութեամբ հալածեաց զնա , եւ ոչ հրեշտակք եղեն նմա օգնական . այլ դեռն ինքն յաղբեցաւ եւ հալածեցաւ ինմանէ , եւ հրեշտակք մատեան առ իպաշտել զնա :

- Հ. Վասն Էր հրեշտակք իժամանակի փորձութեան դիւին հեռացեալ էին իՔրիստոսէ .
- Պ. Զի մի ասիցէ դեռն ' թէ իձեռն օգնութեան հրեշտակաց յաղբեաց ինքեան . ուստի երբ մերժեցաւ դեռն , ապա հրեշտակք մատեան առ իպաշտել զնա եւ ծառայել նմա ' բերելով զկերակուր եւ սպասաւորելով սեղանոյ նորա :
- Հ. Զինչ արար Քրիստոս յետ յաղբելոյն սատանայի .
- Պ. Սկիզբն արար քարոզութեան իւրոյ , որով ուսուցանէր ամենեցուն զԱւետարանն իւր կենարար վարդապետութեամբ . եւ յանդիմանէր զկեղծաւորս եւ զփարիսեցիս , եւ աստուածային հրաշագործութեամբ լուսաւորեաց զտիեզերս :
- Հ. Իքանի ամս քարոզեաց .
- Պ. Յերիս ամս , մինչեւ մերժեցան աւուրք չարչանաց եւ խաչելութեան իւրոյ :
- Հ. Ընդ ամենայն քանի ամս եկաց իվերայ աշխարհի .
- Պ. Զամս երեսուն եւ երիս . երեսուն ամ յառաջ քան զմկրտութիւնն , եւ երիս ամս յետ մկրտութեան :

ՅՕԴՈՒԱԾ Զ.

ՎԱՍՆ ԳԱԼՍՏԵԱՆ ՔՐԻՍՏՈՍԻ ԻՖԵԹԱՆԻԱ .

Հ. Ո՞ր գնաց Քրիստոս յետ քարոզութեան իւրոյ .

Պ. Փոխեցաւ ի Գալիլիէ եւ սկսաւ շրջել ի կողմանս Հրեաստանի . եւ գնայր յերուսաղէմ , զի գիտէր թէ մերձեայ էին առերջ չարչարանաց եւ խաչելութեան իւրոյ , որպէս մարգարեքն նախագուշակեայ էին :

Հ. Յորո՞ւմ առեր եկն ի Բեթանիա .

Պ. Իշարաթուն՝ որ չորս առերբք յառաջ է քան զօրմատնութեան . զորմէ Յովհաննէս զրէ թէ „ Յիսուս վեց առերբք յառաջ քան զգատիկն եկն ի Բեթանիա եւ ազաւ իտուն Սիմոնի բորոտի , եւ եկեր անդ զընթրիսն , ուր էր Ղազար մեռեալն չորեքօրեայ , զոր յարոյց իմեռելոց “ .

Յովհ . ԺԲ , 1 .

„ Զայնեցեր առ Ղազարոս ,

Որով ետուր մեռելոց յոյս .

Կենդանութեամբ չորեքօրեայ

Կենդանացան որք յԱղամայ “ :

Հ. Մարիամ քոյրն Ղազարու զիւմրդ պատուեաց ըզ-
Քրիստոս իբազմականին .

Պ. Մինչդեռ նստեալ էր Քրիստոս իշարս բազմե-
լոցն իխրախճանի , կինն այն լիտր մի իւղոյ եհեղ
իզլուխ նորա , եւ եօծ զոտս նորին եւ հերով իւրով
սրբեաց . եւ իւղն այն էր ծանրագին եւ ազնի-
յոյժ , շինեալ ինարդոս ծաղկէ՝ հանդերձ այլովք
հոտաւետ ծաղկօք :

Հ. Զինչ նշանակեր հեղումն այնր իւղոյ իձեռն կնոջն
իզլուխն Քրիստոսի .

Պ. Իկողմանէ կնոջն նշանակեր զգործս բարութեան
եւ ողորմութեան , որոյ անուշահոտութիանն բու-
րէ առ Աստուած եւ առ հրեշտակս . եւ իկողմա-
նէ Քրիստոսի եղեւ օծումն մարմնոյ նորա , զի
նշանակեաց այնու թէ յետ մահուան նորա այնու
կերպիւ օծանելոց եւ խնկելոց է մարմինն նորա :
Եւ Քրիստոս թոյլ ետ նմա առնել այնպէս , զի ո-
րովհետեւ յետ մահուան իւրոյ իՅովսեփայ եւ ի
Նիկողիմոսէ ունէր թաղիլ եւ խնկիլ , եւ ոչ կա-
րէր կինն այն յայնժամ խնկել զմարմինն իւր ,
վասն որոյ իկենդանութեան իւրում ինմանէ օծաւ
եւ խնկեցաւ , զի եւ նա նովին բարեգործութեամբ
վարձատրեսցի . որպէս ինքն իսկ Քրիստոս ջատա-
գովէ զկինն զայն ասելով . „Արկանել դորա զիւղդ
իմարմին իմ՝ առ իթաղելոյ զիս նշանալեաց“ .
եւ թէ „Թոյլ տուք դմա , զի յօրն պատանաց ի-

Մատ . ԻԶ , 7 .

Յովհ . ԺԲ , 3 .

Մատ . ԻԶ , 12 .

Յովհ . ԺԲ , 3 .

ՅՕԴՈՒԱԾ Է.

ՎԱՍՆ ԸՆԹՐԵԱՅ ՏԵԱՌՆ.

- Հ. Ո՞ւր կազմեցաւ երկրորդ սեղանն Տեառն կամ
Զատիկն, եւ յորո՞ւմ աւուր եկեր զայն Քրիստոս .
Պ. Իվերնատանն՝ ուր նախապատրաստեալ էին Պետ-
րոս եւ Յովհաննէս . եւ իհինգշաբաթի երեկոյին ե-
կեր զԶատիկն երկոտասանիւքն հանդերձ . եւ ա-
պա լուաց զոտս աշակերտաց իւրոց՝ առ ի ու-
սուցանել նոցա զիւրն խոնարհութիւն, ըստ այնմ
զոր ասէ Շնորհային .

„Ելից զօրէնսն Մովսիսի

Զոր խօսեցաւն իՍինայի .

Եկեր ըզգառն օրինակին,

Եւ ըզբաղարջն ընդ եղեգին“ :

- Հ. Զխորհուրդ հաղորդութեանն Յրբ հաստատեաց .
Պ. Ինմին երեկոյի հինգշաբաթուն՝ յետ կատարելոյն
զկարգ լուացման ոտից աշակերտաց, արար Քրիս-
տոս եւ զերկրորդ սեղան խորհրդական՝ յորում
հաստատեաց զսուրբ խորհուրդն հաղորդութեան,
եւ հաղորդեաց զամենեսեան իսուրբ մարմնոյ եւ
յարենէ իւրմէ՝ ընդ տեսակօք հացի եւ զինուոյ,
ըստ Շնորհայնոյն որ ասէ .

„Թագաւորն արարածոց

Զհացըն կենաց ետ քաղցելոց,

Եւ ըզբաժակն ուրախարար

Որք յԱդամայ տըրտմեցելոց“ :

Հ. Որպիսի սքանչելագործութեամբ արար զայն .

Պ. Առեալ զհացն եւ զգինին յամենասուրբ ձեռս իւր՝
սրբագործեաց , այսինքն փոխարկեաց զայնս ի
մարմին եւ յարիւն իւր , եւ ետ աշակերտացն ա-
սելով . „Առէք կերայք , այս է մարմին իմ.—Ար- Մատ. ԻԶ, 26.
բէք իսմանէ , այս է արիւն իմ“ :

„Ընդ բաղարջին հաց անխըմոր

Ետ ըզմարմին իւր գերկնաւոր ,

Ըզկուսածինն անսերմնաւոր ,

Զանապական եւ զհոգեւոր .

Ընդ ոչխարին արեան ուխտին

Ետ մեզ զարիւն իւր ուխտ կըրկին ,

Եւ եղեգան դառնագունին

Փոխան ըզվարս աստուածային“ :

Հ. Ո՞րպէս յայտնեաց Քրիստոս աշակերտաց իւրոց
զմատնութիւնն իւր իձեռն Յուդայի .

Պ. Որովհետեւ նա աստուածային կարողութեամբ
գիտեր զամենայն խորհուրդս սրտից մարդկան ,
վասն որոյ իվերջին ընթրիսն , յետ կատարելոյն
զխորհուրդն հաղորդութեան եւ բաշխելոյ զմար-
մին եւ զարիւն իւր ամենեցուն , ասաց աշակեր-
տաց թէ „Մի ոմն իձենջ մատնելոց է զիս“ : Յայն- Մատ. ԻԶ, 21 .
ժամ վշտացեալ աշակերտքն տրտմեցան յոյժ , եւ
ասէին ցմիմեանս . „Զու՞մմէ ասիցէ“ : Պետրոս ակ-

նարկեր առ Յովհաննէս , հարցանել Յիսուսի թե
ո՞վ իցե մատնիչն . որպէս ասե եւ Շնորհալին .

„Լոյսըն խօսէր աղերսալի
Խաւարելոյն վասն դարձի .
Մի ոմն իձենջ , ասե , եղբարք
Ձիս մատնելոց ե առ իմահ .
Պետրոս լրեւալ զայն զարհուրէր ,
եւ ականարկեր առ Յովհաննէս
Հարցանել թե ո՞վ իցե
Դաւաճանող Վարդապետին“ :

Մատ. ԻԶ, 23.

Յովհ. Ժ.^Գ, 26.

Եւ Տերն առ իփարատել զտրտմութիւն աշակեր-
տացն՝ ասաց առ Յովհաննէս թե „Որ մխեաց
ընդ իս զձեռն իւր իսկաւառական՝ նա մատնելոցե
զիս“ . եւ թե „Որում թացից զպատառն եւ տաց,
նա ե“ . ընդ ասելն զայս՝ առեալ իսեղանոյն պա-
տառ մի հացի եթաց եւ ետ Յուդայի . եւ յորժամ
եառ Յուդա զպատառն՝ մերկացաւ իսկոյն իլու-
սոյ աստուածային շնորհաց , եւ զզեցաւ զսա-
տանայ , զի անօրէն խորհրդով էր ընկալեալ . որ-
պէս եւ Շնորհալին վկայե .

„Խնամով սիրոյն յիւր սիրելեաց
Ըզտրտմութիւնըն փարատեաց .
Թացեալ պատառ տայ Յուդայի ,
Նըշանակեալ զգողըն մատնիչ .
Ձոր առեալ եւ մերկացաւ
Յաստուածային Հոգւոյն շնորհաց ,
Մատնեցաւ նախաջարին
Ընդ մատնութեան վարդապետին“ :

ՅՕԴՈՒԱԾ Ը .

ՎԱՍՆ ԵԼԱՆԵԼՈՅՆ ՔՐԻՍՏՈՍԻ ԻԼԵԱՌՆ ԶԻԹ ԵՆԵԱՅ .

Հ. Յետ ընթրեացն ուր գնաց Քրիստոս .

Պ. Իլեառն Ձիթենեաց ել աշակերտօքն հանդերձ կալ Մատ . ԻՁ , 30 .
յաղօթս , ուր ըստ սովորութեանն երթայր միշտ
եւ իպարտիզի նորին աղօթքր . եւ անտի եջ իգիւ-
ղըն Գեթսեմանի առ ստորոտով լերինն Ձիթենեաց .
յետ խրատելոյն եւ ուսուցանելոյն աշակերտաց
իւրոց զաղօթս , եթող զնոսա անդ եւ ինքն չոքաւ
իպարտեզն , եկաց յաղօթս անկեալ իվերայ երեսաց
իւրոց . „Հայր իմ , եթե հնար է՝ անցցե բաժակս այս Մատ . ԻՁ , 39 .
յինեն“ ասելով :

Հ. Ձինչ նշանակե Քրիստոսի իպարտիզի աղօթելն .

Պ. Նշանակե զի որովհետեւ նախահարքն մեր իպար-
տիզի դրախտին խաբեցան եւ գլորեցան իղժոխս ,
Քրիստոս եւս կամեցաւ իպարտիզի աղօթելովն
կանգնել զնոսա իգլորմանեն .

„Կեղրոնեան յայնկոյս ձորոյ

Իվերնատունն ել խորհրդոյ ,

Եմուտ պարտեզ ընդ պարտիզի ,

Եմոյծ զԱդամ յԱդին դրախտին“ :

Հ. Անկանելն Տեառն մերոյ իվերայ երեսաց՝ վասն
քանի պատճառաց եղեւ .

Պ. Վասն վեց պատճառաց . նախ՝ առ իցուցանել ըզ-
ծանրութիւն եւ գմեծութիւն ցաւոց եւ տրտմու-
թեանց իւրոց՝ զորս կրէր յանօրինաց ըստ մարդ-
կութեանն : Երկրորդ՝ առ իտալ մեզ զօրինակ խո-
նարհութեան , զի այնու յօժարիցիմք իսէր Տեառն
մերոյ տարածել զմեզ իվերայ հողոյ ջերմեռան-
դաբար աղօթս առնելով : Երրորդ՝ առ իմատու-
ցանել Հօրն երկնաւորի գմեծամեծ պատիւ յա-
ղօթս իւր . որով ուսոյց եւ մեզ այնու խոնար-
հութեամբ պատուել զԱստուած յամենայն աղօ-
թրս մեր : Չորրորդ՝ առ իօրհնել գերկիրն զոր ա-
նիծեալ էր վասն մեղաց նախաստեղծից : Հին-
գերորդ՝ առ իծանուցանել զբազմութիւն եւ ըզ-
ծանրութիւն մեղաց մերոց՝ զորս ինքն բարձեալ
տանէր : Եւ վեցերորդ՝ առ իյայտնել Հօրն երկ-
նաւորի թէ բառնալով զամենայն մեղս մարդկան՝
անկանի առաջի նորա եւ ասէ , անն այսքան
ծանրութիւն մեղաց բարձեալ ունիմ , որպէս եւ կա-
միս՝ արա . „Տարածեան զիս , ասէ , իվերայ խաչին ,
բեւեռեան զձեռս եւ զոտս իմ . ինմին փշով պսա-
կեան զգլուխ իմ . նաեւ մանացն զիս իվերայ փայ-
տին , միայն զի մեղքս այսօքիկ որք ծանրութեամբ
իւրեանց ձգեցին զիս յերկիր , ջնջեսցին , եւ ես ա-
զատեցայց յիմոց բեռանց“ :

Հ. „Հայր իմ , եթէ հնար է , անցցեբաժակս այս յինէն“
ասելով , զինչ կամեցաւ բացատրել եւ խնդրել .

Պ. Որովհետեւ նախասահմանեալ էր Տեառն մերոյ
մատնիլ իման վասն մեղաց մերոց , կոչե գմանն
բաժակ . վասն որոյ ասելովն զայն բան՝ խնդրե ի
Հօրէն զի երե հնար իցե առանց մահու եւ չար-
չարանաց իւրոց լինել փրկութիան մարդկան ,
անցցե բաժակն , այսինքն զի մի չարչարեսցի . բայց
երե ոչ է հնար , պատրաստ է ընդունել զբաժակն
ամենայն յօժարութեամբ , այսինքն հանդերձեալ
է յօժարակամ չարչարիլ ցման .

„Չայնիւ մաղբեր աղօթական
վասն իմ առ Հայր իւր եական ,
Ծունրր դրնէր խոնարհական
Որում կրկնի ծունր ամենայն .
Երե փրկիլ մարդկան հնար է
Առանց մահու իմ որ զրեալ է ,
Բաժակ մահուս լինեն անցցե .
Ոչ իմ կամաւ , այլ քոյդ տեսցե“ :

Հ. Քանի անգամ կրկնեաց զաղօթս իւր , եւ զինչ ինչ
կամեցաւ ուսուցանել մեզ այնու .

Պ. Երիցս անգամ կրկնեաց՝ մինչեւ եկն հրեշտակն եւ
զօրացոյց զնա . ըստ Շնորհալուոյն .

„Ղօղեալ յերկիւղ քրրտանց հոսման ,
Ոլոռնաձեւ կայլակ վիժման .
Իզօրանալ հրեշտակ մերձեալ
Զօրինական զիրրն լրցեալ“ եւ այլն :

Եւ այս նախ՝ առի ուսուցանել մեզ զի եթէ խընդ-
րիցեմք յԱստուծոյ ինչ յաղօթս մեր, յառաջնումն
կամ յերկրորդումն եթէ ոչ ընդունիցիմք զխընդ-
րուածս, ոչ պարտիմք յուսահատիլ յԱստուծոյ,
այլ կրկնեսցուք եւ երեքկնեսցուք զաղօթս՝ ղը-
նելով զհայցուածս մեր իներքոյ կամացն Աստու-
ծոյ, որպէս զի ընկալցուք զայն զոր խնդրեմք .
որովհետեւ ինքն խոստացեալ է իւրով Աւետա-
րանաւ վարձատրել զմեզ . , , Խնդրեցէք եւ տացի
ձեզ . հայցեցէք եւ գտջիք“ : Երկրորդ՝ աղօթեաց
Տերն մեր երիցս առ իցուցանել յերեւակայութեան
իւրում գերիս իրս . այսինքն զչարչարանս՝ զորս
կրելոց էր . զանարգանս՝ որով առաւելապէս ար-
համարհեալ լինելոց էր, եւ զմահն՝ որով մեռա-
նելոց էր . որպէս զի այսօքիւք չարչարելով եւ
վշտանալով՝ արդիւնաւորեալ շահեսցի վասն ան-
դամոց կամ հաւատացելոց իւրոց զայսօսիկ երիս
իրս . նախ՝ զի հաւատացեալք ոչ ցանկանայցեն
հանգստեան աշխարհի, եւ ոչ իտանջանաց ան-
ցաւորաց երկիցեն : Երկրորդ՝ ոչ տենչասցին պա-
տուոյ, եւ ոչ իկրելոյ զանարգանս փախիցեն, որք
անցաւորք են . եւ երրորդ՝ ոչ ցանկալ ընդ երկար
վարել զմարմնաւոր կեանս . եւ ոչ իսրոյ եւ իմա-
հուանէ երկիցեն, յորժամ ըստ կամաց Տեառն եւ
իփառս նորա պատահիցեն :

2. Ապա առաքեալք յինչ միտս աղօթեին .

Պ. Նոքա աղօթիկն որպէս յորդորէր զնոսա Քրիստոս
ասելով. „Տէր, փրկեա՛ն զմեզ ի կործանմանէ իժամա-
նակի փորձութեան կամ վտանգի. քանզի մեք
թեպէտ յօժարեմք հոգւով՝ զի թեւ մեռանել հա-
սանիցէ մեզ, ոչ թողուցումք զՎարդապետն մեր
միայնակ, սակայն մարմին եւ արտաքին զգայ-
ութիանք մեր գոյով տկարք, իտեսանելն զգի-
նուորսն սուսերօք, շփոթեալ վրդովիմք. ուստի
տո՛ւր մեզ, ասեին, զշնորհ՝ զի մի՛ գոցեշփոթումն
եւ վրդովումն տկար մարմնոյ մերոյ եւ արտա-
քին զգայութեանց մերոց հեղցին իհոգիս մեր, եւ
այնու կործանեսցուք“ :

ՅՕԴՈՒՍԺ Թ.

ՎԱՍՆ ՄԱՏՆՈՒԹԵԱՆ ՅՈՒԴԱՅԻ ԵՒ ԸՄԲՈՆՄԱՆՆ-
ՔՐԻՍՏՈՍԻ .

Հ. Յուդա ունէր զաստիճան առաքելութեան հա-
ասար ընդ այլ առաքեալսն .

Պ. Այն ունէր, զի մի էր յերկոտասանիցն . բայց որ-
քան իփառս առաքելութեան բարձրացաւ՝ այն-
քան չարացաւ . զի ոչ պաշտէր զառաքելութիւն
իւր արժանաւորապէս, եւ ոչ ընդ միտ ածեր զան-
հուն ողորմութիւն տուողին, այլ հպարտանայր:

առաքելութեամբ իւրով, եւ համարէր զի տուողն
բարութեանց՝ պարտական էր ինքեան ըստ իւրու-
մըն արժանաւորութեան, եւ վասն այն ոչ փո-
քայր մահացուցանել զախտ ազահութեան իւրոյ.
եւ ոչ կամէր պաշտել զաղքատութիւնն զոր Տէրն
միշտ քարոզէր բանիւ եւ գործով:

Հ. Հաղորդեցան նա իսեղանն խորհրդական խտրբ
մարմնոյ եւ յարենեն Գրիստոսի .

Պ. Ո՛չ միայն հաղորդեցաւ, այլ եւ զկարգ քահանայ-
ութեան ետու ընդ այլոց աշակերտաց. բայց ոչ
ինչ շահեցաւ, զի զխորհուրդն զոր ընկալաւ առեալ
անմաքրապէս՝ եղև. առիք դատապարտութեան
նորա, որով պարտ էր խնդրել զփրկութիւն ընդ
այլոց առաքելոց .

„Իյրնթրիսըն հոգեւոր
Մերձի ժրպիրհն եւ նենգաւոր,
Ուտելով ընդ վարդապետըն
Յաճախէր զխաբէութիւն“ :

Այսպէս՝ Յուդա անուանին անարժան քրիստո-
նեայք, որք անմաքուր մտօք կեղծաւորութեամբ
մերձենան խտրբ խորհուրդն, եւ առանց զղջման
եւ խոստովանութեան անպատրաստութեամբ հա-
ղորդին խտրբ մարմնոյ եւ յարենեն Գրիստոսի .
որով ո՛չ թէ զփրկութիւն խնդրեն, այլ ընդ Յու-
դայի իմահ եւ իդատապարտութիւն յաւիտենա-
կան մատնեն զինքեանս :

Հ. Յորոհամ առուր արար դաշնադրութիւն մատնութեան ապերախտն այն ընդ քահանայապետսն Հրէից, եւ ո՞րքան արժաթոյ վաճառեաց զՔրիստոս.

Պ. ՅԱւագ չորեքշաբթու գնաց իտուն Կայիափայ քահանայապետին, ուր ժողովեալ էին ամենայն իշխանք եւ ծերք ժողովրդեան Հրէից, եւ խորհէին վասն Քրիստոսի ունել գնա նենգութեամբ եւ սպանանել. եւ նա ինմին ատենի դաշնադրեցաւ ընդ նոսա, եւ վաճառեաց զՔրիստոս երեսուն արժաթոյ, եւ խոստացաւ զի իդեպ ժամանակի տացէ ըմբռնել:

Հ. Ե՞րբ կամ յորոհամ առուր մատնեաց իձեռս Հրէից, եւ ետ ըմբռնել զՏէրն.

Պ. Իհինգշաբթի՝ յորոհամ առուր կերին զգատիկն. զի նա որ հաղորդեցաւ իսեղանոյ Տեսուն, առեալ զքացեալ պատառն՝ փոխանակ զոջաւոյ, առաւել ջարութեամբ կատաղեցաւ, եւ ցանկայր այնուհետեւ իկատար հասուցանել զջարութիւնն իւր: Ուստի յորժամ զիտաց թէ Քրիստոս փոխեցաւ իվերնատանէն իլեառն Չիբենեաց, կամ ի պարտեզ նորին կալ յաղօթս, առեալ զգունդս զօրաց Հրէից՝ գնաց անդր առ Քրիստոս, եւ յաղօթելն նորա յերրորդ նուազին մատնեաց գնանշանաւ համբուրիւ իձեռս զինուորացն եւ ետ ըմբռնել, ըստ Շնորհալուոյն որ ասէ.

Մատ. ԻՁ, 47.
Մարկ. ԺՁ, 43.
Ղուկ. ԻԲ, 47.
Յովհ. ԺԸ, 3.

„Յուդաս նենգաւ համբուրելով ,
Առիթ մահու նըշան տալով .
Փոխան սիրոյ զնա մատնելով ,
Չար ընդ բարւոյ վճարելով“ :

2. Քանի սքանչելիք եղեն իժամ ըմբռնման .
Պ. Չորս . յորժամ որոնեին Հրեայք ընդ Յուդայի կալ-
նույ գիւրիստոս , ասաց Տերն մեր , „Զո՞ խնդրեք“ .
Եւ նոքա ասեն „գՅիսուս Նագովրեցի“ . Եւ մինչ
ասաց Տերն թէ „Ես եմ“ , յետոս յետոս չոքան ամե-
նեքեան եւ անկան յերկիր , ըստ այնմ գոր ասէ
Շնորհալին .

„Մերձեալ Յուդաս որ մատնելոց
Հանդերձ դասուն Փարիսեցւոց ,
Անկան նըման ստորանկելոց ,
Որք յաւիտեան չեն կանգնելոց“ :

Երկրորդ՝ զի ցորքան ժամանակս մնացին անկեալ՝
ըստ ամենայնի անզգայացեալք էին եւ լուծեալ
յամենայն անդամոց : Երրորդ՝ զի յետ յարուցա-
նելոյն զնոսա՝ մինչ կամեին նոքա ձեռն արկանել
յառաքեալսն , արգել Տերն մեր զնոսա աներեւու-
թաբար իվնասելոյ առաքելոց . մինչ զի յորժամ
Պետրոս եհատ զականջն Մաղքոսի , ոչ կարացին
ընդդէմ խօսել ինչ կամ առնել նմա զջարու-
թիւն . Եւ Չորրորդ՝ զի զհատեալ ականջն Մաղքոսի
դարձոյց իտեղի իւր , եւ առողջացոյց աստուա-

ծային կարողութեամբ, որպէս ասի յերգս Շնորհալուոյն .

„Յայնժամ առ գութ սիրոյն Պետրոս
Ըզճառային անուն Մաղքոս
Եհատ սուսերբ զականջն աջոյ,
Որ ոչ լրեաւ Տեառն իւրոյ .
Իսկ Տերըն մեր արագապէս
Յունկըն մերձեայ բըժըշկապէս,
Առողջացոյց աստուածապէս .
Զոր ոչ տեսին կուրացն հանդէս“ :

Հ. Առաքեալք որպիսի հաւատով փախեան իՔրիստոսէ յորժամ ըմբռնեցին զնա Հրեայք .

Պ. Նոքա փախեան իտկարութենէ եւ մարդկային երկիւղիւ, եւ ոչ իպակասելոյ հաւատոցն :

Հ. Ապա Պետրոս յինչ միտս ուրացաւ .

Պ. Նա եւս արտաքուստ ծածկելով զհաւատն, ասաց երիցս անգամ ուրացութեամբ, „Ո՛չ զիտեմ զայրն զայն“ . եւ այն՝ յերկիւղէ հարցանողաց, եւ միանգամայն զի լցցի բան Տեառն թէ „Ձեռ հաւու խօսեալ իցէ՝ երիցս ուրացիս զիս“ . զի իներքուստ հաւատայր եւ սլաշտեր զնա ըստ այլ առաքելոցն . վասն որոյ իձեռն արտասուաց եւ զղջման սրտի դարձաւ առ Տեր եւ ելաց դառնապէս, ինչան հաստատութեան հաւատոյն իւրոյ . որով եւ կրկին երանեցաւ իՔրիստոսէ եւ մնաց անգայթակղելի հաւատով եւ աներկբայ յուսով :

Մատ . ԻԶ, 34.
Մարկ . ԺԴ, 30.
Ղուկ . ԻԲ, 61.

Ե՞րբ ետ. Յուդա զարժարն ի վարձ մատնութեանն,
եւ յումմէ .

Պ. Յորժամ մատնեաց գ՛րիստոս ի ձեռ.ս Հրէից եւ
յանձնեաց զնա բազմութեան ժողովոյն, յայն-
ժամ ընկալաւ յԱննայի՛ յաներե Կայիափայ քա-
հանայապետին եւ զարժարն :

ՅՕԴՈՒԱԾ Ժ .

ՎԱՍՆ ԴԱՏԱՊԱՐՏՈՒԹ ԵԱՆ ՔՐԻՍՏՈՍԻ ՅԱՏԵՆԻՆ

ՀՐԷԻՅ .

Հ. Ո՞ր տարան Հրեայք գ՛րիստոս առ իղատա-
պարտեյ .

Պ. Տարան նախ իտուն Աննայի, բայց ոչ վասն դա-
տապարտութեան, այլ առ իցոյց միայն. զի ի
նմանէ առ.աքեցաւ առ Կայիափա՛ որ քահա-
նայապետ էր տարւոյն այնորիկ, եւ առ նմա
ժողովեալ էին ամենայն դպիրք եւ ծերք ժողովըր-
դեան, զի անդ առ.աջի ամենեցուն դատապար-
տեսցեն, ըստ այնմ .

„Ո՛վ, կամա՞ զանկապելին
Կապեալ ըզձեռսն արձակողին,
Իյապարանսըն տանեին
Կայիափայ եւ Աննային“ :

Հ. Վասն քանի սլատճառաց տարեալ եղեւ իտուն
Աննայի .

Պ. Վասն երկուց սլատճառաց . Նախ՝ զի Աննա յոյժ
ծարաւի եր արեան Յիսուսի եւ փափաքեր տեսա-
նել զնա կապեալ . եւ Երկրորդ՝ զի զվարձն մատ-
նութեան Յուդայի նա եր հատուցեալ . վասն որոյ
կամեր տեսանել զնա անարգաբար :

Հ. Քահանայապետն Կայիափա որով հարցաբանու-
թեամբ սկսաւ դատապարտել զՔրիստոս յատենի
իւրում .

Պ. Սկսաւ նախ զվարդապետութենէ նորա հարցա-
բանել նենգութեամբ, որպէս զի իխօսելն զվար-
դապետութենէ իւրմէ՝ զոր արարեալ եր յաշխար-
հի՝ որսացե բան ինչ, եւ իներհակ կողմն մեկ-
նելով ասիցէ թէ ահա այսու բանիւ հակառակ է
Աստուծոյ եւ ընդդէմ օրինաց եւ մարգարեից, եւ
այնու դատապարտեսցէ զնա . այլ Տերն մեր գիտե-
լով զնենգութիւն նոցա, ո՛չ սլատասխանեաց այ-
նու կերպիւ՝ որպէս նոքա խնդրեին, այլ որպէս
իրաւունքն պահանջեր . ուստի ասաց . „Ես յայտ-

Նապէս խօսեցայ յաշխարհի, եւ ուսուցի զամենայն ժողովուրդն իտաճարին ուր ժողովեալ էին, եւ ոչինչ խօսեցայ իծածուկ. այժմ չունիմ ինչ, ասաց, խօսել առ ձեզ զվարդապետութենէ իմմէ“ : Տեսեալ սպասաւորք այնր ատենի, թէ քահանայապետն իւրեանց եւ ամենայն բազմութիւնք դըպրաց ոչինչ որսալով իբանիցն Քրիստոսի՝ յամօթեղեն յոյժ, ընթացեալ մի ոմն ինոցանէ (որ էր ասեն, երեսունեութամեայ անդամայոյժն, որ երբեմն բժշկեայն էր իՔրիստոսէ յաւագանին Պրոպատիկէ), եւ յապտակ յաստուածային երեսս Յիսուսի „Ա՛յդպէս պատասխանի տաս քահանայապետիդ“ ասելով, ըստ Շնորհալույն.

Յովհ. ժԸ. ԻԲ.

„Ծառայն գերեսն այն ապտակեր
Յորմէ սրորեն թեւաքօղեր“ :

Ա՛յնքան ուժգին եւ սաստիկ եհար, մինչ զի նըշանք հնգից մատանց անօրինին տպաւորեցան, ասեն, յամենասուրբ երեսս Փրկչին մերոյ. բայց Քրիստոս աստուածային համբերութեամբ իւրով զտաւ առ նա ներողամիտ, եւ ոչ պատուհասեաց ամենեւին, ըստ Շնորհալույն.

„Որ ներեցեր չար ծառային

Աձել ձեռօք քեզ ապտակին“ :

Արդ քահանայապետն մինչ ոչ կարողացաւ նենգութեան ճանապարհաւ առնուլ զառիթ ինչ զատապարտութեան իբերանոյն Քրիստոսի եւ

տալ նմա զվճիռ մահու, կացոյց յատենի զոմանս սուտ վկայս, որպէս զի վկայեսցեն զնմանէ բան ինչ ընդդէմ օրինաց ասացեալ, եւ ըստ այնմ մատնեսցեն զնա իմահ :

Հ. Քանի վկայք էին, եւ զինչ սուտ վկայեցին .

Պ. Թեպէտ վկայք բազումք էին նախապատրաստեալք ի Հրէից, բայց յորժամ եկին յատենն եւ կամեցան վկայել ինչ՝ ոչ կարողացան ամենեւին ասպացուցանել զվկայութիւն իւրեանց . զի ամենայն բանք եւ վարք Քրիստոսի գոյով սուրբ եւ մաքուր, ոչ թոյլ տային ումք զնել նմա զարատ ինչ . վասն որոյ վկայքն այնոքիկ ինքեանք խայտառակեցան, եւ զամօթի հարեալ ստութեամբ իւրեանց փախեան ի վկայութեանց : Ապա զժողովրացեալ քահանայապետն՝ կացոյց այլ եւս երկուս վկայս սուտս, որք մատենն եւ վկայեցին զՔրիստոսէ՝ թէ «Սա ասէ վասն տաճարին, կարող եմ զտաճարդ ձեռագործ քակել, եւ զերիս աւուրս շինել» :

Մատ. ԻԶ, 60.
Մարկ. ԺԴ, 58.

Հ. Ըստ քանի պատճառաց սուտ էր վկայութիւնն նոցա .

Պ. Ըստ ջորից . Նախ՝ զի Տերն մեր չէր ասացեալ թէ քակեցից, այլ քակեցէք, այսինքն՝ եթէ քակիցէք : Երկրորդ՝ ոչ էր ասացեալ, զտաճարդ ձեռագործ, այլ լոկ զտաճարդ . զի վասն մարմնոյ իւրոյ ասէր, որ ոչ էր ձեռագործ : Երրորդ՝ ոչ էր ասացեալ, զերիս աւուրս շինեցից, այլ կանգ-

Յովհ. Ժ, 19.

Յովհ. Բ, 20.

նեցից, այսինքն յարուցից. եւ Յովհաննէս որ
զրէ շինեցից, փոխանակ կանգնելոյ է եղեալ
շինելն, որպէս երեւի ի պատասխանոյն Հրէից
որ առ Քրիստոս ինմին տեղուջ, ուր ասացին .
„Զքառասուն եւ զվեց ամ շինեցաւ տաճարս
այս. եւ դու գերիս աւուրս կանգնես զդա“ : եւ
չորրորդ՝ զի առ նշանակութիւն բանին ըստ ամե-
նայնի սուտ էր վկայութիւն նոցա. վասն զի Տէրն
մեր առականոր բանիւ ասացեալ էր զայն զմա-
հուանէ իւրմէ, եւ ոչ զտաճարէն. զի այսպէս
մեկնի այն բան. եթէ քակիցէք զտաճարդ, այս-
ինքն զմարմինս իմ եթէ սպանանելով ի հոգւոյ
իմմէ քակեալ բաժանիցէք, ես յետ երից աւուրց
կանգնեցից՝ այսինքն յարուցից զմարմինս, միա-
ւորելով վերստին ընդ նմա զհոգի իմ :

- Հ. Զինչ այլ եւս եհարց քահանայապետն ց՝ Քրիստոս .
Պ. Մինչ ետես նա՝ թէ իհարցարանութեանց իւրոց
վասն վարդապետութեան Քրիստոսի, եւ ի վկայ-
ութեանց սուտ վկայողացն զնիւթ կամ զառիթ
դատապարտութեան ոչ կարողացաւ գողանալ
ինմանէ, զի այնու իման մատնիցէ, յայնժամ
երդմնեցուցեալ զնա յանուն Աստուծոյ կենդա-
նուոյ, մեծաւ ստիպմամբ եհարց ցնա, թէ „Դո՞ւ ես
Քրիստոսն որդի Աստուծոյ“, որպէս զի եթէ ա-
սիցէ, այն էս եմ, զնոյն ասութիւն հայհոյու-
թիւն համարեալ՝ իման դատապարտեսցէ. իսկ եթէ

ասիցե թե ոչ եմ որդի Աստուծոյ, իսկոյն որպէս զսուտ մարգարե՝ մահապարտ առնիցե ասելով. եթե ոչ էիր որդի Աստուծոյ, ընդէր այնպէս քարոզէիր : Այլ Քրիստոս որովհետեւ է ճշմարիտ Որդի Աստուծոյ, խոստովանեցաւ ճշմարտապէս, ասելով առաջի ամենեցուն՝ թե ես եմ Մեսիայն եւ Որդի Աստուծոյ :

2. Վասն քանի պատճառաց այնպէս պատասխանեաց Տերն մեր .

Պ. Վասն երից պատճառաց . Նախ՝ զի պատուեսցեզանունն Աստուծոյ : Երկրորդ՝ զի զՀրեայս անպատասխանիս արասցե յառուրն դատաստանի, որպէս զի մի ասիցեն յայնժամ թե մեք հարցաք յատենի մերում՝ թե դու ո՞ն իցես, եւ թագուցեր ի մենջ : Եւ երրորդ՝ զի յայնմ ատենի վկայելով ճշմարտութեան, վասն վկայութեանն իման դատապարտեսցի :

2. Զինչ խօսեցաւ Քրիստոս յայնմ ատենի վասն աստուածութեան իւրոյ, եւ վասն վերջին դատաստանին .

Պ. Խօսեցաւ՝ թե յայսմ հետեւ ,,Տեսանիցեք զՈրդի մարդոյ նստեալ ընդ աջմե զօրութեանն, եւ եկեալ ընդ ամպս երկնից“ . այժմ որ տեսանեք զիս, ասե, կապեալ եւ կանգնեալ առաջի ձեր, յետ յարութեան իմոյ ջեմ երեւելոց ձեզ . եւ յորժամ համբառունամ յերկինս, անդէն ես ոչ տեսանիցեք զիս.

Մատ. ԻԶ, 64.

յայնժամ միայն տեսչիք զիս, յորժամ իղատաստան եկից նստեալ ընդ աջմէ Հօր ամենակարողի, առ իղատել զձեզ. որով յայտնապէս իմանալ տայր Հրեից եւ քահանայապետաց նոցին գրանս մարգարեութեան Դաւթի. „Ասաց Տէր ցՏէր իմ, նիստ ընդ աջմէ իմմէ, մինչեւ եղից զթշնամիս քո պատուանդան ոտից քոց“. եւ դուք ասէ, այժմ դատեք զիս իման. ես յայնմ մահուանէ զկնի երից առուրց յառնեմ. եւ յորժամ եկեալ ընդ ամպս երկնից դատեցից զձեզ, մատնեցից իմանն դժոխոց, յորում յաւիտեան մնալոց էք, ասէ, եւ ոչ եւս յառնելոց: Ուստի դուք որ այժմ ոչ կամիք ճանաչել զիս եւ հաւատալ, եւ կրկնել ինձ ծռանր, յայնժամ պատժօք եւ վնասութիւնաչելոց էք զիս, եւ ակամայ կրկնելոց էք ինձ ծռանր, բայց այնու ոչինչ շահելոց էք ամենեւին:

- Հ. Զինչ արար յայնժամ քահանայապետն, եւ ո՞րպէս ջարջարեաց զանմեղ զառն Յիսուս.
- Պ. Կատաղեալ առաւել բարկութեամբ՝ պատառեաց զհանդերձն իւր, եւ ասաց „Հայհոյեաց, զի եւս պիտոյ են մեզ վկայք. ահա յուսք զհայհոյութիւն դորա“: Թեպէտ նա ըստ հին սովորութեան պատառեաց զհանդերձն, որպէս եզեկիա, մինչ յուսազհայհոյութիւնն Ռափսակայ՝ պատառեաց զհանդերձն, սակայն նա իփառս անուանն Աստու-

Մատ. ԻԶ, 65.

Դ. Թագ. ԻԸ, 1.

ծոյ պատառեաց, իսկ քահանայապետն գոլով
չար, ոչ իպատիւ անուանն Աստուծոյ պատա-
ռեաց, այլ վասն չար նախանձու, զի այնու ցո-
ցանիցե տեսողացն, որպէս թէ բանն այն զոր
խօսեցաւ Յիսուս՝ էր հայհոյութիւն անուանն Աս-
տուծոյ, եւ այնպէս մատնեսցե զնա ի դատապար-
տութիւն. վասն որոյ ասե բազմութեան ժողովոյն,
զիմրդ վկայեք զառնես զայսմանէ. ասեն ամենե-
քեան՝, Մահապարտ է՝ : Յայնժամ եհան զնա յա-
նօրէն ատենէն իւրմէ, եւ ետ ի ձեռս զազանաբա-
րոյ սպասաւորաց, զի չարչարեսցեն եւ տանջես-
ցեն. եւ զի տակաւին գիշեր էր, չէր ժամ տա-
նելոյ առ Պիղատոս, առին զզառնն անմեղ ի
մեջ իւրեանց, եւ որպէս զգայլս կատաղիս շուրջ
պատեցան զնովաւ, եւ սկսան անխնայ չարչարել
զնա մինչ ցառաւօտ ուրբաթուն. ոմանք թքա-
նէին պիղծ բերանով յաստուածային երեսս նորա,
ոմանք ապտակէին անօրէն ձեռամբ, ոմանք
զհերսն փետէին, եւ այլք զաստուածային գլուխն
ծեծէին եւ կռփահարէին. եւ զայսոսիկ ոչ միան-
գամ առնելով յազէին, այլ բազում անգամ կրրկ-
նէին կատակելով. իսկ Տերն մեր առանց բանա-
լոյ զբերան իւր, եւ առանց խոտորեցուցանելոյ
զինքն ի հարուածոց անօրինաց, կայր առաջի նո-
ցա որպէս զզառն անմեղ :

2. Ընդ առաւօտն զինչ արարին .
 3. Քահանայապետն կրկին ժողովեաց յատեան իւր
 զամենայն դպիրս եւ զծերս ժողովրդեան իւրոյ .
 զի առաջին ժողովն իգիշերի էր , եւ ոչ եղեւ հա-
 աքիյ ամենայն ծերոց յատեան , որ ասի մաս-
 նաւոր ժողով . բայց այն ժողով ասի ընդհանուր .
 եւ զվերստին զանմեղ զառն Յիսուս յատեան
 ներկեալ արեամբ , եւ անդէն հարցին ցնա վե-
 րըստին , եւ ասեն , „Դ՞ո՞ւ ես Որդին Աստուծոյ“ .
 նա պատասխանեաց , „Այ՛ո՛ , ես եմ“ . յայնժամ
 կրկին իձեռն ընդհանրական ժողովոյն արարին
 զնա մահապարտ , եւ որպէս զհայնոյիչ իմահ վըճ-
 ուեցին . ուստի կապեցին նոյն ժամայն եւ առին
 զնացին , ետուն իձեռս Պոնտացոյ Պիղատոսի
 դատաւորին , զի իխաչ հանցե , եւ այն ինչ էր
 ծագեալ առաւօտն աւագ ուրբարու . ըստ այսմ
 ասե Շնորհալին .

Մատ. ԻԶ, 2.
 Մարկ. ԺԵ, 1.
 Լուկ. ԻԳ, 1.
 Յովհ. ԺԸ, 28.

„Ջահըն լուսոյ առաւօտին
 Իյուրբարու հընոյ զատկին
 Կայր առաջի դատաւորին“ :



ՅՕԴՈՒԱԾ ԺԱ.

ՅԱՂԱԳՍ ԴԱՏԱՊԱՐՏՈՒԹԵԱՆ ՔՐԻՍՏՈՍԻ

ՅԱՊԱՐՍՆՍ ՊԻՂԱՏՈՍԻ.

2. Պիղատոս որով բանի սկսաւ դատապարտել զԲրիստոս.
- Պ. Չունէր զառիթ ինչ դատապարտութեան կամ հարցաքննութեան . զի ամբաստանող քահանայապետքն եւ իշխանքն մինչ տարան զՅիսուս առ նա՝ առաքեցին զնա ինէրքս կապեալ, եւ ինքեանք ոչ մտին վասն տօնի զատկին զի ՚ի պղծիցին . եւ սպասէին արտաքոյ ապարանիցն, որպէս զի Պիղատոս արտաքս ելցէ եւ խօսեսցին ընդ նմա . որոց կեղծաւորութիւնն աստէն եւս բացայայտ է, զի ոչ խղճեն յառաւր տօնի զատկին հեղույ զարիւն անպարտ, եւ ոչ այնու պղծիլ համարին . իսկ յառաւր տօնի յապարանս Պիղատոսի մտանել խղճեն եւ զանձինս իրեանց պղծել համարին : Յայնժամ ել Պիղատոս արտաքս, եւ ասէ ցՀրեայսն . „Զինչ ջարախօսութիւն ունիք զառնէն զայնմանէ զոր առ

իս իներքս առաքեցիք կապեալ՝. եւ նոքա որովհետեւ անհնարին չարութեամբ կատաղեալ էին, եւ փութային սպանանել տալ զՅիսուս իխաչին, յանդգնութեամբ ետուն պատասխանի ասելով. «Եթէ այրն այն չէր լեալ յանցաւոր, ոչ ածեաք զնա առ քեզ»: Զայրացեալ Պիղատոս իվերայ նոցա՝ ստիպեաց զի կամ ցուցցեն նմա զվնաս ինչ կամ զյանցանս առն այնորիկ, եւ կամ առցեն զնա եւ ըստ օրինաց իւրեանց դատեսցին. զի ես միայն յանցաւոր եւ ասելով՝ ոչ կարեմ, ասե, դատել զնա իմահ. եւ Հրեայքն որովհետեւ չունէին օրենս առանձին սպանանել զոք, ոչ վստահացան ըստ կամաց իւրեանց արկանել ինա ձեռն. թեպէտ ունէին հրաման սպանութեան, բայց ոչ իփայտ խաչի, այլ քարկոծմամբ, եւ այն՝ հրամանաւ դատաւորին. վասն որոյ հնարեցին ամբարիշտքն այնօքիկ ըզբան ինչ ստութեան եւ անիրաւ սպանութեան, եւ ասացին ցՊիղատոս թէ «Իա քարոզե ժողովրդեան չտալ կայսեր զհարկս, եւ այնու կամի թիրել, ասացին, զնոսա իհնազանդութենէ կայսեր. զինքենէ ասե լինել թագաւոր, եւ ինքն կամի թագաւորել իվերայ մեր»: որով ցանկային նոքա զի Յիսուս իներքոյ դատաստանին Պիղատոսի արկցի՝ որպէս զապստամբ իկայսերէ, եւ այնու դատապարտեսցի իմահ խաչի:

2. Զինչ արար յայնժամ Պիղատոս .

Պ. Զայս վերջին ամբաստանութիւն Հրեից համարեալ իբր յանցանս կամ նիւթ դատապարտութեան՝ սկսաւ հարցարանել ի Բրիտոսէ , ,Դո՞ւ ես թագաւորն Հրեից“ . այսինքն թէ դու իզարմէ թագաւորաց Հրեից ես , եւ այնո՞ւ ջանաս թագաւորել ի վերայ մեր : Պատասխանեաց Տերն . Այո՛ , թագաւոր եմ , եւ իմ թագաւորութիւնն , ասաց , ո՞չ վրնասէ թագաւորութեան կայսեր , զի ոչ երբեք թագաւորեմ ես ի վերայ երկրի մարմնաւոր իշխանութեամբ . իմ թագաւորութիւնն , ասաց , չէ յայսմ աշխարհէ , այլ ի հանդերձեալն . զի իմարդկանէ ոչ եմ ընկալեալ , այլ ի Հօրէ իմմէ : Ի վերայ այսր պատասխանատուութեան Յիսուսի ասէ Պիղատոս առ Հրեայսն՝ թէ , ,Ո՛չ գտանեմ վնաս ինչ յառնրս յայսմիկ ամենեւին“ . իսկ Հրեայքն ոչ կամելով ունկն դնել , առաւել եւս ջարախօսեին անիրաւ գրպարտութեամբ եւ սուտ ամբաստանութեամբ , եւ խնդրեին սպանանել զնա իխաջի : Դժուարացեալ Պիղատոս յամբաստանութեանց Հրեից , դարձաւ առ Յիսուս , եւ զառաջին հարցումն կրկին արար ինմանէ , զի չունէր այլ ինչ նիւթ կամ զառիթ հարցաքննութեան , եւ ասէ . , ,Դո՞ւ ես թագաւորն Հրեից“ . պատասխանեաց Տերն . , ,Այո՛ , թագաւոր եմ , եւ յայդ իսկ ծնեալ եմ եւ իդոյն եկեալ յաշխարհ , զի վկայեցից ճշմարտութեան .

Յովհ. ԺԸ, 37.

եւ ես առնլով զմարմին՝ ծնայ իկուսեն եւ եկի
յաշխարհ , զի ջատագովեցից միշտ զճշմարտու-
թիւնն եւ վկայեցից զնմանե , խօսելով զճշմա-
րիտն , եւ քարոզելով զայն , եւ իվերջ ամենայնի
մեռանելով իվերայ նորա . եւ այսպէս ամենեքեան ,
ասե , որք զճշմարտութիւն սիրեն եւ խօսին
եւ գործեն , եւ վասն ճշմարտութեան մեռանին ,
լսեն բարբառոյ եւ քարոզութեան իմոյ , եւ
հնազանդին աստուածային օրինաց . եւ այ-
սոքիւք յայտնէր եւ զայս՝ թէ իշխանքն Հրեից եւ
քահանայք նոցա շտեմարանք են ստութեան , եւ
ըստ ամենայնի հեռացեալք են իճշմարտութենե ,
ոչ միայն եղեալ ջլսողք բանից իմոց , այլ եւ
թշնամիք անձին իմոյ . եւ զոր ինչ ասեն նոքա
զինեն՝ սուտ է բոլորովին , եւ անիրաւ գրպար-
տութիւն : Ուստի Քրիստոս թէ առաջի ատենին
Հրեից , եւ թէ առաջի Պիղատոսի ցուցանելով զին-
քրն ճշմարիտ Որդի Աստուծոյ եւ երկնաւոր թա-
գաւոր , վկայեաց ճշմարտութեան , որպէս Պօղոս
առաքեալն ասե . , , Որ վկայեաց առաջի Պոնտա-
ցոյ Պիղատոսի դատաւորին՝ զբարւոք վկայու-
թիւնն՝ : Այլ Հրեայք անդադար չարախօսեին ըզ-
նմանե , եւ սուտ գրպարտութեամբ ամբաստա-
նեին , որպէս զի զՊիղատոս հաճեցուցեն իխաջ
հանել զնա . բայց Քրիստոս լուեր , եւ ոչինչ
ամենեւին տայր պատասխանի չարախօսութեանց

նոցա , մինչեւ զարմանալ դատաւորին յոյժ եւ
ասել . , ,Ո՞չ լսես , որչափ հակառակ քո վկայեն
դոքա . եւ դու զիւրդ լուես , եւ ոչինչ տաս պա-
տասխանի“ : Տեսեալ Պիղատոս զչարախօսութիւն
Հրեից , եւ զլուութիւն Յիսուսի , եւ տարակուսեալ
զի ոչ կարէր տնօրինել ինչ կամ վճուել , վա-
սըն որոյ առ ի ազատել զինքն ի դժուարու-
թեանց անտի՛ առաքե զՅիսուս առ Հերովդես՝
զի նա դատեսցե , զի յայնոսիկ առուրս էր յե-
րուսաղէմ :

- Հ. Վասն քանի պատճառաց լուեաց Քրիստոս , եւ
ոչ պատասխանեաց ամբաստանութեանցն Հրեից .
- Պ. Վասն հնգից պատճառաց . Նախ՝ զի ունայն եւ
առանց հիման էին ջարախօսութիւնքն . զի երեւեկին
բանք նոցա սուտք եւ մոլեկան ամբաստանու-
թիւնք , վասն այն ոչ արժան համարէր տալ նոցա
պատասխանի : Երկրորդ՝ ոչ պատասխանեաց , զի
զիտէր զկատաղութիւն նոցա , որ այնքան առա-
ւելեալ եւ իծայր անզգամութեան հասեալ էր ,
զի եթէ ջատագովէր զճշմարտութիւն իւր , եւ
ունայնացուցանէր զբանս նոցին , ոչինչ օգ-
նէր ամենեւին . զի զչարիս ամենայն ամբա-
րեալ էին ի հոգիս իւրեանց , եւ փութային ի
կատար հասուցանել : Երրորդ՝ լուե առանց ջա-
տագովելոյ զինքն , զի մի գուցե խափանիցէ ըզ-
ման խաչի , զոր ինքն յանձն առեալ էր վասն

փրկութեան մերոյ : Չորրորդ՝ լուսն , զի այնու
զամենայն մեղս ստախօսութեան , սուտ ջա-
տագովութեան , շատախօսութեան , լեզուազա-
րութեան , անիրաւ գրպարտութեան , զորս առ-
նեն մարդիկ եւ յետոյ զոչնչան խոստովանու-
թեամբ՝ քաւեսցեւ նաեւ լինիցի օրինակ լուսնութեան
եւ սանձահարութեան լեզուաց մարդկան . եւս եւ
օրինակ նոցա՝ որք երբեմն գրպարտին իթշնա-
մեաց , եւ ոչ կարեն ջատագովել զանձինս : Հին-
գերորդ՝ լուսն Տերն մեր , որպէս զի հաւատարիմ
ծառայք իւր հայելով ինա՝ համբերութեամբ հո-
գոյ եւ ուրախութեամբ սրտի գրպարտեսցին
իթշնամեաց . զի այնու զնմանութիւն նորա լին-
քեանս բերցեն , որ գրպարտեցաւ թշնամութեամբ
անիրաւ ամբաստանողացն Հրեից :

Հ. Վասն էր առաքեցաւ Քրիստոս առ Հերովդէս .

Պ. Վասն այն՝ զի իմացաւ Պիղատոս ի Հրեից զՅի-
սուսէ թէ Գալիլիացի է . եւ որովհետեւ ինքն ի
տարակուսի կայր , վասն ջարախօսութեանց Հը-
րեից առաքեաց զնա առ նա , եւ մատնեաց ի
դատաստան նորա . որպէս զրէ աւետարանիչն
Ղուկաս . , , Պիղատոս իբրեւ լուսն եթէ Գալիլիացի
է այրն , ետ տանել զնա առ Հերովդէս“ :

Ղուկ. ԻԶ, 6.

Հ. Հերովդէս որով բանիւ սկսաւ առնել հարցաքն-
նութիւնս ի Քրիստոսէ .

Պ. Նա եւս ջունելով պատճառս ինչ հարցաքննութեան , շողոքորթ բանիւք եւ հետաքրքրութեամբ հարցանէր վասն սքանչելեացն նորա , ըստ որում լուեալ էր բազում անգամ զնմանէ թէ առնէ սքանչելիս . այլ Քրիստոս ոչ աչար սքանչելիս ինչ , եւ ոչինչ ետ նմա պատասխանի . իսկ քահանայապետքն կարի առաւել եւ ծանր ամբաստանութեամբ ջարախօսէին զնմանէ , զի մի անպատիժ արձակեսցէ : Տեսեալ Հերովդէս թէ ոչ պատասխանեաց Յիսուս բան ինչ , դարձոյց զշողոքորթ բանս իւր՝ իբանս նախատականս եւ յարհամարհանս , եւ ծաղր առնելով՝ իձեռնն զինուորաց բանիւք բազմօք արհամարհեաց զՅիսուս , եւ առ իհաճեցուցանել զՀրեայսն՝ գործով եւս սկսաւ կատակել զնա . զի եարկ զնովա

Ղուկ. ԻԶ, 11 .

հանդերձս սպիտակս , զորս զգեցուցանէին յիմարաց եւ խելագարաց առ իծաղր առնել , եւ այնու վերադարձոյց առ Պիղատոս , զի նա դատեսցէ . „Որովհետեւ ըմբռնեալ է , ասէ , յերուսաղէմ , ընդ իշխանութեամբ նորա է“ : Եւ այսու հաշտեցան եւ բարեկամացան , որք յառաջ թշնամիք էին միմեանց :

Հ. Զինչ նշանակէր զգեստն այն սպիտակ , եւ հաշտութիւնն Հերովդի ընդ Պիղատոսի .

Պ. Զգեստն սպիտակ նշանակէր խորհրդաբար զանմեղութիւն Յիսուսի , եւ զմաքրութիւն վարուցն

եւ գսքանչելի գօրութիւն բանից եւ գործոց նորա . եւ հաշտութիւնն Հերովդի ընդ Պիղատոսի նոյնպէս նշանակե խորհրդաբար գայս , թէ Քրիստոս միջնորդ է խաղաղութեան երկնաւորաց , որ հաշտեցուցանե զՍատուած ընդ մարդկային բնութեանս :

Հ. Յորժամ բերին զՅիսուս վերստին առ Պիղատոս , զինչ արար նա .

Պ. Կոչեաց յատեան իւր զամենայն քահանայս եւ զծերս ժողովրդեան Հրէից , եւ ասաց . , Դուք ածիք , ,գայրս գայս առ իս ' իբրեւ ապստամբեալ եւ որ , ,պէս զխոտորեցուցիչ ժողովրդեան . եւ ես քննեալ , ,առաջի ձեր , ոչ գտի իսմա վնաս ինչ , եւ ոչ , ,Հերովդէս եզիտ արժանի մահու գործեալ զդա . , ,վասն որոյ առ իհանգուցանել զսիրտ ձեր , ես , ,այժմ կամիմ , ասաց , խրատել զդա ձառ , ,կանօք զինուորաց եւ արձակել . քայց ոչ հա , ,ձելով Հրեայք , խնդրեին անպատկառաբար իման խաչի մատնել զնա :

Հ. Յետոյ զինչ առնել կամեցաւ Պիղատոս .

Պ. Որովհետեւ նա իղատողութեան իւրում ոչինչ յանցանս եզիտ իվերայ Քրիստոսի , զոր անօրէն Հրեայք յանիրաւի զրպարտեին եւ զուր ամբաստանութեամբ խնդրեին իխաչ հանել , գայս բան եւս առաջարկեաց նոցա Պիղատոս ' առ ի ազա-

տել զՅիսուս իմահուանէ խաչի : Յայնուսիկ ա-
ռուքս տօն էր զատկի , եւ Հրեայքն ինշանակ
ազատութեան իւրեանց յեզիպտոսէ զոմն կապեալ
իտօնի արձակել տային . վասն որոյ հաւասարեալ
զՅիսուս ընդ ումեմն ջարագործի մեծի կամ մար-
դասպանի ' զոր ունեին յայնժամ կապեալ ' Յետո՞ւ Մատ. ԻԷ, 16.
Բարաբբա անուամբ , որ էր հռչակաւոր եւ ա-
նուանի աւագակ , եւ ըստ ամենայնի անարժան
արձակման , զի զբազումս կողոպտեալ էր եւ ըս-
պանեալ , նաեւ իքաղաքին վասն խռովութեան
իբիք զայր մի սպանեալ էր . զերկօսեան ' զՅի-
սուս եւ զաւագակն զայն կացոյց առաջի Հրէից ,
եւ ասաց թէ „Զորն յերկուցս կամիք արձակել
յայսմ տօնի“ , որպէս զի նոքա ամօր համարես-
ցին վասն այնպիսոյ մեծի ջարագործի խնդրել
զարձակումն , եւ այնու զ'իսուս արձակեսցէ .
բայց ոչ եղև ամենեւին հնար ազատութեան Յի-
սուսի իձեռաց Հրէից . զի նոքա առաւել կատա-
ղութեամբ զաւագակն զայն զՅետո՞ւ Բարաբբա
արձակել խնդրէին , եւ զ'իսուս կորուսանել ' ըս-
պանանելով իխաչին . զի դեռն մտեալ էր իսիրոս
նոցա , եւ նոքա այնքան կատաղեալք եւ այսա-
հարեալք էին ' մինչ զի եթէ կայէն էր իբան-
տին , նոքա զկայէն արձակել խնդրէին եւ զՅի-
սուս կորուսանել . վասն որոյ միարան ամենե-
քեան քարձրագոջ ձայնիւ աղաղակէին ' թէ „Խա-

ջեսցի՞՞ . Եւ ոչ այլ ինչ բարբառ կամ բան վկայութեան գոյր յայնմ ահեղագոջ ձայնի նոցա , եթե ոչ „Խաջեսցի , խաջեսցի՞՞ : Տեսեալ Պիղատոսի թե ոչ եղեւ հնար ազատութեան Յիսուսի , հրամայեաց զինուորացն կապել զՅիսուս իսիւն մի , զի ձաղիցեն եւ գան հարկանիցեն զնա նախատանօք . եւ զայս առնէր նաեւ առ իգութ շարժել զՀրեայս , եւ առ իգովացոցանել զսիրտս նոցա , որպէս զի խնդրեսցեն նոքա արձակել զՅիսուս , եւ ոչ զԲարաբբա :

Հ. Քանի նշանաւ այսպանեցին .

Պ. Ինն . Առաջին՝ զի յետ ձաղկման Տեառն մերոյ ժողովեցան ամենայն գունդք զօրաց իմի վայր , առ ի այսպանել զՏերն փառաց . զորմէ Մատթէոս ասէ . „Յայնժամ զինուորք դատաւորին առին ըզՅիսուս յապարանս , եւ ժողովեցին իվերայ նորա զամենայն զգունդն՞՞ : Եւ Մարկոս գրէ . „Եւ զինուորքն տարան զնա իներքս իգաւիթն՝ ուր հրապարակն էր , եւ կոչեն միանգամայն զամենայն զգունդն՞՞ : Երկրորդ՝ մերկացոցին զնա եւ իբր կայսր նստոցին յաթոռ . թեպէտ իմիտս իրեանց ծաղր առնէին , բայց ճշմարտապէս իբրեւ կայսր ինքնակալ հանդիսացաւ , զի զամենայն կարգ եւ զարարողութիւնս հանդիսացոցման կայսեր՝ անդէն իդատապարտութեան ցոցանեն :

Մատթ. ԻԷ, 17.

Մարկ. ԺԵ, 16.

Երրորդ՝ զգեցուցին նմա զքղամիդն կարմիր փոխանակ արքայական ծիրանոյ, առ ի ծաղր առնել զնա. բայց Քրիստոս ուրախութեամբ ընկալաւ զայն առ իլուանայ զբնութիւնս մարդկան, որ կարմրացեալ եւ շաղախեալ եւ արեամբ մեղաց, եւ առ ի հանել ի նմանե զզգեստն նախատանաց: Զորրորդ՝ փշով պսակեցին, այսինքն ոլորեալ եւ հիւսեալ պսակ ի փշոց կապեցին ի գլուխ Փրկչին. զոր ի բր թագաւորական թագ եղեալ ի գլուխն, ծաղր առնելն զնա ամբարշտութեամբ: Այս թեպէտ ըստ Հրեից եղեւ առ ի ծաղր առնել զՏերն փառաց, սակայն խորհրդական պատճառն էր, նախ՝ զի այնու կամեր Տերն մեր բառնայ ի սրտե մարդկան զփուշ մեղաց. որով հետեւ մեղք ընդ իրեարս խառնելով եւ ոլորելով՝ ջար են քան զփուշ: Երկրորդ՝ ընկալնու զայն Տերն մեր, զի զբանս անիծից իւրոց բարձցե, զոր ասացեալ էր նախահօրն. „Փուշ եւ տատասկ բուսցի քեզ“: Երրորդ՝ ընդունի զայն պսակ առ իցուցանել մարդկան՝ թէ ամենայն փառք, պատիւ եւ պսակ որոց ցանկան մարդիկ յայսմ աշխարհի՝ են լի փշովք եւ վիրաւորեցուցիչք ըստ ամենայնի. միայն արտաքուստ երեւին փառք եւ պատիւ մարդկան: Եւ չորրորդ՝ յանձն առնու Փրկիչն մեր այսպիսի նախատանօք պսակիլ, զի մեք տեսեալ զգլուխն մեր նախատեալ եւ կա-

տակեալ իմարդկանէ՝ ինախատիլն մեր յո-
մանց ոչ վրդովիցի թ, այլ սիրով յանձն առնու-
ցումք՝ մտածելով զմեծամեծ նախատինս Քրիս-
տոսի Աստուծոյ մերոյ : Հինգերորդ նշան այ-
պանման, գեղեզնեայ գաւազան ետուն յաջ ձե-
ռնն Տեառն մե ոյ, ո ով ծաղր արարեալ էրբու-
թ՝ամբ սսեին . , , քեզ այժմ թագաւորեցուցա-
նեմք, զի եղիցի ղիւրարեկ թագաւորութիւն
քո ըստ եղեզնեայ գաւազանիդ՝ : Այսպէս այսպա-
նեին եւ թքանեին յերեսն անպատկառաբար . սա-
կայն Քրիստոս աստուածային տեսչութեամբ, ո-
րովհետեւ շմարիտ կայսր ե աշխարհի եւ դա-
տաւոր ամենեցուն, ընկայնու գեղեզնեայ գաւա-
զանն, զի այնու գրեացե միշտ զխորհուրդս, ըզ-
բանս եւ զգործս մարդկան՝ առ ի վարձատրել զա-
մենեսեան յաւուրն յեանում ըստ հոգւոյ եւ ըստ
մարմնոյ : Նաեւ գրեաց զամենայն անօրէնութիւնս
տիրասպան Հրեից, եւ ամենայն անապաշխար
մեղաւորաց, առ ի դստապարտել զնոսա յաւի-
տեան : Այլ եւ եցոյց թե ամենայն թագաւորու-
թիւնք աշխարհի են բեկանուտք որպէս գե-
ղեզն թե եւ ունիցին պետք կամ իշխանք իձեռս
իւրեանց զոսկեղէն կամ զաղամանդեայ գաւա-
զանս, միայն յօրինակին եւ ինշանին երեւին տե-
ւողականք : Վեցերորդ՝ իծունր իջեալ անաջի
նորա մատուցին երկրպագութիւնս. թեպէտ նոքա

խաղ առնելով պաշտեին զնա , բայց ճշմարտապէս
նշանակեր՝ թէ ամենայն ստեղծութեամբ ծուր կրկ-
նելոց են նմա խոնարհութեամբ : Եօթներորդ,
թագաւոր Հրեից կոչեցին , որով այսին առնեին ա-
սելով . „Ո՛ղջ լեր , թագաւոր Հրեից“ : Այս եւս ի
Հրեից թեպէտ խաղարկութիւն էր , բայց ճշմար-
մարտապէս վկայեր՝ թէ թագաւորութիւն նորա
լեալ է հաստատուն եւ ոչ ժամանակաւոր . զի ան-
վախճան թագաւորութեամբ այժմ եւ միշտ եւ յա-
ւիտեանս ունի թագաւորել ի վերայ ամենեցուն :
Ութերորդ՝ թքին յաստուածային երեսս նորա . եւ
Իններորդ՝ առին զեղեզն ի ձեռացն եւ ծեծեցին
զգլուխ նորա : Ապա ոչ բաւականանալով այ-
նոքիւք չարչարանօք , դարձեալ սկսան կրկնել
զչարութիւնս իւրեանց . զի ոմանք թքանէին ի
սուրբ երեսս նորա , ոմանք ապտակէին , եւ ո-
մանք առնուին զեղեզն եւ ծեծէին զնա . եւ զայ-
սոսիկ ոչ միանգամ , այլ բազում անգամ առ-
նէին . եւ ոչ ունէին զկարգ ինչ , այլ որ ոք
կամեր եւ որքան հաճեր՝ առնէր : Եւ զայսոսիկ
կրեաց Քրիստոս յօժարակամ համբերութեամբ
առ իցուցանել զմեծ սերն իւր որ առ մեզ . զի
այնքան յօժարութեամբ եւ սիրով տարաւ , մինչ
զի իկրելն զայն ամենայն վիշտս անմոռունչ մնաց :
2. Յետ նախատանացն այնոցիկ զինչ արար Պի-
ղատոս .

Պ. Յորժամ տեղեկացաւ նա թէ Յիսուս իձաղիլն եւ իժանակիլն իւր իզինուորաց անմոռանչ եկաց, եւ ոչ այլայլեաց զդէմս իւր, եհան զնա արտաքրս փշեայ պսակաւն եւ ծիրանեաւն, գլուխնորա եւ դէմքն եւ բոլոր մարմինն լցեալ էին արեամբ եւ վիրօք. ասէ ցՀրեայս. „Ահա որ այսքան ձաղեալ եւ ծանակեալ է իզինուորաց՝ տարաւ զամենայն լուռութեամբ, եւ եցոյց զիւրն անմեղութիւն. վասն որոյ ես ոչ կարեմ, ասաց, գտանել ի սմա մեղս“ : Զայս արար Պիղատոս, որպէս զի ի գութ շարժիցէ զՀրեայս, եւ տեսեալ զնա յայնպիսի անարգանս եւ իտանջանս, ասիցեն թէ բաւական է, արձակեան զդա. սակայն անօրէն ժողովն Հրէից գոլով առաւել զայրացեալ, ոչինչ ամենեւին իգութ շարժեին, այլ աղաղակեին ամենեքեան միաբան. „Իխանջ հան զդա. զի մեք օրէնս ունիմք, եւ ըստ օրինաց մերոց պարտի մեռանել, զի զանձն իւր Որդի Աստուծոյ արար“ :

Հ. Պիղատոս եթէ գիտէր զանմեղութիւն Յիսուսի, ընդէր ըստ խղճմտանաց եւ դատողութեան իւրում ոչ վճռէր, այլ աղաղակի զազանացեալ ժողովրդոց լսէր, ըստ որում դատաւոր էր ինքն ի վերայ ամենեցուն .

Պ. Նա թեպէտ ունէր իսրտի իւրում զՅիսուս որպէս զգառն անմեղ, եւ կարէր իշխանութեամբ իւրով

զստութիւն ամբաստանողացն այնոցիկ յանդիմանել եւ մերժել զնոսա յատենե իւրմե , եւ զՅիսուս արձակել , սակայն ոչ արար ' երկնջելով ի կայսերեն . զի Հրեայք ահացուցեալ զնա , ասեին . „Եթե զդա արձակես , ջես բարեկամ կայսեր“ . որով ծանուցանեին ' զի եթե արձակիցե զնա , ունին ամբաստանել զնմանե կայսեր անբաւականութեամբ մեծաւ . վասն որոյ երկուցեալ Պիղատոս իկատադութենե Հրեից եւ իյանդիմանութենե կայսեր , ոչ կարողանայր ըստ իւրում խղճին եւ դատողութեան տնօրինել ինչ կամ վճռել :

Հ. Ե՞րբ եւ զիմրդ արար Պիղատոս զվճիռն .

Պ. Յետ վերջաւորութեան ամենայն այսլանացն Քրիստոսի , տեսեալ զի անհնարին եր դադարեցուցանել զկատադութիւն զազանարարոյ Հրեից , վերստին եւ զՅիսուս այնու արհամարհեալ կերպարանաւն արտաքոյ , ուր էին Հրեայք , եւ ինքն նստաւ իվերայ դատաստանական բեմին կամ զահին իբրեւ դատաւոր եւ վճռատու . եւ Հրեայքն յորժամ տեսին զՅիսուս ' աղաղակեցին առ Պիղատոս վերստին . „Բարձ իմենջ , բարձ ի մենջ , եւ հան զդա իխաջ“ . եւ Պիղատոս ասաց նոցա . „Փուցե սա իցե թագաւորն ձեր . եւ դուք միթե կամիք , զի ես զթագաւորն ձեր իխաջ հանիցեմ“ . իսկ նոցա ուրացեալ զթագաւորն կամ զՄեսիայն իւրեանց , ասացին համարձակարար .

Մատ. Իէ, 24.

„Ձիք մեր թագաւոր բաց իկայսերեն“ . զի գուով նոքա որդիք Արրահամու՝ էին ժողովուրդ թագաւորին Մեսիայի . իսկ այժմ ուրանան եւ ասեն . „Ձիք մեր թագաւոր“ : Իվերայ այսր բանի ժողովրդոց՝ Պիղատոս առեալ ջուր լուաց զձեռս առաջի ժողովրդեան , եւ ասաց . „Բաւեալ եմ ես յարենեարդարոյդ այդորիկ , դուք գիտասջիք“ . այսինքն՝ անպարտ եմ յարենե դորա : Բայց իզուր լուաց նա զձեռս իւր , եւ ոչինչ օգնեաց ինքեան այն լուացումն . զի նախ քան զլուանալն մատնեաց զՅիսուս իձեռս զինուորաց , զի ձաղիցեն եւ այպանիցեն . թեպէտ զձեռսն լուաց , բայց ոչ զգործս . զանդամս լուաց , բայց ոչ եւ զմիտսն . քանզի վճռե եւ մատնե զՅիսուս իձեռս Հրեից իսպանումն :

Հ. Ժողովուրդքն զինչ պատասխանեցին իվերայ լուացման Պիղատոսի .

Պ. „Արիւն դորա իվերայ մեր եւ իվերայ որդւոց մերոց եղիցի , ասացին . մեք առանց խղճի մտաց յանձն առնումք դատել զնա , եւ ոչ երկնչիմք իվրեժխնդրութենե ուրուք“ : Ապացոյց բանիցն նոցա եւ յայսմ երեւի , զի մինչեւ ցայսօր իբր պատիժ պատուհասի կեղեքի ազգ Հրեից . զարշահոտութեամբ կամ բորոտութեամբ զգուելի են լեալ յաջս ամենայն ազգաց : Պիղատոս յիմարարար համարելով այնպէս՝ որպէս թե այնու նո-

քա ի վերայ իւրեանց առնուն զարիւնն, եւ ինքն
զերծանի իմեղաց եւ յարենե, վասն որոյ հաճելով
առնել զհայցուածս նոցա՝ արձակեաց նոցա ըզ-
բարաբրայն, զոր վասն խոովութեան կամ սպա-
նութեան ունեին իբանտի, եւ անօրեն վճռահա-
տութեամբ իւրով ետ զՅիսուս զանմեղ զառն ի
ձեռս զազանացեալ ժողովրդոցն, զի խաչեացեն
ընդ երկուց առազակաց :

ՅՕԴՈՒԱԾ ԺԲ.

ՎԱՍՆ ԱՐԾԱԹՈՅՆ ՎԱՐՁՈՒ ՄԱՏՆՈՒԹԵԱՆ

ՅՈՒԴԱՅԻ.

Հ. Յուդա զինչ արար զարժաթն զոր առեալ էր
վասն մատնութեանն .

Պ. Յորժամ ետես նա՝ թե Քրիստոս իձեռն մատ-
նութեան իւրոյ դատապարտեցաւ յընդհան-
րական ժողովոյն Հրեից, եւ իձեռն Պիղատոսի
մատնեցաւ իխաչ ելանել, յայնժամ իմացաւ թե
Յիսուս ոչ ազատե զանձն, եւ Հրեայքն սպանա-
նեն զնա . զի յուսայր մինչեւ ցայն վայր՝ թե Քր-
իստոս իձեռն զօրաւոր բանից իւրոց յաղթելոց
է քահանայապետացն Հրեից . վասն այն փութա-

ցեալ էր գլխարձ մատնութեանն առնուլ : Ուստի մինչ քահանայքն առ իսաչին էին, տարեալ գարծաթն առ նոսա, ասաց. „Առհք՝ գձեր արծաթն մեղայ՝ զի մատնեցի գարիւն արդար. ես սխալեցայ, ասաց, իղաշնադրութեան իմում“ . բայց քահանայքն ոչ գղաշն քակեցին, եւ ոչ գարծաթն առին . „Մեզ չէ փոյթ, դու գիտես“, ասացին. յորմէ յայտնապէս երեւի՝ զի երէ Յիսուս չէր դատապարտեալ իմահ, ոչ գղջանայր Յուդա, այլ ի չարիս իւր եւ իմեղս արծաթսիրութեան յամենայր : Ըստ այսմ օրինակի առնեն եւ բազում մարդիկ զի մեղանչեն մեղօք ատելութեան, բամբասանաց, հայհոյութեանց եւ այլոց նմանեաց . եւ մինչեւ յայնպիսեաց մեղաց ոչ յառաջասցի երեւելի չարինչ՝ անհոգութեամբ յամենան իմեղսն յայնոսիկ . բայց յորժամ հետեւեսցի յայնց մեղաց կռիւ կամ սպանութիւն ինչ, յայնժամ իգղջումն գան իմեղաց սպանութեան կամ կռուոյ . այլ այնպիսի գղջումն ոչ է միշտ ընդունելի, զի հանգոյն Յուդայի են գղջացեալ . զի երէ ոչ ծանիցեն թէ ատելութիւնն կամ բամբասանքն կամ հայհոյանքն եւ այլք նմանիք նոցին ըստ ինքեան են չար, ոչ է կատարեալ գղջումն . զի Յուդա գղջացաւ՝ ոչ իմեղաց, այլ իղաշնադրութենէն . եւ յորժամ ոչ առին քահանայք գարծաթն, տարեալ ընկեց գայն իտաճարն, եւ ինքն չոքաւ խեղդեցաւ :

Մատ. ԺԶ, 5.

Փորձ. Ա, 18.

Հ. Չինչ խորհեցան քահանայապետքն վասն ար-
ժաթոյն աչնորիկ .

Պ. Խորհեցան չառնուլ զայն իկորբանն . զի չէ օրեն, Մատ. ԻԷ, 6.
ասացին , ընդունել զայն իբրեւ ընծայ կամ նուեր
տաճարին , զի զինք արեան են : Որոց կեղծաւո-
րութիւնն եւ աստեն յայտնեցաւ . զի խտրեն զար-
ժաթն զայն զնել իկորբան , բայց ոչ խտրեն եւ ոչ
խղճահարին իխաչ հանել զՔրիստոս , զոր գնե-
ցին այնու արժաթով : Թեպէտ Յուդա պիղծ եւ ա-
նարժան համարեցաւ զայն արժաթ , բայց ջանայր
զի իգանձանակ տաճարին տուեալ սրբեսցի , եւ
քակեսցէ զդաշնակցութիւնն , եւ եղիցի ինքեան
դեղ ազատութեան . բայց ոչ եղեւ , զի քահանայք
իտալն իւրեանց զարժաթն՝ չէին համարեալ
պիղծ եւ անարժան , այլ սուրբ եւ արժանաւոր .
զի նովաւ զմեծ գործ բարեպաշտութեան առնել
համարէին . եւ հաւանելի է յոյժ՝ թէ զայն ար-
ժաթ իգանձանակ տաճարին առեալ եւ տուեալ էին
Յուդայի . բայց յորժամ չար նախանձն նոցա լը-
ցաւ , եւ զՅիսուս իման խաչի մատնեցին կու-
րօրեն , հնարեցին իմիտս իւրեանց զարժաթն զայն
պիղծ եւ անարժան համարել , եւ ոչ լուսաւոր
մտօք վկայել կարողացան թէ մատնութիւնն եւ
սպանութիւնն էր անարժան :

Հ. Ապա զինչ արարին զարժաթն զայն .

Պ. Ամենայն խորհուրդք Հրեից որք վասն Քրիս-
տոսի եղեն՝ իվնաս կամ իխայտառակութիւն

Մատ. Էջ, 7.
Փորձ. Ա, 19.

անձանց իւրեանց վերաբերեցաւ, եւ իփառս եւ իպատիւ անուանն Աստուծոյ զրեցաւ, զի այնու արժաթով զնեցին զազարակն բրտի իզերեզման օտարաց, որ կոչեցաւ ազարակ արեան, այսինքն թէ սպանեալն անմեղ էր, եւ սպանողքն պարտաւորք. եւ հարցանողացն պատասխանեին թէ մատնիչն ծանուցեալ զանմեղութիւն մատնեցելոյն Յիսուսի, դարձոյց զարժաթն առ Հրեայս, զի մի սպանցեն զանմեղն. բայց նոքա ոչ ընկալան զարժաթն, եւ ոչ յետս կացին ի սպանանելոյ զանմեղն. եւ մինչ զարժաթն ոչ ոք կառ, եւ ոչ ինուէր տաճարին ընկալան, զնեցաւ այնու ազարակս այս, եւ վասն այն կոչեցաւ ազարակ արեան: Եւ այն կազմեցաւ եւ պարբսպեցաւ, ասեն, իհարաւային կողմն իսրրուհոյն Հեղինէ զշխոյե իկերպ զամբարանի, յորում ամփոփեին զմարմինս մեռելոց՝ օտարական քրիստոնէից: Թեպէտ եւ այսպիսի գործով խորհեցան Հրեայք եղծանել զանունն Քրիստոսի եւ չարահամբաւ առնել զնա, բայց ինքեանք խայտառակեցան առաւել. զի ազարակն ընկալաւ զայնպիսի անուն՝ որով նոքա ամենեքեան արիւնահեղք հոչակեցան, եւ պարտաւորք մնացին արեան անմեղին, եւ որպէս տիրասպան վատահամբաւեալ նախատակոծ եղեն յամենայն ազգաց:

ՅՕԴՈՒԱԾ ԺԳ.

ՎԱՍՆ ԽԱԶԵԼՈՒԹԵԱՆՆ ՔՐԻՍՏՈՍԻ.

- Հ. Ո՞ր տարան Հրեայք գՔրիստոս առ իխաչել ,
եւ ո՞րպէս .
- Պ. Ի Փողոզորա , հնչմամբ փողոյ եւ անբիւ բազմու- Ղուկ . ԻԳ, 32.
թեամբ ժողովրդոց Երուսաղեմի . ,,եւ երթայր
զհետ նորա բազմութիւն ժողովրդեան“ :
- Հ. Ո՞վ էր բարձեալ զխաչափայտն .
- Պ. Իմեջ քաղաքին Երուսաղեմի ինքն Յիսուս բար- Յովհ . ԺԹ, 17.
ձեալ էր զայն . զորմէ Յովհաննէս աւետարանիչն
ասէ, ,,Բարձեալ էր ինքնին զխաչափայտն“ . եւ
Շնորհալին վկայէ .
,,Սուկալին սերովբեից
Բառնայր ինքեամբ ըզփայտ խաչին“ :
Բայց յորժամ ելին արտաքոյ Երուսաղեմի , աւե-
սին զի կարի նուագեալ էր Յիսուս իզօրութենէ .
ուստի գտին զՍիմոն կիւրենացի . զնա կալան
պահակ , զի բարձցէ զխաչն , եւ նա տարաւ մինչեւ
ի Փողոզորա : Սիմոնս այս թեպէտ աւկամայ էր բար-
ձեալ զխաչն , մինչչեւ էր խաչեալ : Քրիստոս ի
նմա , այլ յորժամ խաչեցան Քրիստոս ի ձեռն
շնորհացն Քրիստոսի հաւատաց ինա եւ ըստ

հոգւոյ՝ իւրով կամաւ երարձ զխաչն : Եւ բառ-
նայն Սիմոնի զխաչն նշանակէ թէ ամենայն քրիս-
տոնեայք սլարտին բառնայ զխաչն , եւ զհետ եր-
երթայ Քրիստոսի . որպէս Սիմոն հնազանդու-
թեամբ բարձեայ զխաչն , եւ փութայր զկնի Յի-
սուսի . զոր եւ Քրիստոս ինքն պատուիրէ ասե-
լով . , , Եթէ ոք կամի զկնի իմ գալ , ուրասցի զանձն ,
եւ առցէ զխաչ իւր , եւ եկեսցէ զկնի իմ՝ :

Է. Վասն էր կամ որով խորհրդով Քրիստոս արտաքոյ
Երուսաղեմի ջարջարեցաւ իխաչին , եւ ոչ Երու-
սաղեմ .

Պ. Վասն բազում պատճառաց եւ խորհրդոց . նախ ,
զի որպէս իհին օրենս՝ զոհն կամ պատարագն՝
որ իքառօրեան մարդկան լինէին , արիւնն նո-
ցա իսրբօրեան մտանէր , իսկ մարմինքն ար-
տաքոյ բանակին հանէին , եւ անդ այրէին , այս-
պէս Քրիստոս ողջակիզեայ եղեւ իխաչին ջար-
ջարանօք եւ մահուամբ արտաքոյ Երուսաղեմի .
քանզի ինքն իսկ ճշմարիտ զուարակ էր գենեալ
վասն մեղաց մարդկան , եւ արիւնն նորա ճաղկ-
մամբն եւ փշով պսակմամբն հեղեալ լինելով՝
մատուցաւ իսրբօրեան սրբոց , այսինքն Հօրն
Երկնաւորի , իքառօրեան եւ իթողութեան մեղաց
մարդկան : Երկրորդ , երարձ Տերն մեր գնախա-
տական խաչն եւ գնաց արտաքոյ Երուսաղեմի
իԳողգոթա , որ է տեղի կառափման աւազակաց ,

յորում թաղէին զգլուխս գլխատելոց կամ սպանելոց . որով ուսուցանէ մեզ թողուլ զամենայն փառս եւ զվայելչութիւնս աշխարհի , եւ ուրախութեամբ սրտիւ ելանել Երուսաղեմէ , այսինքն արտաքոյ վայելչութեանց աշխարհիս , եւ յանձն առնուլ վասն արդարութեան զամենայն նախատինս չարչարանաց եւ զվիշտս աղքատութեան՝ եթէ հանդիպիցիմք այնոցիկ : Երրորդ , զի Տէրն մեր արտաքոյ Երուսաղեմի թագաւորէ իվերայ խաչին , ունելով զվկայագիր , *Սա է թագաւոր Հրէից* , զի ուսուսցէ մեզ թէ եւ մեք ոչ պարտիմք ըզթագաւորութիւն որոնել յայսմ աշխարհի , այսինքն զփառս եւ զպատիւ , եւ ոչ ցանկալ աստէն ունել քաղաքս կամ տունս եւ զհանգիստ ուրախութեան , այլ խնդրել զայն ամենայն իհանդերձեալն , զի անդէն միայն զտանին ճշմարիտ փառք , կատարեալ ուրախութիւն , անվախճան փարթամութիւն , եւ անտխրական խնդութիւն . եւ զի ամենայն բարիք աստի կենացս անցաւոր են եւ անօգուտ վասն հանդերձեալ կենաց : Մեծ յիմար է նա որ զտուն իւր կամ զպալատն շինել կամի յայնպիսում քաղաքի՝ բար ինքն ոչ է մնալոց , այլ միայն ընդ այն անցանելոց է : Զորրորդ , ելանէ Տէրն մեր արտաքոյ Երուսաղեմի , եւ կանգնէ զսեղան սուրբ խաչին իլեառն Գողգոթա , առ ի ցուցանել մեզ՝ թէ այն է սեղան ըլլոր աշխարհի ,

եւ ինքն գառն անարատ իվերայ նորա պատարագի առ իբառնայ զմեղս մարդկան . վասն որոյ զխաչն եւ զչարչարանս իւր՝ որպէս զսեղան կազմե վասն ամենայն հաւատացելոց իւրոց , զի ամենայն նուէրք կամ գործք բարութեանց իվերայ այնր սեղանոյ մատուցին Աստուծոյ , եւ իբրեւ պատարագ կամ զոն փրկութեան ընդունելի լիցին նմա :

Հ. Ընդէր ետուն Տեառն մերում ըմպել զգինի ընդ լեղւոյ խառնեալ .

Պ. Ըստ հին սովորութեան իտեղի կերակրոց ետուն ըմպել զգինին , որպէս զի այնու զօրացեալ առաւել կարասցե տանել ծանրագոյն տանջանաց : Մատթեոս ասե . „Գինի ընդ լեղւոյ խառնեալ“ . եւ Մարկոս զրե . „եւ տային նմա գինի զմըսեալ“ . թեպէտ վասն առաւել դառնութեանն ոչ կամէր ըմպել , բայց առ իվճարել զպարտս մեղաց մերոց՝ եարբ . որով եւ ուսոյց զի եւ մեք վասն սիրոյ իւրոյ մի դանդաղեսցուք կրել սիրով զվիշտս դառնութեանց :

Հ. Յորո՞ւմ աւուր խաչեցին զՔրիստոս .

Պ. Յաւագ ուրբաթու յառաւօտեան պահու յերրորդում ժամու , յառաջ քան զկես աւուրն , որպէս Մարկոս զրե . „էր ժամ երրորդ , եւ հանին զնա իխաչ“ , բեւեռեալ իփայտ խաչի մերկ մարմնով , իմեջ երկուց աւազակաց :

Հ. Զինչ նշանակե մերկութեամբ մարմնոյ խաչիւն
Քրիստոսի .

Պ. Մերկ մարմնով բեւեռեցաւ իխաչին , նախ՝ զի
զմերկութիւն նախահօրն իշնորհացն Սատուծոյ՝
ծածկեսցէ , եւ զգեցուսցէ նմա զհանդերձն լուսոյ .
երկրորդ՝ զի ուսուսցէ մեզ մերկանալ զհին
մարդն եւ զգործս նորա . ըստ առաքելոյն որ ա-
սէ ,,Զգենուլ զնոր մարդն“ . եւ երրորդ , ուսու-
ցանէ մեզ մերկ բեւեռելովն իխաչին՝ արհամարհել
զփարթամութիւն եւ սիրել զաղքատութիւն հո-
գեւոր :

Հ. Վասն Էր Տերն մեր իմեջ երկուց առաջակաց խա-
չեալ լինի ի Հրեից .

Պ. Նոքա թեպէտ չարութեան խորհրդով խաչեցին
զնա իմեջ երկուց առաջակաց , որպէս զի պետ
առաջակաց երեւեսցի իխաչի Փրկիչն մեր , բայց
սիրով յանձն Էտ. զայն նախ՝ զի զնախատինս
եւ զզրպարտութիւնս եւ զամենայն թիւր դա-
տաստանս զորս իմարդկանէ աշխարհիս այսո-
րիկ կրելոց էին հաւատացեալ անդամք իւր ,
քաղցրացուսցէ եւ թեթեւացուսցէ , մանաւանդ
թե տացէ նոցա զոյժ եւ զկարողութիւն ամե-
նայօժար սրտիւ կրելոյ զամենայն նախատինս՝
առանց վշտանալոյ եւ դառնութեան սրտի . երկ-
րորդ՝ խաչի իմեջ երկուց առաջակաց , զի զգիրն
եսայեալ մարգարէի լցցէ ՚որ ասացեալ էր . ,,Ընդ

անօրէնս համարեցաւ՝ . եւ երրորդ՝ զի խաչն է
արո՞ . դատաւորութեան Քրիստոսի , եւ բարձրա-
նայ իմեջ երկուց աւագակաց առ իցուցանել՝ թէ
յաւուր դատաստանին նստելոց է իմեջ երկուց
դասուց մարդկան , արդարոց եւ մեղաւորաց , ի
վարձատրել զարդարս եւ իդատապարտել զմեղա-
ւորս . որպէս իխաչին զաւագակն աջակողմեան
իկեանս կոչեաց , եւ զձախակողմեանն իդատա-
պարտութիւն մատնեաց :

Ը. Երկու աւագակքն այնոքիկ ընդ Յիսուսի խա-
չեցան թէ յառաջագոյն խաչեալ էին .

Պ. Ընդ Յիսուսի խաչեցան , որպէս ասէ Մարկոս .

Մարկ. ԺԵ, 2.

„եւ ընդ նմա հանին իխաչ երկուս աւագակս“ . որ-
պէս զի Քրիստոս իմեջ երկուց աւագակաց խա-
չելով՝ աւագակապետ երեւեսցի եւ առաւել վա-
տահամբաւ լիցի . բայց նոքա զամօթի հարան ,
զի առաւել գերազանցութեան փառաց նորա ա-
ռիթ եղեն . քանզի որ փրկելին էր՝ յաջմէ Քրիս-
տոսի խաչեցաւ , եւ որ դատապարտելին՝ իձախմէ
նորին : Քրիստոս իխաչի բազմեալ լիբրեւ յար-
քայական զահոյս , զաջակողմեան աւագակն լու-
սաւորեալ իկեանս մութանէ , եւ զձախակողմեանն
իդատապարտութիւն մատնէ . նոյնպէս եւ յաւուրն
դատաստանի զաջակողմեան արդարսն , եւ զա-
մենայն ապաշխարեալ քրիստոնեայս իկեանս
մշտնջենաւորականս հրաւիրէ , եւ զձախակող-

- մեան մեղաւորսն եւ զանգեղջ քրիստոնեայս ի տանջանս յաւիտենականս առաքէ :
- Հ. Աջակողմեան առաջակն որո՞վ բանիւ արդարացաւ , եւ ձախակողմեանն որո՞վ պարտաւորեցաւ. 22 ՊԵՆՅՈՑ
- Պ. Աջակողմեան առաջակն յորժամ լուսաւ զանիրաւ հայհոյութիւնս միւսոյն՝ որ ասէր. „Ո՞չ դու Ղուկ, ԻԳ. 39. ես Գրիստոսն , փրկեան զանձն քո եւ զմեզ“ , յանդիմանեաց զնա ասելով . „Չերկնչիս դու յԱստուծոյ . զի որպէս դու խաչեալ ես , նոյնպէս եւ նա խաչեալ է իբրեւ զջարահամբաւ ոք . ուրեմն զիմրդ կարես անարգել զնա անվայել նախատանօք“ : Այսպիսի լուսաւոր մտօք եւ կատարեալ հաւատով զղջացաւ յամենայն մեղաց , եւ զարդարութիւն Գրիստոսի խոստովանեցաւ եւ ասաց . „Յիշեան զիս Տէր , յարքայութեան քում“ . 23 ՊԵՆՅՈՑ Ղուկ. ԻԳ, 43. այսինքն՝ յիշեան զիս յորժամ գայցես թագաւորութեամբ քով , զի ընդ քեզ եղեց յաւիտեան , եւ ոչ իխաւարի . եւ Գրիստոս նոյն ժամայն ընկալեալ զզղջումն նորա իփառս իւր , եւ երանացուցեալ զնա , ասէ . „Այսօր ընդ իս իցես ի դրախտին“ , այսինքն իյաւիտենական երանութեան . վասն որոյ աջակողմեան առաջակն յանդիմանելով զխաչակից ընկերն իւր , եւ առ Գրիստոս „Յիշեան զիս Տէր յարքայութեան քում“ աղաղակելով՝ արդարացաւ յաւիտեան . եւ ձախակողմեանն „Ո՞չ դու ես Գրիստոսն , փրկեան զանձն

քո եւ զմեզ՝ ասելով հայհոյութեամբ՝ պարտա-
ւորեցաւ յաւիտեան :

Հ. Ո՞յք իկողմանէ Քրիստոսի կային առ խաչի նորա .

Յովհ. ԺԹ, 25.

Պ. Մայր նորա եւ քոյր մօր նորա Մարիամ Կոկով-
պայ , եւ Մարիամ Մագդաղենացի . եւ ամենայն
չարչարանքն զորս կրէր իխաչին լուութեամբ ,
անցանէին իսիրտ մօրն եւ սաստկապէս ցաւե-
ցուցանէին , բայց նա արիութեամբ եւ քաջասրը-
տութեամբ տանէր զամենայն . եւ Քրիստոս առ
իմիսիքարել զցաւազնեալ սիրտ մօր իւրոյ , յանձ-
նէր զնա սիրելի աշակերտին իւրում Յովհաննոս ,
ասելով . „Կին դու , ահա՛ որդին քո“ . եւ զՅովհան-
նէս յանձնէր մօրն , ասելով . „ Ահա՛ մայր քո“ :

Յովհ. ԺԹ, 26.

Հ. Տերն մեր իխօսելն ընդ մօրն՝ ասելովն *Կին դու*
եւ ոչ *մայր իմ* , զինչ ինչ կամեցաւ յայտ առնել .

Պ. Կամեցաւ նախ՝ զի մի առաւել իխոր խոցեսցի
մայրն : Երկրորդ՝ վասն առաւել պատուելոյ ըզ-
մայրն զայնպիսի անուան տայր նմա , որով բա-
ցայայտէր՝ զի քան զամենայն կանայս եւ պարկեշտ
եւ ժրագլուխ , որպէս Սողոմոն զովեաց զնա մար-
գարեական հոգեով . „Բազում դստերք ստացան
զմեծութիւն , բազումք արարին զզօրութիւն , բայց
դու առաւել եղեր եւ անցուցեր զամենեքումք“ :
Երրորդ՝ այնպէս խօսելով Տերն մեր ընդ մօրն՝
բացայայտէր զՏերութիւն եւ զԱստուածութիւն
իւր . զի կոչէ զինքն որդի մօրն այնու մտօք ,

զի ըստ մարդկութեանն ծնեալ է ինմանէ . ես կոչե՛զնա կիև դու , զի ըստ Աստուածութեանն յառաջ քան գյաւիտեանս ծնեալ էր ի Հօրէ , որով ցուցանէր՝ թէ ստեղծող է մօր իւրոյ :

Հ. Իքանի՞ ժամս եկաց արեգակն խաւարեալ .

Պ. Իվեց ժամէ առտըն մինչեւ ցինն ժամ . զի Քրիստոս Մատ. ԻԷ, 43.

տոս գլխս առտըք , որ էր երրորդ ժամ (ըստ ասիական հաշուոյ) իխաչին բեւեռեցաւ . իսկըսանել վեցերորդի ժամուան խաւարեցաւ արեգակն մինչեւ ցինն . որով զմիջոց երից ժամուաց տեւեաց խաւարումն այն . ընդ նմին խաւարեցան եւ լուսին եւ ամենայն աստեղք՝ առ իցուցանել զսուգ իւրեանց վասն սպանման անմեղ գառին Յիսուսի :

Հ. Եւ յինն ժամուան Քրիստոս յինչ միտս գոչեաց ասելով . , Աստուած իմ , Աստուած իմ , ընդէր թողեր զիս“ :

Պ. Գոչեաց Տերն մեր զայն բան իձայն մեծ , Նախ՝ առ իցուցանել զարիութիան սրտին , որ իկրելն զայնքան ծանրագոյն տանջանս ոչ նուազեցաւ յարիութենէ : Երկրորդ՝ զի լսելի արասցէ ամենայն մարդկան՝ թէ վասն փրկութեան նոցա թողեալ է զինքն անմխիթար իխաչին : Երրորդ՝ զի Տերն մեր ըստ որում երկրորդական ծննդեամբ մարդ էր , ասէր առ Հայրն , ընդէր թողեր զիս . որով յայտնէր զի անձնաւորական միաւորութեամբ իսիրոյ Հօր թողեալ էր . զորմէ Դաւ

«իթ մարգարեացեալ ասէր . . . Աստուած Աստուած իմ , ընդէր թողեր զիս . հեռի եղէ իփրկութենէ իմմէ» . եւ ապա իւրով պատասխանատուութեամբ լուծանէ գտարակուսութիւնն վկայելով , «Վասն բանից յանցանաց իմոց» :

2. Քանի բանս խօսեցաւ Քրիստոս իխաչին :

Պ. Եօթն . Առաջնովն վասն խաչահանուաց իւրոց թողութիւն խնդրեաց , ասելով . «Հայր , թող դոցա , զի ոչ գիտեն զինչ գործեն» : Երկրորդ՝ առ մայրն ասաց . «Ահա որդին քո» (Յովհաննէս աւետարանիչն) : Երրորդ՝ աջակողմեան աւագակին ասաց . «Այսօր ընդ իս իցես իդրախտին» : Չորրորդ՝ ասաց . «Էլի էլի , լամա սարաքթանի» այսինքն է՝ Աստուած իմ , Աստուած իմ , ընդէր թողեր զիս» : Հինգերորդ՝ ասաց . «Ծարաւի եմ» . եւ յայնժամ մի ոմն յանօրէն զինուորաց փոխանակ ջուր տալոյ՝ ետ ըմպել նմա զքացախ լեղեաւ խառնեալ . որով կատարեցաւ բան մարգարեութեանն Դաւթի , «Իծարաւ իմ արբուցին ինձ քացախ» : Եւ Մատթէոս ասէ . «Սպունգ լի քացախով ետ ըմպել նմա» . եւ Յովհաննէս գրէ . «Սպունգ լցեալ քացախով ընդ լեղւոյ , շուրջ եղեալ զմըշտկաւ զոպայի , մատուցին իրերան նորա» : Վեցերորդ՝ ասաց . «Ամենայն ինչ կատարեալ է» . այսինքն ամենայն մարգարեութիւնք , եւ ամենայն տիպք եւ օրինակք , որք զինկն եւ զչար-

Սաղմ. ԿԸ, 22 .

Մատ. ԻԷ, 48 .

Յովհ. ԺԹ, 29 .

չարանացս եղեն , կամ որք գրեցան արդեն , յիս
կատարեցան : Եւ եօթներորդ ' ասաց . „Հայր ,
իձեռս քո աւանդեմ զհոգի իմ“ . Եւ ընդ ասելն
զայս ' խոնարհեցուցեալ զգլուխն աւանդեաց զա-
մենամաքուր հոգին :

Հ. „Հայր , իձեռս քո աւանդեմ զհոգի իմ“ ասելով '
զինչ կամեցաւ յայտ առնել .

Պ. Կամեցաւ յայտ առնել ' թէ զհոգի իմ յաւանդ տամ
իձեռս Հօր , որպէս զի զկնի երից աւուրց դար-
ձեալ առից . որպէս որք զինչս իւր իձեռս ուրուք
դնիցէ յաւանդ , զի յորժամ կամիցի ' առցէ զայն
ինմանէ : Այսպէս Քրիստոս տայ զհոգին իւր
իձեռս Հօր յաւանդ , զի երբ եւ հաճեսցի առնու-
ցու , որպէս ասէ ինքն . „Իշխանութիւն ունիմ
դնել զնա , այսինքն զհոգի իմ , եւ իշխանութիւն
ունիմ միւսանգամ առնուի“ : Դարձեալ , Տէրն ա-
ղաղակելով աւանդէ զՀոգին իձեռս Հօր , զի զմեծ
սէր իւր եւ զհնազանդութիւնն ցուցանիցէ , նաեւ
զփափաքն զոր ունի վասն փրկութեան մարդ-
կան . եւ զհոգին իւր յաւանդ տալով ' նաեւ զան-
դամս իւր , այսինքն զհաւատացեալս աւանդէ ի
ձեռս Հօր :

Հ. Խոնարհութեամբ զլիսոյ աւանդելն Փրկչին մերոյ
զհոգին զինչ նշանակէ .

Պ. Տէր զուով կենաց եւ մահու , նախ խոնար-
հեցուցանէ զգլուխն կամաւորապէս , եւ ապա

արձակե՛ գհոզին . բայց իմեզ յետ ելանելոյ
հոգւոյ մերոյ լինի խոնարհումն գլխոյ . քան-
զի մեք յակամայս մեռանիմք , եւ վասն այն
գլուխն մեր գլնի մահուան ակամայ խոնարհի :

Հ. Քանի նշանք եղեն իխաչին .

Պ. Վեց . Նախ՝ արեգակն խաւարեցաւ : Երկրորդ՝
երկիր շարժեցաւ : Երրորդ՝ վեմք պատառեցան :
Չորրորդ՝ գերեզմանք բացան : Հինգերորդ՝ վա-
րագոյր տաճարին հերձաւ : Եւ վեցերորդ՝ արիւն
եւ ջուր ել իտիգախոց կողէն Քրիստոսի :

Հ. Արեամբ եւ ջրով կողին Քրիստոսի գինջ խոր-
հուրդ կազմեցաւ .

Պ. Արիւնն որ ել իկողէն Քրիստոսի , եր յարբուցումն
որդւոց մարդկան ծարաւելոց . եւ ջուրն , առ ի
լուանայ գմեղս իձեռն մկրտութեան եւ ապաշ-
խարութեան խորհրդոց , որովք կազմեցան խոր-
հուրդք եկեղեցւոյ , ըստ Շնորհալուոյն .

„Կրրկնավրտակ կողին աղբերքք
եկեղեցի իւր հաստատի .

Ջրովըն մաքրի , գարիւնն ըմպէ ,

ՋՈրդի ընդ Հօր փառաւորե՛ :

Ձի որպէս իննջել հնոյն Ադամայ իղրախափն , ի
կողէ նորա կազմեցաւ Եւա , այսպէս իննջել
նորոյն Ադամայ իխաչին , յարենէ եւ իջրոյ կողին
կազմեցան խորհուրդք եկեղեցւոյ . քանզի մարդ
մկրտութեամբ ծնանի , դրոշմիւ գօրանայ , հա-
ղորդութեամբ սնանի , ապաշխարութեամբ առող-

ջանայ, վերջին օժամաբ ամրանայ, կարգաւ կա
ռավարի եւ պսակաւն աճէ :

Հ. Հարիւրապետն Ղունկիանոս եւ այլ զինուորք
որ ընդ նմա, իտեսանելն զայնոսիկ նշանս՝ զր-
պես վկայեցին .

Պ. Նոքա իբրեւ տեսին զշարժումն, այսինքն զգետ-
նաշարժութիւնն եւ զեղեալսն, զխաւարումն լու-
սաւորաց, եւ զբարձրագոջ վերջին աղաղակն Յի-
սուսի, „Հայր, իձեռս քո աւանդեմ զհոգի իմ“ . եւ
զայլ նմանս, երկեան յոյժ, եւ սկսան դաւանել
զՔրիստոս . որոց առաջին հարիւրապետն աղա-
ղակեաց ասելով . „Արդարեւ, Որդի Աստուծոյ է
սա“ . ըստ որում լուեալ էր յատենին Հրէից զոր
վկայեալ էր Քրիստոս զինքենէ, թէ ես եմ Քր-
իստոսն . եւ յորժամ ետես զայնքան սքանչե-
լիսն, հաւատաց աներկբայ յուսով՝ թէ նա է
ճշմարիտ Աստուած եւ Փրկիչ աշխարհի : Եւ
յոյժ հաւանական է այս, զի վկայեն թէ սա էր
որ տիգաւ խոցեաց զկողն Քրիստոսի, յորմէ ել
արիւն եւ ջուր . եւ զի ինքն կոյր էր միով ակամբ,
եւ յորժամ խոցեաց իխաջին զկողն Քրիստոսի՝
կաթիլ մի արեան կամ ջրոյ եհաս յակն նորա
կուրացեալ, եւ լուսաւորեաց զայն . վասն այն
հաւատաց նա իՔրիստոս, եւ ջերմեռանդն վկայ-
ութեամբ աղաղակեաց՝ թէ „Արդարեւ, Որդի Աս- Մատ. ԻԵ, ԾԷ.
տուծոյ է սա“ :

ՅՕԴՈՒԱԾ ԺԴ.

ՎԱՍՆ ԹԱՂՄԱՆՆ ՔՐԻՍՏՈՍԻ.

2. Ո՞վ իջոյց իխաչէն զՔրիստոս, եւ թաղեաց ըզմարմինն նորա .
- Պ. Յովսէփ Արեմաթացին, որ չէր միաբանեալ խորհրդով կամ բանիւ եւ կամ գործով ընդ Հրէից, գնաց առ Պիղատոս, եւ խնդրեաց ինմանէ փափաքանօք զի զմարմինն Քրիստոսի տացէ ինքեան. եւ նա որովհետեւ վկայեր սրտիւ անմեղութեանն Քրիստոսի, հրամայեաց զինուորաց տալ նմա զմարմինն. թէեւ Հրեայք եւ քահանայապետք նոցա կատաղեցան. զի նոքա որպէս անարգարար խաչեալ էին, կամեին եւ անարգարար թաղել. եւ Յովսէփ առեալ զամենասուրբ մարմինն Տեառն իխաչէն՝ պատեաց մաքուր կտառով, որպէս մարմինք թագաւորաց Հրէիցն պատեալ լինէին, եւ ընկերակցութեամբ նիկողիմոսի՝ անուշահոտ խնկօք եւ զմռով թաղեաց իպարտիզի իւրում, իկոյս եւ ինոր գերեզմանի որ էր փորեալ իվիմէ իԳողգոթա, եւ վեմ մի մեծ թաւալեցոյց իդուռն գերեզմանին եւ գնաց:

Հ. Չինչ ուսուցանե մեզ պատիւն կամ թաղիւն մարմնոյ Տեառն մերոյ ի Յովսեփայ եւ ի Նիկողիմոսե .

Պ. Ուսուցանե մեզ , զի յորժամ մատիցուք հաղորդիլ ի սուրբ մարմնոյ եւ յարենեն Քրիստոսի , պարտիմք նախ ' սրբել եւ մաքրել զխիղճ մտաց մերոց , եւ առնել զսիրտ մեր գերեզման նոր եւ կոյս , եւ զոջմամբ արտասուաց եւ անուշահոտութեամբ քարեաց գործոց հաղորդիլ ի մարմնոյ եւ յարենե Փրկչին մերոյ , որով ընկերակից լինիմք Յովսեփայ եւ Նիկողիմոսի . իսկ եթե անմաքրութեամբ եւ անզոջութեամբ սրտի եւ մտաց փութամք հաղորդիլ , անարգաբար թաղեմք զմարմին Տեառն յանարգ գերեզմանի . եւ զոր ինչ Հրեայքն կամեցան եւ ոչ կարացին առնել , զչար կամս նոցին մեք լցուցանեմք :

Հ Յորո՞ւմ առուր եւ ժամանակի թաղեցին .

Պ. Յաւագ ուրբաթու ' յերեկոյեան ժամու . :

Հ. Քահանայապետքն Հրեից յորժամ լուան զփառաւոր թաղուան Քրիստոսի , զինչ առնել փութացան .

Պ. Առաւել բարկութեամբ կատաղեցան , եւ իմեծամեծ կասկածանս անկան . մի գուցե , ասեն , յառնիցե ի գերեզմանեն , եւ ինքեանք խայտառակեսցին . վասն որոյ հրամանաւ Պիղատոսի ամենայն զգուշութեամբ կնքեցին զվեմ գերեզմա-

նին զօրականօք իւրեանց , որպէս զի եթէ յառնիցե
անտի՝ վերստին կալնուցուն զնա իսպանանել :

Հ. Քանի առուրս մնաց իզերեզմանի .

Պ. Երիս առուրս :

Հ. Ե՞րբ զնաց իդժոխս , եւ զինչ արար անդ .

Պ. Յորժամ թաղեցաւ , մարմնովն էր իզերեզմանի , եւ
հոգւովն իջեալ իդժոխս անբաժանելի աստուա-
ծութեամբ՝ քակեաց զայն , եւ զհոգիս նախահարց
սրբոց եւ ապաշխարեալ մեղաւորաց ազատեաց ,
որք զրկեալ էին յաստուածային տեսութենէ եւ
յերանական փառաց յօրէ վախճանելոյ իւրեանց :

Հ. Ապա հոգիք անհաւատից կամ անզեղջ մեղաւո-
րաց ո՞ր մնացին .

Պ. Իդիւական դժոխս . զի Քրիստոս զայն ոչ քա-
կեաց , յորում էին եւ ամենայն հոգիք անհաւատից
կամ անզեղջ մեղաւորաց , որք մահուչափ մեղօք
մեռեալ էին , ուր էր եւ հոգի մեծատանն խրախ-
ճանասիրի , որ ետես իհեռաստանէ զՂազարոս ի
զոզն Արրահամոս հանգուցեալ :

ՅՕԴՈՒԱԾ ԺԵ.

ՎԱՍՆ ՅԱՐՈՒԹԵԱՆ ԵՒ ՀԱՄԲԱՐՉՄԱՆ ՔՐԻՍՏՈՍԻ.

Հ. Յորո՞ւմ առուր յարեաւ Քրիստոս .

Պ. Յերեկոյի շաբաթուն յորում լուսանայր միաշա- Մատ . ԻԸ . 1.
բաթին :

Հ. Զինչ սքանչելիք եղեն իժամ յարութեան .

Պ. Հրեշտակ Տեառն իջեալ յերկնից՝ իբաց թաւալե-
ցոյց զվեմն , եւ առեցկանայսն որ գնացեալ
էին իխնկել զմարմին Տեառն . „Մի երկնչիք . զի- Մատ . ԻԸ . 2 .
տեմ զի զՅիսուս զխաչելեալն խնդրեք . չէ՞ աստ,
այլ յարեաւ“ . եւ զինուորքն որք պահէին զգերեզ-
մանն՝ իբրեւ տեսին զթաւալումն վիմին իհրեշ-
տակէն , եւ լուան զքանս աւետման նորա առ
կանայսն , թէ „Յարեաւ“ , երկեան երկիւղ մեծ ,
մինչ զի եղեն որպէս զմեռեալս , այսինքն ուշա-
թափեալ թմրեցան եւ անկեալ մնացին իխորս
պարտիզի ցանկին :

Հ. Զօրականքն այնոքիկ յորժամ յարեան յուշաթա-
փութենէ , եւ գնացին իքաղաքն պատմել զտե-
սիլն իւրեանց , քահանայապետքն զինչ խորհե-
ցան առնել .

Պ. Յամառեալ զոլով նոցա իմեղս , զխորհուրդ անօ-
րենութեան արարին իմիջի իւրեանց՝ զի արժա-

Քով կուրացուցեն զաչս զօրականացն եւ քա-
զուցեն զյարութիւն Տեառն . առին իզանձանակե
տաճարին արժաթ բազում , ետուն նոցա եւ
ասեն . ասասջիք աստ եւ անդ հարցանողացն
զՅիսուսէ Նազովրեցւոյ , թէ „Աշակերտքն նորա
եկեալ իզիշերի գողացան զնա , մինչ մեք իքուն
եաք“ . եւ առեալ նոցա զարժաթն՝ քարոզեցին
այնպէս . բայց ոչ առ իշխանս Հրեից եւ կամ
առ Հռովմայեցիս , այլ առ միամիտ եւ գոեհիկ
Հրեայս . եւ Հրեայքն զայն սուտ մինչեւ ցայսօր
քարոզեն իմեջ իւրեանց : եւ նոքա թեպէտ եւ այն-
պէս վկայեցին , բայց զնացին եւ Պիղատոսի ծա-
նուցին զամենայն ճշմարտութիւն եւ զսքանչելիս
յարութեանն Բրիստոսի , այն է զթաւալումն վի-
մին , զանկանելն իւրեանց որպէս զմեռեալ , եւ
զբանս աւետման հրեշտակին , որ ասաց ցկա-
նայսն . „Ձէ աստ , այլ յարեալ“ :

- Հ. Ո՞յք էին երկոտասան՝ առաքեալքն Բրիստոսի .
Պ. Այսոքիկ են . Պետրոս եւ Յովհաննէս , Յակոբոս
եւ Անդրեաս , Փիլիպպոս եւ Թովմաս , Բարթողի-
մէոս եւ Մատթէոս , Յակոբոս Ալփեան եւ Շմա-
ւոն Նախանձայոյզ , Յուդա Յակոբեան եւ Յուդա
Իսկարիովտացի : Վերջինս այս ապստամբեցաւ ի
Բրիստոսէ մատնութեամբ , եւ ելեալ իքուոյ ա-
ռաքելոց՝ աշակերտեցաւ սատանայի եւ իյա-

իտենական դատապարտութիւնն մատնեցաւ . ի տեղի որոյ յետ յարութեան Տեառն ընտրեցաւ վիճակաւ յառաքելութիւն սուրբն Մատաթիա , իլրումն թուոյ երկոտասան առաքելոցն :

2. Յետ յարութեանն քանիցս անգամ երեւեցաւ Քրիստոս աշակերտացն կամ կանանցն իւղաբերից .

Պ. Մինչեւ ցՀամբարձումն տասն անգամ երեւեցաւ .

Նախ՝ յաւուր միաշարաթուն երեւեցաւ Մարիա-Մարկ . ժ2 , 9 .

մու Մագդաղենացոյ : երկրորդ՝ երեւեցաւ կա-Մաա . ԻԸ , 9 .

նանցն իւղաբերից իճանապարհին : երրորդ՝ ե- 1 Կորն . ժԵ , 5 .

րեւեցաւ սրբոյն Պետրոսի առանձին : Չորրորդ՝ Մարկ . ժ2 , 14 .

երեւեցաւ երկուց աշակերտաց իւրոց , որք եր-

թային յեմմառուս : Հինգերորդ՝ երեւեցաւ մետա-Մարկ . ժ2 , 12 .

սանիցն ամենցուն իվերնատանն , մտանելով

առնոսա դրօքն փակելովք , եւ թովմաս չէր ընդ

նոսա : Վեցերորդ՝ երեւեցաւ յետ ութ աւուր Յովհ . Ի , 26 .

մետասանիցն դարձեալ , մինչ էին իվերնատանն ,

եւ թովմաս ընդ նոսա : Եօթներորդ՝ երեւեցաւ Յովհ . ԻԴ , 14 .

տասն աշակերտաց առ ծովակին Տիբերեայ : Ու-

թերորդ , երեւեցաւ իլերինն Գալիլիայ , ուր եղեւ Մատ . ԻԸ , 10 .

հանդիսաւոր երեւումն : Իններորդ՝ երեւեցաւ Յա- 1 Կորն . ժԵ , 7 .

կորայ առաքելոյ : Եւ տասներորդ՝ երեւեցաւ Գործ . Ա , 9 .

ամենայն առաքելոց եւ այլոց բազմաց եղելոց

ընդ նոսա իլերինն Չիթենեաց , յորժամ համբառ-

նալոց էր յերկինս :

2. Քանի առուրս եկաց Գրիստոս յետ յարութեանն
ի վերայ աշխարհի .


Պ. Քառասուն առուրս :

2. Չինչ արար յընթացս այնքան առուրց .

Պ. Ուսուցանէր առաքելոց իւրոց քարոզել զամենայն
վարդապետութիւնս հաւատոյ , եւ բարեկրթու-
թեամբ ուսուցանել ժողովրդոց զգործս բարու-
թեան բանիւք եւ գործովք վասն փրկութեան նոցա :

2. Չկնի քառասուն առուրց զինչ արար .

Պ. Էա՞ծ զառաքելսն իլեառն Չիթենեաց , եւ անդ
ձեռնադրեաց զնոսա եպիսկոպոս , եւ ետ նոցա
իշխանութիւն առաքելութեան , եւ օրհնեաց ըզ-
նոսա աստուածային օրհնութեամբ . եւ իւաջա-
կնքեալ ի վերայ նոցա՝ համբարձաւ յերկինս եւ
նստաւ ընդ աջմէ Հօր . եւ յետ տասն առուրց ըստ
անսուտ խոստման իւրում առաքեաց առ նոսա ըզ-
Հոգին սուրբ ի վերնատունն , ուր եւ ամենեցուն
բաժանեաց զհրեղէն լեզուս աստուածային շնոր-
հօք , եւ ինքն մնաց եւ մնացե իմեջ եկեղեցւոյ
յաւիտեան , որպէս խոստացեալն էր ասելով . „Ես
ընդ ձեզ եմ զամենայն առուրս մինչեւ ի կատա-
րած աշխարհի“ :



ՄԱՍՆ ԵՐԿՐՈՐԴ

ՅԱՂԱԳՍ ՔՐԻՍՏՈՆԷԱԿԱՆ ԱՌԱՔԻՆՈՒԹԵԱՆՑ

ԳԼՈՒԽ Ա.

ՅԱՂԱԳՍ ՀԱՒԱՏՈՅ ԵՒ ԳԵՐԱԶԱՆՑՈՒԹԵԱՆ ԿՈՐԻՆ.

Հաւատն է լոյս աստուածային՝ որ իշնորհացն Աստուծոյ իմեզ հեղանի իժամ մկրտութեան. զի յորժամ քերանովն քահանային հրաժարելով իսատանայէ եւ յամենայն խաւարային զօրծոց նորա՝ ուխտեմք հաւատալ ի Հայր եւ յՈրդի եւ ի սուրբ Հոգի, եւ յամենայն տնօրէնութիւնս Քրիստոսի Աստուծոյ մերոյ, նոյնժամայն լոյսն հաւատոյ ծագէ իմեզ եւ լուսաւորէ զգիշերացեալ միտս մեր եւ զհոգիս, որպէս նիւթական լոյսն ճրագի կամ մոմոյ լուսաւորէ զտուն որ խաւարեալ իցէ մթութեամբ գիշերոյ. եւ որպէս լոյսն նիւթական օգուտ է աջաց, նոյնպէս

եւ լոյսն հաւատոյ՝ մտաց . զի որպէս առանց լուսոյ
ոչ կարէ մարդ իճանապարհ երթալ , նոյնպէս եւ ա-
ռանց լուսոյ հաւատոյ ոչ կարէ երթալ առ Աստուած :

Հաւատն թէեւ առանձին պարգեւ ինչ է Աստու-
ծոյ ամենայն քրիստոնէից , այլ իձեռն առաքելոց
սրբոց եղեւ տարածումն այնորիկ . զի նոքա եղեն
սինք եկեղեցւոյ , եւ լուսաւորեցին զամենայն աշ-
խարհ քարոզութեամբ Աւետարանին Քրիստոսի ,
որպէս եւ զՀայաստան աշխարհս : Նախ՝ յառաջին
դարուն Թադէոս առաքեալ ըստ խոստմանն Քրիս-
տոսի յետ համբարձման նորա , զնաց առ Աբգար
թագաւորն Հայոց իՄիջագետս յԵղեսիա քաղաք , եւ
քրիստոնեական հաւատով լուսաւորեաց զթագաւորն
եւ զամենայն ժողովուրդս նորա . քարոզեաց ճշմա-
րիտ վարդապետութեամբ իՀայաստան , եւ հովուեաց
զեկեղեցին զամս ութեալսն : Երկրորդ՝ Բարթողի-
մէոս առաքեալ զնաց իՀայաստան , եւ քարոզեաց
զամս չորս , եւ հաստատեաց զեկեղեցին սուրբ եւ
զհաւատն քրիստոնեական :

Յետ նոցա աշակերտք եւ հետեւողք նոցին առաւել
եւս տարածեցին եւ պայծառացոցին զսուրբ հաւատն
քրիստոնեական , որպէս Ադդէ եպիսկոպոս՝ յԵղե-
սիա քաղաքի , Զաքարիա եպիսկոպոս՝ իՇաւարշան
գաւառի , Թեոփիլոս՝ իԿեսարիա , Կապաղովկիոյ ,
Եղիշէ առաքեալ՝ իԴանտ գաւառի , Եւստաթեոս՝
իՍիւնեաց նահանգի , եւ Բաբելաս եպիսկոպոս՝ իԳող-

քան գաւառի, որոց հետ գհետե յաջորդեցին եւ այլ
եպիսկոպոսք եւ առաջնորդք եկեղեցւոյի գանազան
կողմանս Հայաստանեայց՝ առաքելական շահօք,
յառաջին, յերկրորդ եւ յերրորդ դարս Քրիստոսի,
մինչեւ իսկիզբն չորրորդին սուրբն Քրիզոր Լուսա-
սաւորիչ, որ եկեալ լուսաւորեաց զբոլոր ազգս մեր՝
մկրտելով յամի Տեառն 302 զարքայն մեծ ըզ-
Տրդատ, եւ գանթիւ ժողովուրդս նորա յորմէ ազգ
եւ թագաւորութիւնն Հայոց լուսաւորեալ սուրբ
հաւատով դարձան իքրիստոնէութիւն. եւ ինքն եկաց
առաջնորդ եկեղեցւոյ մերոյ գամս երեսուն, որում
յաջորդեցին բազում սուրբ եւ ուղղափառ Հովիւք
յամենայն դարս իգանազան քաղաքս Հայաստա-
նեայց, քարոզեցին ճշմարիտ վարդապետութեամբ եւ
պայծառացուցին գեկեղեցիս Հայոց ամենայն բարե-
կարգութեամբ, եւ նոցա յաջորդեն մինչեւ ցայսօր կա-
թողիկոսունք մեր հայրապետական իշխանութեամբ:
Հաւատն բաժանի յերիս: Առաջինն է անկատար՝
զոր ունին եւ դեք յառաջ քան գանկումն. այլ այս
հաւատ իւրեանց չէ վարձատրելի. որպէս Յակոբոս
ասէ. „Դու հաւատաս թէ մի է Աստուած, եւ բարեօք Յակոբ. Բ, 19.
պունես. եւ դեք հաւատան եւ սարսին“: Երկրորդն
անկենդան կամ մեռեալ հաւատ. այսպիսի հաւատն
ունին անոռամբ քրիստոնէայք, որք ոչ ունին զբա-
րեգործութիւն, եւ այս չէ վարձատրելի, որպէս վը-
կայէ նոյն առաքեալ. „Հաւատք առանց զործոց Յակոբ Բ, 20.

մեռեալ են“ : Երրորդն՝ կենդանի եւ կատարեալ
հաւատ , զոր ունին սուրբք եւ ընտրեալք Աստուծոյ ,
որք ճշմարտութեամբ , սիրով եւ գործովք բարո-
ւեան ունին զայն . եւ ահա այս հաւատ է վարձա-
տրելի : Այսպիսի հաւատովք եւ ամենայն դասք նա-
հապետաց , նոյ , Աբրահամ , Իսահակ , Յակոբ եւ այլք
բազումք արդարացան եւ հաճոյացան Աստուծոյ :
Այսպիսի հաւատովք Մովսէս , Սամուէլ , Դաւիթ եւ
այլք խօսեցան զպատգամս Աստուծոյ , եւ առա-
քեալքն քարոզեցին զտնօրէնութիւնս Քրիստոսի :
Վասն այսր հաւատոյ մարտիրոսքն չարչարեցան ,
ճգնաւորք նահատակեցան եւ ամենայն դասք սրբոց
վասն այսր հաւատոյ մեռան եւ պսակեցան ի Քրիս-
տոսէ :

Հաւատն հիմն է ամենայն հոգեւոր շինութեաց :
Ճշմարիտ հաւատացեալն զշինութեաց բարեգործու-
թեան արկանէ ի վերայ հիման հաւատոյ , եւ անվը-
տանգ եւ աներկիւղ մնայ ի սատանայական պատա-
հարաց եւ յիշխանութեանց , որպէս իմաստունն
շինէ զտուն իւր ի վերայ վիմի , զի մի անձրեւք կամ
զետք եւ կամ հողմք կործանեսցեն զայն : Դարձեալ՝
հաւատն մայր է ամենայն բարեգործութեանց . զի
հաւատն ծնանի զառաքինութիւն , առաքինութիւնն
զգործս բարութեանց , գործք զջերմեռանդութիւն սի-
րոյ առ Աստուած եւ առ ընկերս . որպէս յորթոյ ծա-
զեն ոստք , յոստոց ողկոյզք , եւ յողկուզից զինի :

Եւ դարձեալ՝ հաւատն ի հոգեւոր պատերազմին հան-
 դիսանայ մեծաւ յաղթութեամբ, ըստ այնմ որ ասի,
 „Ո՞վ իցե որ յաղթիցե աշխարհի, եթե ոչ որ հաւա-
 տայ՝ թէ Յիսուս Քրիստոս է Որդի Աստուծոյ“ . քան-
 զի ճշմարիտ հաւատացեալն առ ոտն հարկանե զաշ-
 խարհ՝ անարգելով զփառս նորա, բաշխելով զինչս
 իւր աղքատաց եւ փախչելով իխարեութեանց աշ-
 խարհի : Ըստ այսմ օրինակի նահապետքն եւ մար-
 զարեք հաւատով յաղթեցին աշխարհի եւ ամենայն
 մոլութեանց, հաճոյացան Աստուծոյ, եւ զյաւիտե-
 նական երանութիւնն ընկալան, որպէս առաքեալ
 ասէ . „Որք հաւատով պարտեցին զթագահորութիւնս,
 գործեցին զարդարութիւն, հասին աւետեաց, խցին
 զբերանս առ իւծոց“ : Այսպէս ամենայն քրիստո-
 նեայք եթէ ճշմարտութեամբ եւ սուրբ սրտիւ ունիցին
 զհաւատն քրիստոնեական, կարող են ըստ օրինակի
 նահապետաց եւ սրբոցն Աստուծոյ պատերազմել
 ընդ աշխարհի եւ ընդ այլ թշնամիս իւրեանց, եւ յաղ-
 թել նոցա արիական առաքինութեամբ :

Յովհ, Ե. 5.

Երբայ. ԺԱ, 33.

Եւ դարձեալ՝ հաւատն ի հոգեւոր պատերազմին հան-
 դիսանայ մեծաւ յաղթութեամբ, ըստ այնմ որ ասի,
 „Ո՞վ իցե որ յաղթիցե աշխարհի, եթե ոչ որ հաւա-
 տայ՝ թէ Յիսուս Քրիստոս է Որդի Աստուծոյ“ . քան-
 զի ճշմարիտ հաւատացեալն առ ոտն հարկանե զաշ-
 խարհ՝ անարգելով զփառս նորա, բաշխելով զինչս
 իւր աղքատաց եւ փախչելով իխարեութեանց աշ-
 խարհի : Ըստ այսմ օրինակի նահապետքն եւ մար-
 զարեք հաւատով յաղթեցին աշխարհի եւ ամենայն
 մոլութեանց, հաճոյացան Աստուծոյ, եւ զյաւիտե-
 նական երանութիւնն ընկալան, որպէս առաքեալ
 ասէ . „Որք հաւատով պարտեցին զթագահորութիւնս,
 գործեցին զարդարութիւն, հասին աւետեաց, խցին
 զբերանս առ իւծոց“ : Այսպէս ամենայն քրիստո-
 նեայք եթէ ճշմարտութեամբ եւ սուրբ սրտիւ ունիցին
 զհաւատն քրիստոնեական, կարող են ըստ օրինակի
 նահապետաց եւ սրբոցն Աստուծոյ պատերազմել
 ընդ աշխարհի եւ ընդ այլ թշնամիս իւրեանց, եւ յաղ-
 թել նոցա արիական առաքինութեամբ :

Երբայ. ԺԱ, 33.

ԳԼՈՒԽ Բ.

ՅԱԼԱԳՍ ԳՈՐԾՈՑ ՀԱՒԱՏՈՅ .

Հաւատն քրիստոնեական առանց առաքինութեան եւ բարեգործութեանց մեռեալ համարի . որպէս վկայե առաքեալն Յակոբոս . „Հաւատք առանց գործոց մեռեալ են“ . եւ զանազանին մեռեալ եւ կենդանի հաւատն բազում օրինակօք . Նախ՝ զի որպէս առանց հոգւոյ մարմինն մեռեալ է, այնպէս եւ առանց գործոց հաւատն մեռեալ է . որպէս մեռեալ մարմինն անգործ է՝ ոչինչ կարե խօսելու զործել, եւ ոչ ուրեք զնալ, նոյնպէս եւ մեռեալ հաւատն անգործ է . ոչինչ բարիս կարող է տեսանել, ոչ իճանապարհն Աստուծոյ զնալ, եւ ոչ զճշմարտութիւնն ճանաչել : Որպէս կենդանին ճշմարիտ մարդ է, եւ մեռեալն սուտ, նոյնպէս եւ որ ունի կենդանի հաւատ, ճշմարիտ հաւատացեալ եւ բարի քրիստոնեայ անուանի . իսկ որ ունի մեռեալ հաւատ՝ սուտ հաւատացեալ եւ սուտ քրիստոնեայ անուանի : Այնպիսին եւ հակառակ հրամանին Աստուծոյ անե, ըստ այնմ որ ասէ . „Մի՛ կոչեսցես զանուն Աստուծոյ քոյ ի վերայ սնոտեաց“ : Երկրորդ՝ որպէս կենդանւոյն զոյնն կարմիր է զուարթ է, եւ մեռելոյն դեղնեալ, այսպէս կենդանի հաւատն ունի

Յակոբ Բ, 20

Եւրոպ Ի, 7.

զգոյն կենդանութեան , եւ անկենդանն դեղնութեան :
Երրորդ՝ որպէս վառեալ մոմն զանագանի իշիջեալ
մոմոյ , այսպէս կենդանի հաւատն իմեռեալ հաւա-
տոյ : Զորրորդ՝ կենդանի հաւատն է որպէս ծառ
ծաղկեալ եւ պտղալից գործովք բարութեանց . իսկ մե-
ռեալ հաւատն է որպէս անիծեալ թզենին չորացեալ
տերեւովք իւրովք առանց պտղոյ , այսինքն խա-
ւարեալ կուրութեամբ առանց բարեգործութեան : Եւ
հինգերորդ՝ կենդանի հաւատն է որպէս վառեալ
լապտեր զոր ունէին իմաստուն կուսանքն , եւ որով
արժանացան մտանել յարքայութիւնն երկնից եւ վայ-
ելել զանճառելի փառսն . եւ մեռեալ հաւատն որպէս
խաւար եւ անլոյս լապտեր , զոր ունէին յիմար կու-
սանքն , որով անպատրաստ գտեալ մերժեցան յաս-
տուածային տեսութենէն եւ յարքայութենէ երկնից :
Վասն որոյ հարկ է ամենայն քրիստոնէից հաւատս
եւ գործս իմիասին ունել . զի հաւատով զշնորհ եւ
զորդեգրութիւնն Աստուծոյ առնումք , եւ գործովք
զփառս յաւիտենական . եւ որպէս թռչունքն երկո-
քումբ թեւովք թռչին , նոյնպէս եւ մարդն հաւա-
տով եւ գործով թռչի յարքայութիւնն երկնից :

Անհաւատութիւնն զինչ է , բայց եթէ չհաւատալ
յամենասուրբ Երրորդութիւն անբաժանելի աստուա-
ծութեան Հօր եւ Որդւոյ եւ Հոգւոյն սրբոյ . եւ որ-
պէս այս ուրացութիւն անհաւատութիւնն է , այս-
պէս եւ չպահելն զպատուիրանս Աստուծոյ եւ ան-

զեղջ անառակութեամբ վարել զկեանս՝ անհաւատութիւնէ . զի քրիստոնեայ եթէ ոչ պահիցէ զաստուածային օրէնս, եւ ոչ հնազանդեսցի աւետարանական հրամանաց Քրիստոսի եւ ոչ քարոզութեան առաքելոց եւ մարգարեից, եւ չունիցի փոյթ իձեռն խոստովանութեան եւ անպաշխարութեան քաւել ըզմեղս եւ ուղղել զանձն, զանուն քրիստոնէի ունի, եւ զգործ անհաւատի . բանիս զանունն Քրիստոսի կրէ, եւ գործովք զսատանային . որ զերկիւղ մահուան եւ զան դատաստանին եւ զյաւիտենական տանջանս դժոխոց եւ զփառս արքայութեան ոչ մտածէ, նա ոչ է հաւատացեալ Քրիստոսի եւ ոչ քրիստոնեայ անուանի, այլ է իկարգս անհաւատից, զի ոչ հաւատայ յաւետարանն Քրիստոսի որ ասէ . „Զգոյշ եղերուք, հսկեցեք եւ կացեք յաղօթս, զի ոչ զիտեք երբ Տերտանն գայցէ“ : Այլ ամենայն քրիստոնէից պարտէ զքրիստոնէական հաւատս իւրեանց իբրեւ զանաղօտ լապտեր վառ պահել՝ ըստ իմաստուն կոստանացն ի ձեռն բարեգործութեան իւղոյ եւ ճշմարտութեան սիրոյ, եւ շահել զայն տոկոսեօք գործոց բարեաց ըստ օրինակի հաւատարիմ ծառային այնորիկ որ զհինգ քանքարն տեառն իւրոյ շահեցոյց՝ այլ եւս հինգ քանքար իվերայ յաւելեալ . ահա յայսպիսիք կոչին կատարեալ հաւանացեալք Քրիստոսի եւ ճշմարիտ քրիստոնեայք :

Մատ . ԻԴ, 42.

ՔԼՈՒԽ Գ.

ՅԱՂԱԳՍ ԱՍՏՈՒԱԾԱՅԻՆ ՅՈՒՍՈՅ .

Յոյսն է աներկբայ ակնկալութիւն հանդերձեալ արքայութեանն Աստուծոյ, զոր ունին քրիստոնեայք շնորհիւ ամենապարգեւողին Աստուծոյ, զի այնուկարգաւորեցեն զգործս առաքինութեանց, տանելով ամենայն դժուարութեանց աշխարհի: Որպէս Շամունէ մայրն եօթն եղբարց Մակարայեցւոց, յորժամ ետես զորդիս իւր իման դատապարտեալ յանուն Աստուծոյ, ամենայօժար սրտիւ համբերեաց վասն յուսոյ փառաց արքայութեանն Աստուծոյ. եւ ինքեանք Մակարայեցիք նովին յուսով լուութեամբ դատապարտեցան իման վասն Տեառն: Սոյնպէս բազումք իմարտիրոսաց եւ իճգնաւորաց հաստատուն եւ անմահական յուսով չարչարեցան եւ նահատակեցան վասն սիրոյ արքայութեան երկնից, ըստ այնմ զոր ասէ. „Թեպէտ յաչս մարդկան տանջեցան, այլ յոյս նոցա լի է անմահութեամբ“ : Բայց ոչ է մարթ առանց բարեգործութեան յուսալ յԱստուած. եւ միայն յուսով ոչ կարէ մարդ ժառանգել զարքայութիւնն Աստուծոյ. զի այն վասն բարեգործաց է պատրաստեալ եւ ոչ վասն չարագործաց. զի նահատակքն

Յ. Թ. Ե. ՆրաՄ
Յ. Թ. Ե. ՆրաՄ

Իմաստ. Գ, 4.

այնոքիկ եթէ ոչ էին նուիրեալ Աստուծոյ զպտուղս
բարեգործութեան եւ չարչարանաց իւրեանց, միայն
յուսով ոչ կարէին զյաւիտենական երանութիւնն
ստանալ. որպէս պարտիզպանն եթէ իժամանակին
չիցէ սերմանեալ իպարտիզի իւրում զսերմունս այլ
եւ այլ պտղոց, եւ ոչ զզանազան ծաղիկս տնկեալ,
միայն յուսով անձրեաց զիմրդ կարէ քաղել ըզ-
պտուղս ծառոց կամ տնկոց երկրի: Այսպէս ամե-
նայն քրիստոնեայ եթէ իպարտիզի աշխարհիս այսո-
րիկ չիցէ սերմանեալ զսերմն բարեգործութեան հա-
մաձայն աստուածային սուրբ օրինաց, միայն յու-
սով ո՞րպէս կարէ իհանդերձեալն ժառանգել զար-
քայութիւնն երկնից:

Եւ ոչ է պարտ ամենեւին դնել զյոյսն իմարդիկ,
զի են տկար, տգետ եւ անցաւոր. վասն այն խրատե
Սաղմ. ճԽԵ, 2. մարգարէն „Մի՛յուսայք իմարդիկ“ . եւ այլուր ասէ .
Սաղմ. ճԺԵ, 8. „Բարի է յուսալ իՏէր՝ քան յուսալ իմարդիկ“ . եւ
Եսայի վայ տայ ասելով, „Վ՛նչ որ դիցէ զյոյս իւր
իմարդ կամ իզօրութիւն բազկի իւրոյ“ . զի յուսալն
իմարդիկ՝ ունայն է եւ անօգուտ, մանաւանդ յանար-
զանս եւ յարհամարհութիւն համարի առ Աստուած,
զի յԱստուծոյ յուսահատիլ նշանակէ եւ առ մարդ
դիմել . այնպիսեաց վայ տայ մարգարէն ասելով .
„Վ՛նչ այնոցիկ որք ոչ են յուսացեալ իսուրբն Իս-
րայելի, եւ զԱստուած ոչ խնդրեցին“ . եւ այնպիսի
յուսահատութիւնն չար է եւ վատ՝ իբրեւ պատ-

ճառ. մեծամեծ մեղաց , որպէս Կայէն յուսահատութեամբ եղեւ եղբայրասպան եւ Յուդա տիրասպան :

Իսկ յոյսն զոր առ Աստուած ունիմք՝ ոչ ամաչեցուցանէ , ոչ աստ եւ ոչ իհանդերձեալն , ըստ առաքելոյն որ ասէ . „Յոյս ոչ երբեք ամաչեցուցանէ“ :

Հռովմ. Ե, 5.

Եւ բազում բարութիւնս առնէ իմարդ այնպիսի յոյսն .

Նախ՝ ազատէ ինեղութենէ , ըստ այնմ զոր ասէ . „Ի

Սաղմ. ԻԱ, 6.

քեզ Տէր յուսացան հարքն մեր , եւ փրկեցեր“ եւ այլն :

Երկրորդ՝ իթշնամեաց ազատէ . „Ո փրկես զայնո-

Սաղմ. Ե, 12.

սիկ ոյք յուսացեալ են իքեզ“ : Երրորդ՝ տայ զժա-

մանակաւոր բարիս , ըստ այնմ թէ „Աչք ամենեցուն

Սաղմ. ՃԽԴ, 15.

իքեզ յուսան , եւ դու տաս կերակուր նոցա իժա-

մու“ : Զորրորդ՝ ուրախ առնէ զհոգին . „Ուրախ լիցին

ԻԱ. 6. Ը, 1.

ամենեքեան որք յուսացեալ են իքեզ . յաւիտեան

ցնծասցեն եւ բնակեսցիս դու ինոսա“ . եւ թէ „Իքեզ

Տէր յուսացայ , մի ամաչեցից յաւիտեան“ : եւ զայլ

ամենայն անթիւ բարութիւնս հոգւոյ եւ մարմնոյ

հաստատէ յոյսն իմարդ :

Վասն որոյ պարտական են ամենայն քրիստո-

նեայք աստուածային յուսով վարել զկեանս , եւ այ-

նու կատարել զգործս առաքինութեանց վասն փա-

ռաց արքայութեանն Աստուծոյ , զոր պատրաստեալ

է Աստուած վասն ամենայն հաւատացելոց իւրոց

յառաջ քան զժանանակս յաւիտենից :

—

—

—

ԳԼՈՒԽ Դ.

ՅԱՂԱԿՍ ԱՍՏՈՒԱԾԱՅԻՆ ՍԻՐՈՅ.

Գլուխ ամենայն պատուիրանաց սերն է. զի նովա կարգին այլ գործք առաքինութեանց, եւ նովա շարժին ամենայն զօրութիւնք կամաց մարդկան իգործս իւրեանց. եւ զի սերն ունի զառաջին տեղի քան զամենայն առաքինութիւնս, ըստ **1 Կորն. ԺԳ, 13.** որում ասի. „Մեծ քան զսոսա սերն է“, զի թեպէտ Աստուած պատուեաց զեկեղեցի զհարսն իւր բազում պարգեւօք, այլ իմեջ ամենայն պարգեւաց սերն է զերազանց: Եւ որպէս իհարսանիս աշխարհիս այսօրիկ թեւ լինիցի պատրաստութիւն մեծ եւ հանդիսադրութիւն առաւել, բայց եթէ հարսն ոչ ունիցի առ փեսայն զսեր հաւանութեան, ոչ լինի պսակն կատարեալ, այսպէս ամենայն քրիստոնեայ եթէ ընդ այլոց առաքինութեանց զսեր ոչ ունիցի առ Աստուած կամ առ ընկերս, ոչ կարէ կատարեալ քրիստոնեայ **1 Կորն. ԺԳ, 1.** անուանիլ, որպէս Պօղոս առաքեալն ասէ. „Եթէ զլեզուս հրեշտակաց եւ մարդկան խօսիցիմ, եւ սեր ոչ ունիցիմ, ոչինչ եմ“:

Սերն իբրեւ զարեգակն լուսաւոր առնէ զամենայն գործս առաքինութեանց. զի որպէս արեգակն

զաշխարհ ամենայն լուսաւորե , այսպէս եւ սերն
աստուածային զամենայն առաքինութիւնս լուսա-
ւոր առնե եւ գեղեցիկս կազմե : Դարձեալ , սերն մայր
եւ ամենայն բարեգործութեանց եւ առաքինութեանց .
որպէս մայրն յղանալով յարգանդին ծնանի զզաւակ,
այսպէս սերն մտածելով զհանդերձեալ յաւիտեանն
ծնանի զգործս առաքինութեանց , զի պտուղ եւ Հո-
գւոյն , որպէս ասե . „Զի պտուղ հոգւոյ սերն է“ : Աշ-
խարհային սերն չորացեալ արմատ է . որպէս ար-
մատն այն ոչ բերե զպտուղ , այսպէս եւ սեր աշ-
խարհիս առանց սիրոյն Աստուծոյ՝ չորացեալ ար-
մատ է , եւ ոչ բերե զպտուղ . բայց աստուածային
սերն ծաղկեալ արմատ է , որ պտղաբեր առնե զա-
մենայն մարդ գործովք առաքինութեանց . ըստ այ-
նքմ՝ զոր ասե Քրիստոս . „Որ հաստատեալ է յիս ,
եւ ես ինա , նա բերե զպտուղ“ . զի քրիստոնէայն
երե զաստուածսիրութիւն պաշտելով՝ սիրովն Աս-
տուծոյ վարիցի , հոգեւոր բուրաստան կամ պարտեզ
անուանի , յորում տնկին ամենայն ծառք առաքի-
նութեանց եւ բարեգործութեանց , պտղատուք եւ հա-
ճելիք ամենասուրբ կամացն Աստուծոյ . որպէս ամ-
ենայն դասք սրբոց եւ արդարոց նովին աստուա-
ծային սիրովն վառեալք եղեն այնպիսի պարտեզք
պտղատուք , ըստ հաճոյիցն Աստուծոյ պտղաբերե-
ցին , եւ զպտուղս առաքինութեան իւրեանց շտե-
մարանեցին իշտեմարանս արքայութեանն Աստու-

Գաղատ. Ե, 22.

Յովհ. ԺԵ, 5.

ծոյ , եւ յետ աստեացս անդր հրաւիրեցան ի վայելս
յաւիտենական ուրախութեանցն :

Երկ. օր. 2, 5.

Բայց սերն կատարեալ գովելի է , զի ամենայն
քրիստոնեայք պարտին ճշմարտութեամբ սիրել զԱս-
տուած . քանզի Աստուած յառաջնում պատուիրա-
նին զոր ետ ի ձեռն Մովսիսի , հրամայեաց ըստ ա-
մենայնի սրբութեամբ սիրել զինքն ' ասելով . „Սի-
րեսցես զՏէր Աստուած քո յամենայն սրտե քումմէ ,
եւ յամենայն անձնէ քումմէ , եւ յամենայն մտաց
քոց“ . այսինքն պարզ եւ ուղիղ սրտիւ , բոլոր ան-
ձամբ եւ սուրբ մտօք : Սոյնպէս եւ առաքեալն ասէ .

Քաղ. ժԲ, 30.

„Քլուխ պատուիրանին սեր է“ . եւ զկնի „Իսուրբ սրբ-
տէ եւ իմտաց բարեաց եւ յանկեղծաւոր հաւատոց
սիրել“ . այսինքն ' առանց աշխարհային սիրոյ , բա-
րի յուսով եւ քրիստոնեական հաւատով սիրել զԱս-
տուած . եւ Յովհաննէս աւետարանիչ ասէ . „Մի
բանիւ եւ լեզուաւ սիրեսցիք զԱստուած , այլ ար-
դեամբ եւ ճշմարտութեամբ“ : Ո՛չ է աստուածասեր՝
որ բարկացուցանէ զարարիչն եւ դառնայ երկիր-
պազանէ նմա . պաշտմամբ պատուէ , եւ գործով

Յովհ. Գ, 18.

տրտմեցուցանէ , որպէս ասէ Տէրն մեր . „Զի կո-
չեք զիս Տէր Տէր , եւ զոր ասեմս ոչ առնեք“ : Այլ
ամենայն քրիստոնեից պարտ է սրբութեամբ սիրել
զԱստուած , հոգւով եւ ճշմարտութեամբ մեծարել
զնա , եւ ամենայն հնազանդութեամբ պաշտել զսուրբ
աստուածօրինն նորա . զի ինքն իւրով պաշտելի
հրամանաւն այնպէս հրամայէ . „Եթէ սիրեք զիս ,
զպատուիրանս իմ պահեսցիք“ :

Ղուկ. 2, 46.

ԳԼՈՒԽ Ե.

ՅԱՂԱԳՍ ԸՆԿԵՐՍԻՐՈՒԹԵԱՆ.

Գլխաւոր եւ առաջին պատուիրան Գրիստոսի սերն է, որպէս ասաց աշակերտաց իւրոց. „Այս է պատուեր իմ, զի սիրեսցիք զմիմեանս“ . եւ Յովհաննէս աւետարանիչ՝ սիրելի աշակերտն Գրիստոսի, միշտ սեր քարոզէր առ աշակերտս իւր ասելով. „Սիրելիք, սիրեսցուք զմիմեանս, զի սեր յԱստուծոյ է. եւ ամենայն որ սիրէ՝ յԱստուծոյ է ծնեալ, եւ ճանաչէ զԱստուած“ . վասն որոյ պարտաւորեմք մեք հնազանդութեամբ աստուածային եւ առաքելական պատուիրանացն սիրել զմիմեանս, որպէս զի մի կորուսցուք զաստուածսիրութիւն մեր, որովհետեւ ասէ. „Եւ որ ոչ սիրէ զեղբայր իւր՝ ոչ ճանաչէ զԱստուած, զի Աստուած սեր է“ : Ամենայն մեղք յեղբայրատեցութենէ յառաջանան. մատնութիւն, ջարտութիւն, յապարհութիւն, նենգութիւն, սուտ վկայութիւն, եւ ի վերայ այսր ամենայնի մարդասպանութիւն, որպէս նոյն առաքեալ վկայէ. „Որ ատէ զեղբայր իւր, մարդասպան է“ : Այնպիսի ընկերատեաց անձինք ըստ ամենայնի սատանայ են եւ ընդ սատանայի տանջեսցին. զի Աստուած հրամայեաց, „Սիրեսցես զընկեր քո“ . եւ նոքա փոխանակ սիրելոյ՝ ատեն զնա, եւ ջանան ջար առնել նմա : Տես

Յովհ. ԺԵ, 12.

1 Յովհ. Գ, 7.

1 Յովհ. Գ, 8.

1 Յովհ. Գ, 13.

թէ որքան կորուստ է այս անձանց իւրեանց . առաջին՝ զի զհրամանն Աստուծոյ ոտնակոխ առնեն եւ արհամարհեն . եւ երկրորդ՝ զի զեղբայրն ատեն . ուստի եւ ճշմարտապէս կարեմք հաստատել՝ թէ նա որ չկամի սիրել զեղբայր իւր՝ սոստ է եւ աստուածսիրութիւնն նորա , ըստ վկայութեան առաքելոյն Յովհաննոս . „Եթէ ոք ասիցէ՝ եթէ սիրեմ զԱստուած , եւ զեղբայր իւր ատիցէ , սո՛ստ է . զի զեղբայր քո զոր տեսանես՝ ոչ սիրես . զԱստուած զոր ոչն տեսեր՝ զիմրդ կարիցես սիրել“ : Եւ սերն հասարակ պարտի լինել . այսինքն զամենայն քրիստոնեայ եղբարս պարտիմք սիրել անխտրաբար , եւ ոչ միայն զսիրելիս եւ զբարեկամս . իսկ ատել զաղքատն եւ զօտարն կամ զթշնամին՝ չէ կատարեալ քրիստոնեութիւն , որպէս ասէ անտարանն Քրիստոսի . „Եթէ սիրեք զոք զսիրելիս ձեր , զինչ շնորհ է ձեր . զի եւ մեղաւորք սիրեն զսիրելիս իւրեանց . եւ եթէ բարի առնեք բարերարաց ձերոց , ո՞ր շնորհ է ձեր . զի եւ մեղաւորք զնոյն զործեն“ : Կատարեալ եղբայրասեր նա է՝ որ զամենեսեան միօրինակ սիրէ , եւս եւ ըզթշնամիսն , եւ ատելեացն բարի առնէ , զի կատարեսցէ զաստուածային զհրամանն , „Սիրեցեք զթշնամիս ձեր , բարի արարեք ատելեաց ձերոց“ : Այսպիսի սերն է գովելի եւ ընդունելի առաջի Աստուծոյ , ըստ որում եւ կենդանութիւն մեր իձեռն այնպիսի կատարեալ սիրոյ նորոգեցաւ . զի մինչ մեք

1 Յովհ. Գ, 20.

Ղուկ. Դ, 32.

Ղուկ. Զ, 35.

մեռեալ եաք իձեռն սկզբնական մեղաց նախահօրն,
Աստուած որ Տերն է եւ արարիչ երկնի եւ երկրի,
իձեռն մարդեղութեան եւ մահուան Որդւոյն իւրոյ
միածնի կենդանացոյց զմեզ իյաւիտենական մեռե-
լութենէ, եւ կրկին նորոգեաց, ըստ առաքելոյն,
„Յայսմ երեւեցաւ սերն Աստուծոյ իմեզ, զի զՈրդին 1 Յովհ. 7, 8.
իւր միածին առաքեաց յաշխարհ, զի եղիցուք նո-
վաւ կենդանիք“ : Ուստի պարտ է ամենայն քրիստո-
նէից ընդ աստուածսիրութեան ունել եւ զեղբայրսի-
րութիւն, համաձայն աստուածային եւ առաքելա-
կան հրամանացն. որով Աստուած իմեզ բնակէ, եւ
մեք ինմա, եւ նա կատարեալ սիրով սիրէ զմեզ,
որպէս ասէ. „Եթէ սիրեսցուք զմիմեանս, Աստուած 1 Յովհ. 7, 12.
իմեզ բնակի, եւ սեր նորա իմեզ կատարեալ է“ :

ԳԼՈՒԽ Զ.

ՅԱՂԱԳՍ ԽՈՆԱՐՀՈՒԹԵԱՆ .

Խոնարհութիւնն է այնպիսի զովելի առաքինու-
թիւն, զի ամենայն մարդ պարտական է ունել զայն,
եւ Աստուած իխոնարհաց փառասորի եւ պատուի,
որպէս Սիրաք վկայէ. „Մեծ է զօրութիւն Տեառն եւ Սիրաք. 9, 21.
իխոնարհս փառասորի“ : Զի իխոնարհքն զԱստուած
բարի է սուրբ ճանաչեն, եւ զանձինս ոչինչ համա-
րին, զի յոչնչէ ստեղծեալ եւ ինող դառնալոց են .

եւ զամենայն բարիս յԱստուծոյ սլարգեւեալ ճանա-
չեն, եւ զչարն եւ զպակասութիւն՝ յանձանց: Ուստի
յորժամ աստուածային բարութեամբ վարձատրեսցին,
միայն Աստուծոյ մատուցանեն զփառս եւ զպատիւ.
Իսկ հպարտն յանձնէ ճանաչէ զամենայն բարիս, եւ
ինքեան վերաբերէ զամենայն փառս եւ զպատիւ մե-
ծարանաց, ուրանալով զանհուն բարերարութիւն եւ
զանբաւ շնորհս ստեղծողին իւրոյ:

Մատ. Բ, 8.

Խոնարհութիւնն կրկին է, կեղծ եւ ճշմարիտ. կեղծ
խոնարհի օրինակ Հերովդէս էր, որ ասաց մոզուցն
վասն ծննդեան Քրիստոսի. „Փնացեք ստուգեցեք
վասն մանկանն, եւ յորժամ գտանիցեք՝ ազդ արաս-
ջիք ինձ, զի եւ ես եկեալ երկիրպագից նմա“ . բայց
կեղծաւորութեամբ էր բանն, զի իմտի եղեալ էր
սպանանել: Եւ ճշմարիտ խոնարհի օրինակ մոզքն
էին, որք կատարեալ խոնարհութեամբ զպատարագս
իւրեանց եւ զջերմեռանդն երկրպագութիւնս մատու-
ցին նորածին արքային Փրկչին մերոյ Քրիստոսի:
Այսպէս Աբգար թագաւորն Հայոց ճշմարիտ խոնար-
հութեամբ իհեռոռստ հաւատաց իՔրիստոս, եւ առող-
ջացաւ յանբժշկելի ցաւոցն իւրոց:

Ճշմարիտ խոնարհն զանձն իւր խոնարհ ոչ ճա-
նաչելով՝ միշտ խնդրէ յԱստուծոյ զշնորհս խոնար-
հութեան, եւ ցանկայ առաւել եւս մտանել իկարգ
խոնարհութեան. որպէս Մանասէ զայնքան չարչա-
րանսն սակաւ համարելով՝ սլարտաւոր կացուցա-

ներ զանձն իւր առաջի Աստուծոյ եւ ասէր . „Եւ արդ
 Տէր՝ խոնարհեցուցանեմ զծունր սրտի իմոյ , եւ հայ-
 ցեմ իքաղցրութենէ քումմէ “ : Վասն որոյ պարտա-
 կան են ամենայն քրիստոնեայք խոնարհական ա-
 ռաքինութեամբ խնդրել յԱստուծոյ զվարձս բարեաց
 որ հոգեկան եւ որ մարմնական . զի Աստուած ըզ-
 շնորհս իւր ըստ խոնարհութեան մարդոյ պարգեւէ ,
 եւ ոչ ըստ մեծութեան կամ հարստութեան . որպէս
 եւ ինքն զխոնարհ մայր ընտրեաց , եւ նմա պար-
 գեւեաց զԱստուածամայրութեան շնորհ , եւ Աստուա-
 ծամայրն ինքնին յայտնեաց զխոնարհութիւն իւր՝
 պատասխանելով հրեշտակին „Ահաւասիկ կամ ա-
 դախին Տեառն , եղիցի ինձ ըստ բանի քումմէ “ : Ո՛ր-
 քան մեծ իցէ ոք , որքան եւ հարուստ , պարտաւոր
 է զխոնարհութիւն ունել , եւ ըստ այնմ վարել , որ-
 պէս խրատէ իմաստունն Սիրաք . „Որչափ մեծ ես՝
 խոնարհեցո՛ զքեզ առաջի Աստուծոյ , եւ գտցես ըզ-
 շնորհս “ . եւ զի Աստուած զաղօթս խոնարհաց լսէ
 եւ զխնդրուածս նոցա կատարէ , ըստ այնմ . „Հայե-
 ցաւ նա յաղօթս խոնարհաց , եւ ոչ արհամարհեաց
 զխնդրուածս նոցա “ . որպէս զմաքսաւորին զաղօթս
 խոնարհութեանն լռեաւ , եւ ոչ զՓարիսեցւոյն . քան-
 զի զհպարտս արհամարհէ Տէր , եւ զխոնարհս վար-
 ձատրէ , որպէս ասէ եւ Սողոմոն . „Տէր ամբարտա-
 ւանից հակառակ կայ , տայ շնորհս խոնարհաց “ :

Եւս. Երամ

Ղուկ. Ա, 38.

Սիրաք. Գ, 20.

Սաղմ. ճԱ, 17.

Առակ. Գ 34.

ԳԼՈՒԽ Է.

ՅԱՂԱԳՍ ՀՆԱԶԱՆԴՈՒԹԵԱՆ.

Սամենայն մարդ եւ ամենայն քրիստոնեայ պարտի միշտ հնազանդ լինել կամաց եւ պատուիրանացն Աստուծոյ, եւ բարի գործովք եւ առաքինութեամբք ծառայել նմա, որպէս մարգարէն Դաւիթ պատուիրէ. „Հնազանդ լեր Տեառն եւ ծառայեան նմա“.

Քանզի մարդոյս ծառայ լինելն Աստուծոյ իհնազանդութենէն ճանաչի. որպէս Աբրահամ կատարեալ հնազանդութեամբ ծառայեաց Աստուծոյ, եւ ըստ օրինակի Որդւոյն միածնի եթող զերկիր իւր, զազգ եւ զտուն, եւ զնաց ամենայն ընտանեօքն ի Բանան, ուր առաջնորդէր նմա Աստուած: Երկրորդ՝ ետ թլփատել զարու զառակս ամենայն, որպէս Բրիստոս թլփատեցաւ յետ ութօրեկց ծննդեան իւրոյ. եւ երրորդ՝ հնազանդեցաւ մատուցանելով Աստուծոյ զոհ եւ պատարագ զորդին իւր զԻսահակ, եւ եցոյց զհաստատութիւն հաւատոյ իւրոյ, որպէս եւ Որդին միածին իխաչին պատարագեցաւ վասն փրկութեան ազգի մարդկան: Այսպէս ամենայն սուրբք եւ նահապետք ջերմեռանդութեամբ եւ կատարեալ հնազանդութեամբ ծառայեցին Աստուծոյ, եւ զանճառելի արքայութիւնն երկնից եւ զփառս նորա արժանի եղեն վայելել յաւիտենական խնդութեամբ:

Յորքան ժամանակս հնազանդէ ոք աստուածային պատուիրանաց, եւ բարի գործովք ծառայէ Աստուծոյ բարեպաշտութեամբ՝ համաձայն մարգարեական եւ առաքելական քարոզութեանցն, նա յամենայն բարութիւնս Աստուծոյ անկարօտութեամբ վայելէ, թէ աստ եւ թէ իհանդերձեալն. իսկ եթէ անհնազանդութեամբ իւրով զամենայն ինչ հակառակ աստուածային կամաց առնիցէ, զբարութիւնս սատանայի վալելէ եւ ոչ զԱստուծոյ. որպէս նախահայրն Ադամ ցորքան ժամանակս պահեալ էր զպատուիրանս Աստուծոյ հնազանդութեամբ, եւ ոչ էր ճաշակեալ յարգելեալ պտղոյն իդրախտի անդ, անտրրտում ուրախութեամբ ընդ հրեշտակս վայելէր իբարութիւնս Աստուծոյ. իսկ յորժամ արար ոտնակոխ զհրամանն Աստուծոյ, եւ անսալով ամենաջարին ճաշակեաց իպտղոյն անհնազանդութեամբ, զրկեցաւ յամենայն ուրախութեանց, եւ իբաց անկեալ իդրախտեն՝ զերկիրն փշալի եւ զանիծաբեր կեանս ժառանգեաց :

Այլ եւ հնազանդիլ պարտին քրիստոնեայք եւ մարդկան. որպէս հրամայէ սուրբն Պետրոս. „Հնազանդանդ լերուք ամենայն մարդկեղէն ստեղծուածոյ վասն Տեառն“ : Ամենայն կրտսեր պարտի պաշտել զմեծն իւր հնազանդութեամբ ըստ հրամանի սրբոյն Պօղոսի. „Ամենայն անձն որ ընդ իշխանութեամբ է՝ իհնազանդութեան կացցէ“ : Ծառայն պարտի հնա-

1 Կաթ. Բ, 13.

Հրովմ. ԺԳ, 4.

զանդիլ Տեառն իւրում, ըստ հրամանի առաքելոյն .

Կողոս. Գ, 22. „Ծառանք, հնազանդ լերուք տերանց ձերոց“ : Կինն պարտի հնազանդ լինել կամաց առն, որպէս պա-

Կողոս. Գ, 18. տուիրէ նոյն առաքեալ . „Կանանք, հնազանդ լե-

րուք արանց ձերոց“ . զի սէր եւ միաբանութիւն բնա-

կեսցի իմեջ երկոցունցն : Զաւակունք պարտական են

հնազանդիլ ծնողաց իւրեանց, ըստ հրամանի առա-

Փիլիպ. 2, 1. քելոյն թէ „Որդիք, հնազանդ լերուք ծնողաց ձե-

րոց“ . որով աստուածային օրհնութեան արժանաս-

ցին : Ուստի պարտ է ամենայն քրիստոնէից հնազանդ

լինել աստուածային եւ մարդկային հրամանաց ամ-

ենայն բարեպաշտութեամբ, որպէս կանոնք սրբոց

հրամայեն, եւ առաքեալքն քարոզեն :

ԳԼՈՒԽ Ը.

ՅԱՂԱԳՍ ՀԱՄԲԵՐՈՒԹԵԱՆ.

Համբերութիւնն հարկաւոր է քրիստոնէից եր-
րակի : Առաջին՝ աստուածային կշտամբանաց եւ նե-
ղութեանց համբերել՝ որք պատահին : Երբեմն իհա-
րըստութենէ յաղքատութիւն փոխի մարդ, կամ յա-
ռողջութենէ յանառողջութիւն, եւ կամ իբարեբաղ-
դութենէ իտարաբաղդութիւն : Այսպիսի նեղութեանց
պարտի քրիստոնեայն յօժարութեամբ հոգւոյ՝ ա-
ռանց տրտնջելոյ համբերել. զի իժամանակի բարե-
բաղդութեան կամ յաջողութեան օրհնել զԱստուած
ոչ այնչափ է զովելի՝ որչափ իժամանակս ձախոր-
դութեան եւ անյաջողութեան փառաւորելն է ընդու-
նելի. որպէս Երանելին Յոր՝ յորժամ կորոյս զգանձս
հարստութեան իւրոյ եւ զառողջութիւնն անձնա-
կան, ամենեւին ոչ լռեաց իմատուցանելոյ զփառս
Աստուծոյ. զի անդադար օրհնէր զնա, եւ զանձն
իւր մխիթարէր ասելով. „Մերկ եկի ես յորովայնէ Յոր. Ա., 21.
մօր իմոյ, եւ մերկանդամ դարձայց անդրէն. Տեր
ես եւ Տեր եառ. որպէս Տեառն հաճոյ բուեցաւ,
նոյնպէս եւ եղես. եղիցի անուն Տեառն օրհնեալ“ :

Երկրորդ՝ համբերել մարդկային նեղութեանց .
այնպէս զի եթէ ոք չարախօսէ , կամ նախատէ եւ
կամ այլ կերպիւ արհամարհիցէ , ոչ է պարտ չարու-
թեամբ վրեժխնդիր լինել , որպէս իմաստունն Սո-
Առակ. ԻԶ, 4. ղոմոն խրատէ . „Մի տար անզգամին պատասխանի
ըստ նորա անզգամութեանն“ . քանզի չարութեամբ
վրեժխնդիր լինելն՝ ըստ չորից եղանակաց վնաս առ-
նէ . Նախ՝ զի չարիս ընդ չարեաց հատուցանէ , ընդ-
Հոովմ. ԺԲ, 17. դեմ հրամանի առաքելոյն Պօղոսի , որ ասէ . „Մի
ռամեք չարի զչար հատուցանեք , այլ խորհեցարոնք
զբարիս“ : Երկրորդ՝ ոչ ճանաչէ զՏէր Աստուած օգ-
նական ինքեան : Երրորդ՝ զգործս Աստուծոյ յա-
փրշտակէ , որ ասեն . „Իմ է վրեժխնդրութիւն , եւ ես
հատուցից ասէ Տէր“ : Եւ չորրորդ , զվարձս իւր կո-
րուսանէ առաջի Աստուծոյ . զի վարձք բարեաց համ-
բերողացն տուեալ լինի , եւ ոչ չհամբերողաց : Վասն
որոյ բարի քրիստոնեայք պարտական են՝ չարախօ-
սացն իւրեանց եւ նախատողաց եւ զմարմին չար-
չարողաց եւ զինչս յափշտակողաց ոչ հատուցանել
ամենեւին զչար՝ ոչ բանիւ , ոչ գործով , ոչ հայ-
հոյութեամբ , եւ ոչ այլազգ ինչ վրեժխնդրութեամբ ,
այլ լութեամբ համբերել . որպէս Փրկիչն մեր Քրիս-
տոս այնքան անտանելի չարչարանաց եւ նախա-
տանաց Հրէից համբեր , եւ բնաւ ոչ եղեւ վրեժխնդ-
րիր . այսպէս եւ հարազատ ծառայն Քրիստոսի
սուրբն Ստեփանոս անտանելի նեղութեանց եւ չար-

չարանաց անօրինացն համբեր, եւ համբերութեամբ իւրով եղեւ վրեժխնդիր եւ ոչ չարութեամբ : Եւ այլ բազում ճգնաւորք, նահատակք եւ ամենայն սուրբք համբերութեամբ նախատեցան եւ չարչարեցան վասն անուանն Քրիստոսի :

Եւ երրորդ, համբերել փորձութեանց սատանայի . զի ամենայն մեղք եւ չարութիւնք ինմանէ յառաջանան, եւ քրիստոնէայք համբերել պարտին արիութեամբ, եւ ոչ լինել յանձնառու գործել զչարութիւնսն զայնօսիկ, այլ մարտնչել ընդդէմ սատանայի համբերութեամբ, եւ ջանալ յաղթել նմա արիաբար . յայնժամ օգնականութեամբն Աստուծոյ ազատեսցին յամենայն չարեաց, որպէս վկայէ իմաստունն Սողոմոն . „Համբերեա՛ Տեառն, եւ նա օգնեսցէ քեզ“ :

Առակ. Ի, 22.

Համբերութիւնն կատարումն է ամենայն առաքինութեանց, որպէս առաքեալն Յակոբոս վկայէ . „Համբերութիւն գործ կատարեալ ունի“ , զի արո՞ւ է եւ տեղի ամենայն առաքինութեանց, եւ հաստատութիւն ամենայն բարեգործութեանց, որպէս սիւնն հաստատութիւն է շինուածոց :

Յակոբ. Ա, 4.

Համբերութեանն շահ մեծ է . Առաջին՝ զի Աստուած է օգնական համբերողին, որ տայ շնորհս համբերութեան : Երկրորդ, ծնանի զսէր, որպէս առաքեալն Պօղոս քարոզէ . „Համբերութիւնն զհանդէս ծնանի, հաւնդէս զյոյս“ , եւ նա սփռէ զսէր :

Հրովմ. Ե, 4.

Երրորդ , գաղօթս համբերողաց ւ :

- Սաղմ. ԼԱ, 1. պէս լուսա մարգարէին Դաւթի . „Համբերելով ուրբերի Տեառն , եւ նայեցաւ առ իս , եւ լուսա աղօթից իմոց“ : Զորրորդ , համբերութեամբ կարող եք թրիստոնեայն զկեանս յաւիտենականս ժառանգել , զստ աւետարանական վկայութեան . „Համբերութեամբ ձերով ստասջիք զոգիս ձեր“ . եւ հինգերորդ , համբերութիւնն փառաւոր առնէ զմարդ , որպէս Յոբ փառաւորեցաւ :

Իսկ որք ոչն ունին զհամբերութիւն , ոչ կարեն եւ զառաքինութիւնս բարեպաշտութեան իւրեանց ըստ կարգի կատարել , զի արհամարհողք համարին աստուածային կշտամբանաց եւ մարդկային նեղութեանց , եւ հաւանողք չար կամացն սատանայի :

- Սիրաք . Բ, 16. Այսպիսեաց վնչ տայ Սիրաք ասելով . „Վնչ որ կորուսեալ է զհամբերութիւն“ : Ուստի ամենայն թրիստոնեայք պարտական են սիրով եւ յօժարութեամբ համբերել նեղութեանց եւ փորձութեանց՝ որք պատահին երբեմն յԱստուծոյ , երբեմն իմարդկանէ եւ երբեմն իսատանայէ , առ իջմատնել իկորուստ ըզգործս առաքինութեան եւ զշնորհս բարեպաշտութեան իւրեանց , մանաւանդ թէ զյաւիտենական վարձսն որ պատրաստեալ կան յերկինս ամենայն թրիստոնէից իՔրիստոսէ Աստուծոյ մերմէ :

ԳԼՈՒԽ Թ.

ՅԱՂԱԳՍ ԱՆՅԻՇԱԶԱՐՈՒԹԵԱՆ.

Ամենայն քրիստոնեայ պարտի անյիշաջար լինել, այսինքն թողուլ զպարտս եւ զյանցանս քրիստոնեայ եղբարց, զանարգանս, զգողութիւն, զզրկողութիւն, զյափշտակութիւն, զզրպարտութիւն եւ կամ զորպիսի եւ իցեանիրաւութիւն, զի ինքն եւս յաւիտենական թոշութեան արժանասցի յԱստուծոյ, որպէս Քրիստոս ինքն ասէ. „Եթէ թողուցուք մարդկան ըզյանցանս նոցա, թողցե եւ ձեզ Հայրն ձեր երկնաւոր զյանցանս ձեր“ :

Մատ. 2, 14.

Այլ կան քրիստոնեայք ոմանք՝ որք առանց թողլոյ զպարտս կամ զյանցանս ընկերին՝ տերունական աղօթիքն խաբեն զԱստուած ասելով. „Թող մեզ զպարտիս մեր, որպէս եւ մեք թողումք մերոց պարտապանաց“. որով վկայեն՝ որպէս թէ ինքեանք թողեալ են զպարտս պարտապանաց իւրեանց, եւ խընդրեն յԱստուծոյ զի թողցե եւ զիւրեանց պարտաւորութիւնս. եւ այնու թեպէտ աղօթել համարին, բայց ըստ գործոցն խաբերայութեան եւ ըստ ամենայնի արհամարհանքն վերաբերի առ Աստուած. զի բանիւ աղօթեն, այլ գործով ոխակայութեան կամ ազահութեան իւրեանց ջանան խաբել զԱստուած, ոչ ամելով զմտաւ թէ յայտնի է Աստուծոյ ամենայն ուրա-

- կալութիւն իւրեանց՝ զոր ունին չարութեամբ առ-
ընկերն, եւ ոչ ունկն զնելով աւետարանական սայ-
մանադրութեան Տեառն որ ասէ. „Եթէ ոչ թուո-
ցուք մարդկան գյանցանս նոցա, եւ ոչ Հայրն ձեր
Երկնաւոր թողցէ ձեզ գյանցանս ձեր“ : Վասն որոյ
պարտական են ամենայն քրիստոնեայք նախ չպար-
տըս կամ գյանցանս ընկերաց իւրեանց թողուլ, եւ
ապա խնդրել յԱստուծոյ զթողութիւն մեղաց իւ-
րեանց. որպէս Քրիստոս ինքն իխաչին կրեաց ըզ-
մեծամեծ տանջանս եւ գանտանելի նախատինս յա-
նօրէն Հրեից, եւ վասն մեղաց նոցա թողութիւն
խնդրէր յերկնաւոր Հօրէն իւրմէ՝ ասելով. „Հայր,
թող դոցա, զի ոչ գիտեն զինչ գործեն“ : Այսպէս
եւ նախավկայն Քրիստոսի սուրբն Ստեփանոս ի
վերայ քարկոծողացն իւրոց նովին բանիւ խնդրէր
յԱստուծոյ. „Տէր, մի՛ համարիր դոցա զայս մեղս“ :
Եւ այլ բազում սուրբք եւ ճգնաւորք եւ նահատակք
վասն չարչարողաց իւրեանց թողութիւն խնդրէին
յԱստուծոյ. որոյ վասն սոքա ամենեքեան աստուա-
ծային շնորհիւն պայծառացան, եւ յաւիտենական
երանութեան անճառելի խնդութեանցն արժանացան :
Ուստի եւ քրիստոնեայք պարտին ամենայն սիրով
ներողամիտ լինել միմեանց, ոչ բանիւ միայն, այլ
եւ գործով. որպէս հրամայէ ճշմարիտ Վարդապետն
մեր Քրիստոս յԱւետարանին իւրում :

ԳԼՈՒԽ Ժ.

ՅԱՂԱԳՍ ԽՆԱՄՈՑ ԾՆՈՂԱՑ ԱՌ ԶԱԻԱԿՈՒՆՍ

ԻԻՐԵԱՆՑ .

Ծնողք ըստ երկուս յեղանակս պարտին խնամ
ոհնել զառակաց իւրեանց : Առաջին պարտականու-
թիւնն է մարմնաւոր , այսինքն կերակրել զնոսա եւ
զգեցուցանել , եւ զամենայն հարկաւորութիւնսն հո-
գալ ' մինչեւ ցժամանել նոցա իհասակ կատարելու-
թեան : Երկրորդ պարտաւորութիւնն է կրթել զնոսա
հոգեւորապէս , ուսուցանել նոցա զաստուածաշ-
տութիւն , զպահպանութիւն օրինացն Աստուծոյ եւ
զճանապարհս արդարութեան . եթէ անձամբ անկա-
րողք իցեն ինոյն ' զեթ իձեռն ուսուցչաց : Իսկ երկ-
տղայն իճանապարհս օրինացն Աստուծոյ թիւր ըն-
թասցի անհնազանդութեամբ , պարտին յորդորել եւ
խրատել եւ առաջնորդել յօրէնս Աստուծոյ , ըստ
խրատու արքային Սողոմոնի . „Մի խնայեր , ասէ , Առակ. ԻԳ, 13.
խրատել զտղայն զառազանա“ : Ըստ որում ամե-
նայն մասունք տղայոցն ուղղելիք են , այսինքն
ձեռն , լեզուսն , աչքն , ականջն եւ բոլոր մարմինն .
զի թէ բանիւ խրատու ոչ ուղղեսցի , խրատու զա-

ազանին զգաստացի . որպէս փոքր անասունն երե
խոտորնակի գնայցե, մտրակաւ ուղղեն . եւ որպէս
երկրագործն նախ կակղացուցանե զերկիրն, եւ ա-
պա սերմանե, նոյնպէս պարտ է զտղայն խրատու
կակղել . որով սերմն բարի սերմանի խիրտն,
եւ պտղաբերե զուսումն աստուածպաշտութեան եւ
բարեգործութեան : Իսկ երե իբաց բողոցուն զտղայն,
եւ ոչ փութացին խրատել սաստիւ, ընդ աճել հա-
սակին՝ աճին եւ եկամուտ ախտքն, եւ կորուսանեն
զերկիւղն եւ զամօթ բնական . եւ այնպէս ջարու-
թեամբ սնանի եւ լրբութեամբ եղծանե զամենայն
վարս իւր իգայթակղութիւն այլոցն զաւակաց : Այն-
պիսի ծնողք ոչ են զաւակասերք, այլ զաւակա-
տեացք . զի առիթ եւ պատճառք են անկարգու-
թեան նոցա : Այլ պարտին ամենայն ծնողք անա-
ջառապէս սաստել եւ խրատել զզաւակս իւրեանց .
զի այնու զգաստացեալ նոքա՝ մաքուր եւ ամբիծ
պահեսցեն զընթացս հոգեւորական եւ մարմնաւորա-
կան գնացից իւրեանց, եւ ոչ թիւրեսցին յուղիղ
շաւղացն : Յայնժամ եւ ինքեանք ծնողքն պատճառ
լինելով բարելաութեան զաւակաց իւրեանց, զովա-
բանին իճարձրելոյն եւ վարձատրին ըստ հոգւոյ եւ
ըստ մարմնոյ ամենայն յաջողութեամբ :

ԳԼՈՒԽ ԺԱ.

ՅԱՂԱԳՍ ՊԱՏՈՒԱՍԻՐՈՒԹԵԱՆ ԶԱԻՍԿԱՅ ԱՌ

ԾՆՈՂՍ ԻԻԲԵՍՆՑ .

Ս ուրբ առաքեալն Պօղոս պատուիրեամենայն
զառակաց ասելով . „Որդիք , հնազանդ լերուք ծնո-
ղաց ձերոց իՏեր“ : Ամենայն զառակունք պարտա-
կան են հնազանդ լինել ծնողաց իւրեանց կատա-
րեալ վերապատուութեամբ . զի որպէս զԱստուած
պաշտելն իսկական պարտաւորութիւն է՝ աղօթիք
եւ երկրպագութեամբ , նոյնպէս եւ զծնողս յարգել
պարտականութիւն է ամենայն հնազանդութեամբ .
քանզի եւ ծնողքն հաղորդք են ստեղծագործութեանն
Աստուծոյ : Աստուած զհոգին ստեղծանէ , եւ զնիւրս
մարմնոյ նոքա պատրաստեն հրամանաւն Աստու-
ծոյ . որպէս Աստուած իւրով ամենախնամ պաշտ-
պանութեամբ կառավարէ զստեղծուածս իւր , այս-
պէս եւ ծնողք պահպանեն զզառակունս իւրեանց
ամենայն հոգացողութեամբ . զտիւ եւ զգիշեր մեծա-
մեծ նեղութիւնս կրեն վասն նոցա , անկարօտ պա-
հելով զնոսա բարութեանց երկրի . ինքեանք աղքա-
տաբար ապրին , եւ զառակաց իւրեանց խնամածու

Փիլիպ . 2, 1.

լինին . վասն որոյ եւ զառակունքն իմիտ բերելով
զաշխատութիւնս ծնողացն՝ պարտաւորին ամենայն
հնազանդութեամբ կատարել զկամս նոցա : Առանց
հրամանի նոցա մի ինչ արասցեն , եւ մի ուրեք՝ այս-
ինքն մի յօտար տեղիս երթիցեն , եւ մի ունիցին ըն-
կերակցութիւն ընդ անառակ տղայոց . զի այսօրքիկ
նշանք են ամբարշտութեան եւ ապստամբութեան
յԱստուծոյ եւ իծնողաց :

Են այնպիսի զառակունք՝ որք իհասանել իւրեանց
իկատարելութիւն հասակի , արհամարհելով զխրա-
տըս ծնողաց՝ անարգեն եւ հայհոյեն լրբաբար , եւ
այլ ազգի ազգի ջարութեամբ վշտացուցանեն զծնողս .
այնպիսի զառակունք ըստ անտարանական վճռա-
հատութեան պատիժս մեծամեծս կրեսցեն յԱստուծոյ .

Մատ . ԺԵ , 5 . „Որ անարգե զհայր կամ զմայր իւր՝ մահու վախ-
ճանեսցի“ : Այլ պարտական են ամենայն զառակունք
պաշտել զծնողս կատարելաւ հնազանդութեամբ . զի
նոքա զբարիս քարոզեն , եւ իյաւիտենականն փրկու-
թիւն առաջնորդեն : Այնպիսի օրհնութեամբ ծնողաց
զարգանան եւ երկարութեամբ կենաց մխիթարին ,
որպէս Աստուած իձեռն Մովսիսի ասաց . „Պատուեան
զհայր քո եւ զմայր , զի քեզ բարի եղիցի , եւ եր-
կայնակեաց լինիցիս իվերայ երկրի“ :

Եղից Ի , 12 .

ԳԼՈՒԽ ԺԲ.

ՅԱՂԱԳՍ ՊԱՐԿԵՇՏՈՒԹԵԱՆ ԵՒ

ԱՄՅԹԻՒԱԾՈՒԹԵԱՆ .

Ամենայն քրիստոնեայք պարտին ունել զպարկեշտութիւն, եւ առաւել եւս իգական սեռին հարկաւոր են պատկառանք . զի որպէս բարեգործութիւնն իբրեւ հանդերձ զարդարե զմարդ, նոյնպէս սլարկեշտութիւնն եւ պատկառանք զարդ է իգական սեռի . որով առաւել սլայծառ եւ լուսաւոր լինին քան թէ անսովոր հանդերձիւք կամ գերեսս իւրեանց ղեղովք օծանելով . զի այնպիսի սլայծառութիւնն առաւել եւս եղծանե զբնական զեղ երեսացն, եւ զանպարկեշտութիւն նոցա յայտ առնե . որպէս առաքեալն Պօղոս պատուիրե . „կանայք կացցեն ի Տիմոթ . Բ, 9 . զարդ խոնարհութեան, ակնածութեամբ եւ զգաստութեամբ զարդարել զանձինս, մի իհիւսս ոսկեմանս ընդելուզեալս մարգարտով կամ իհանդերձս պանծեալս, այլ որպէս վայելե կանանց զաստուածպաշտութիւն յանձն առելոց գործովք բարութեան“ : Գտանին եւ այնպիսի կանայք՝ որք ոչ ճանաչելով զչափ աստիճանի իւրեանց՝ տարօրինակ զգեստութեանին, եւ անչափ սլջրանօք զարդարեն զինքեանս, եւ ոչ բաւական լեալ պատկերաւ ստեղծուածոցն

Աստուծոյ՝ զարդարեն զերեսս իւրեանց զանազան
դեղովք, որով կորուսանեն զշնորհս քրիստոնեո-
թեան իւրեանց, եւ լինին կարթք սատանայի. եւ ի
մեջ հանդիսի անպատկառ համարձակութեամբ թե-
ւակոխեն իճոխաբանել առաւել քան զարս, ընդդէմ
1 Տիմոթ. Բ, 11. առաքելական հրամանին՝ որ ասէ. „Կին մարդ ցա-
ծութեամբ ուսցի. այլ ուսուցանել կնոջ մարդոյ ոջ
հրամայեմ, եւ ոջ ճոխաբանել քան զայր մարդ, այլ
իւրութեան կեալ“ :

Վասն որոյ հարկ է ամենայն քրիստոնէի ունել ըզ-
պարկեշտութիւն, մանաւանդ իգական սեռի կանանց
եւ աղջկանց՝ պարկեշտութեան շնորհիւ շարժիլ յա-
մենայն տեղիս, թէ իտան, թէ յեկեղեցւոջ, թէ իհան-
դիսի ուրախութեան եւ թէ ուր եւ իցէ. նոյնպէս եւ
իհանդերձս իւրեանց ըստ չափու աստիճանին պար-
կեշտութեամբ իփառս Աստուծոյ զգենուլ, խոնար-
հութեամբ եւ հնազանդութեամբ զարդարել զանձինս,
առաքինութեամբ եւ ամենայն բարեգործութեամբ
պայծառանալ. զի Քրիստոսի մայր եւ քոյր արժա-
նասցին կոչիլ, որպէս ինքն Քրիստոս վկայէ, թէ
Մատ. ԺԲ, 50. „Որ արասցէ զկամս Հօր իմոյ՝ նա է իմ եղբայր եւ
քոյր եւ մայր“ . եւ իհանդերձեալ ժամանակին ընդ
իւղաբերից կանանցն եւ ընդ Հռիփսիմեանց եւ
Գայիանեանց կուսանացն արժանի եղիցին վայելել
յանձառ. բարութիւնսն Աստուծոյ :

ԳԼՈՒԽ ԺԳ.

ՅԱՂԱԳՍ ԱՂՕԹԻՑ .

Առիւթք հոգւոյն հաճոյական նուեր է առ Աստուած, զոր իքաւութիւն մեղաց եւ իգոհութիւն վասն անչափ բարերարութեանն Աստուծոյ մատուցանեմք: Մի իգլխաւոր պատուիրանացն Քրիստոսի զոր յիւրում սուրբ Աւետարանին աւանդեալ է մեզ՝ այս իսկ է, թէ „Արթնան կացեք, յամենայն ժամ առիւթք աւուկ. ԻԱ, 36. րարեք“. եւ ինքն Տէրն մեր զնոյն կանոն բազում անգամ գործով հաստատեաց յօրինակ մեզ. որպէս ասէ. „Ընդ այզն առաւօտուն ել եւ զնաց յանապատ Մարկ . Ա, 55. տեղի, եւ անդ կայր յառիւթք“. եւ թէ „Ել իլեառն առանձինն կալ յառիւթք“. եւ դարձեալ ասէ. „Նստարիւթք այդր մինչեւ երթայց կացից յառիւթք“ : Եւ յաւուրս չարչարանաց իւրոց պատուիրէր աշակերտացըն՝ թէ „Արթնան կացեք եւ առիւթք արարեք, զի մի Մատ. ԻԶ, 16. իփորձութիւն անկանիցիք“ : Արդ առաքեալն Պետրոս եթէ պահեալ էր զայս պատուեր, ոչ իփորձութիւն անկաներ, եւ ոչ զՎարդապետն եւ զՓրկիչ իւր ուրանայր . այլ յորժամ զոջացաւ եւ եկաց յառիւթք, վերստին եզիտ շնորհս . զի եղեւ առաջին աշակերտ

Քրիստոսի եւ քարոզիչ բանին կենաց : Այսպէս ամենայն քրիստոնեայ յորպիսի եւ իցէ փորձութիւնս թէ անկանիցի, պարտի կատարեալ գղջմամբ աղօթել առ Աստուած, զի անդրեն իշնորհս աստուածային մտանիցէ ըստ Պետրոսի . զի գամենայն բարութիւնս Աստուծոյ եւ զշնորհս նորա աղօթիք կարեստանալ մարդ . ըստ այնմ . „Խնդրեցէք եւ տացի ձեզ . հայցեցէք եւ գտջիք, բաղխեցէք եւ բացցի ձեզ“ :

Մատ . 5, 7.

Եւ աղօթիցն պարտ է սրբութեամբ սրտի եւ մաքրութեամբ բերանոյ եւ անարատութեամբ ձեռաց լինել . որովհետեւ աղօթքն կատարին սրտի, բերանով եւ ձեռօք : Սրբութեամբ սրտին այն է՝ որ ինքն իմեղաց սուրբ լիցի, աննենգ եւ անոխակալ ընդ ընկերին, որպէս անտարանն սուրբ պատուիրէ . „Յորժամ յաղօթս կայցէք, թողուցուք՝ եթէ ունիցիք ինչ խեթ գումեք“ : Մաքրութեամբ բերանոյ այն է՝ որ առանց բարկութեան կամ հայհոյութեան աղօթեսցէ . եւ անարատութեամբ ձեռացն այն է, զի սուրբ պահեսցէ զձեռս յագահութենէ, իզրկանաց եւ յամենայն յափշտակութենէ, որպէս առաքեալն Պօղոս ասէ .

Մարկ . 6, 25.

1 Տիմոթ . 6, 8.

„Կամիմ զի արք կացցեն յաղօթս, եւ համբարձցեն զսուրբ ձեռս իւրեանց ի վեր“ :

Մատ . 2, 6.

Եւ իծածուկ պարտ է աղօթել՝ անտես իմարդկանէ, որպէս պատուիրէ Անտարանն . „Յորժամ կայցես յաղօթս, մոտ իսենեակ քո եւ փակեա՛ գդուրս

քո, եւ կանց յաղօթս“ : եւ ոչ յարդարութիւն պարծիլ յաղօթելն՝ ըստ փարիսեցւոյն, այլ զմեղսն միայն յայտնել՝ ըստ մաքսաւորին. զի փարիսեցին պարծելով յարդարութիւն իւր՝ անվարձ մնաց յաղօթից, եւ պարտաւորեցաւ. իսկ մաքսաւորն ըզմեղս իւր յայտնելով ելաց, եւ վարձատրեցաւ յաղօթից, եւ քան զփարիսեցին արդարացաւ. եւ սրբեցաւ : Այսպիսի աղօթք այնպէս ընդունելի նուեր է առ Աստուած, զի իձեռն հրեշտակի Աստուծոյ եւ միջնորդութեամբ ծայրագոյն քահանայապետին Քրիստոսի յերկինս առ Աստուած հասանէ, որպէս Ռափայել հրեշտակն ասաց ցՏովբիթ . „Յորժամ կացեր դու եւ կին քո Սառա յաղօթս, եւ մատուցանէի Աստուծոյ“ :

Տովբ. ԺԲ, 12.

Աղօթքն մեծ օգուտ է աղօթողին : Նախ՝ զի զմիտս արն լուսաւորէ. զի աղօթքն խօսակցութիւն է ընդ Աստուծոյ որ զմիտս աղօթողին պայծառացուցանէ աստուածային լուսով : Երկրորդ՝ շիջուցանէ զամենայն բղջախոհ ցանկութիւնս, եւ զդեւս չարութեան հալածէ. ըստ այնմ . „Այս ազգ ոչինչ իւիք ելանէ, երբ ոչ պահօք եւ աղօթիւք“ : Երրորդ՝ զհիւանդութիւնս բժշկէ, որպէս Եզեկիա հիւանդացաւ եւ իդուռն մահու եհաս. բայց յորժամ աղօթեաց՝ առողջացաւ եւ եկաց կենդանի այլ եւս ամս հնգետասան : Չորրորդ՝ զհուրն շիջուցանէ, որպէս երեք մանկունքն Բարիլոնի զհուրն իցօղ փոխեցին եւ անվը-

Մատ. ԺԵ, 20.

նաս ապրեցան անտի : Եւ հինգերորդ՝ քշնամեաց
յադքե , որպէս Եզեկիա աղօթեաց իտաճարին , եւ
հրեշտակն եջ , եւ զհարիւր ուրսուն եւ հինգ հազար
զօրսն Ռափսակայ իմիում զիշերի սրով սատակեաց :
Եւ այլ բազում յեղանակօք աղօթքն անվտանգ պահե
զմարդ . զի իվեր է քան զամենայն առաքինութիւնս ,
եւ բարձր քան զամենայն բարեգործութիւնս . վասն
որոյ առաքեալն Պօղոս ճանաչելով զգերագանցու-
թիւն աղօթից՝ ասէ . , Սղաչեմ նախ քան զամենայն
առնել աղօթս , խնդրուածս , պաղատանս , զոհու-
թիւնս “ :

Տիմոթ . Բ , 1 .

Վասն ժամանակի աղօթից եթէ հարցանիցես թէ
Յրբ իցե , ասեմ թէ Քրիստոս կանոն եւ սահման ե-
ղեալ է ամենայն հաւատացեալ քրիստոնէից , պա-
տուիրելով՝ թէ , Պարտ է յամենայն ժամ կալ յաղօթս ,
եւ մի ձանձրանալ “ . յամենայն ժամ ասելովն հրա-
մայե զի հանապազ զահ եւ զերկիւղն Աստուծոյ ու-
նիցին քրիստոնեայք իսիրտս իւրեանց , եւ իսահմա-
նադրեալ ժամանակս , յառաւօտու եւ յերեկոյի ա-
ղօթեսցեն . եւ յաղօթելն ոչ վասն մարմնական ինչ
պիտոյից խնդրել , այլ վասն արքայութեան Աստու-
ծոյ , ըստ աւետարանական հրամանին Քրիստոսի
որ ասէ . , Մի հոգայցեք եւ ասիցեք , զինչ կերիցուք ,
կամ զինչ արբցուք , կամ զինչ զգեցցուք . զի զայդ
ամենայն հերանոսք խնդրեն . քանզի զիտե Հայրն
ձեր երկնաւոր՝ թէ պիտոյ է ձեզ այդ ամենայն : Խընդ-

Ղուկ . ԺԸ , 1 .

Մատ . 2 , 31 .

րեցեք նախ զարքայութիւնն Աստուծոյ եւ զարդա-
ւութիւնն նորա, եւ այդ ամենայն յաւելցի ձեզ“:

Եւ բարեոք է իմեջ եկեղեցւոյ աղօթել. զի եկեղե-
ցին տունն Աստուծոյ է՝ ըստ վկայութեան Փրկչին .

„Տուն իմ տունն աղօթից կոչեսցի“ . եւ զի իմեջ եկե- Մատ. ԻԱ, 13 .

ղեցւոյ աղօթքն երազ հասանէ իլսելիս Աստուծոյ .

որպէս ասէ . „Աչք իմ եղիցին բաց եւ ականջք իմ Բ. Մնաց. Է, 15 .

իլսել զաղօթս այնմ որ աղօթեսցէ իտեղւոջս յայս-
միկ“ , այսինքն յեկեղեցւոջ . եւ զկնի ասէ . „Ահա

ընտրեցի զայս եւ սրբեցի զսա՛ առ իլինել անուան
իմոյ աստ յաւիտեան, եւ եղիցին աչք իմ եւ սիրտ

աստ զամենայն առօրս“ : Եւ միանգամայն աղօթելն
յեկեղեցւոջ այնու առաւել շահաւետ համարի իկող-

մանէ մեղաւոր աղօթողին, զի անարժանութիւնն աղօ-
թից նորա խառնեալ ընդ արժանաւոր աղօթս ար-

դարոց, իրրեւ զխոանկ ելանեն առաջի Աստուծոյ :

Բայց են այնպիսի քրիստոնեայք՝ որք ծուլու-

թեամբ հեռանան կամաւ յաղօթից եւ յեկեղեցւոյ . ո-

մանք վաճառականութեամբ զբաղեալ լինին, ոմանք
երկրագործութեամբ կամ արուեստիւ ձեռաց, եւ ո-

մանք այլ եւ այլ մարմնական գործովք, զաղօթից
ոչինչ փոյթ կալեալ : Այսպիսի անձինք անուամբ մի-

այն են քրիստոնեայ, եւ գործով ոչինչ . զի հերա-
նոսք եւս նախապատուեն զաղօթս քան զամենայն
գործս, եւ ըստ հաւատոյ իւրեանց աղօթս եւ երկր-
պագութիւնս մատուցանեն աստուածոց իւրեանց :

Այլ վատթար են այնպիսիքն քան զամենայն անասունս եւ զանբանս . զի նոքա յամենայն առաւօտուս յերկինս հայելով՝ առ ստեղծողն իւրեանց աղաղակեն եւ զօգնականութիւնս խնդրեն , որպէս

Սաղմ . ԽԶ, 9 . սաղմոսերգուն Դաւիթ վկայէ . „Այն որ տայ անասնոց զկերակուր , ձագուց ագռաւուց որք կարդան առ նա“ : Եթէ նոքա գուլով անասունք եւ անբանք , աղաչանս եւ խնդրուածս առնեն առ Աստուած , ապա զրջափ եւս առաւել մեզ՝ բանական ստեղծուածոցս հարկեալոքս եւ աղաչանս մատուցանել Աստուծոյ , որք շնորհիւ Փրկչին մերոյ Քրիստոսի եւ իձեռն լուսափայլ մկրտութեան քրիստոնեայ անուն յանձինս կրեմք : Ապա ուրեմն պարտիմք նախապատուել զաղօթս քան զամենայն . որպէս Քրիստոս Տէրն մեր ուսուցանէ , եւ մարգարեքն եւ առաքեալք քարոզեն :

ԳԼՈՒԽ ԺԴ .

ՅԱՂԱԳՍ ՊԱՀՈՑ .

Պահք մարմնոյ նուեր է Աստուծոյ զոր վասն հեռանալոյ իցանկութենէ աշխարհիս պահեմք . եւ այս կանոն նախ իդրախտին եղաւ յԱստուծոյ . զի ասաց Աստուած ցԱդամ , թէ „Յամենայն պտղոց դրախ-

տին կերիցես, բայց իծառոյն զիտութեան բարւոյ եւ
չարի մի ուտիցես“ . այլ նա ոչ կարողացաւ պահել
զայն պահս, եւ խրատու ամենաջարին սատանայի
եկեր զպտուղն եւ ելոյծ զհրամանն Աստուծոյ իւրով
պատուիրանազանցութեամբ : Երկրորդ, նորն Աղամ,
որ աստուածային մարդեղութեամբ իւրով սրբեաց
զառաջին մարդն իմեղաց, հաստատեաց զպահս իւ-
րով պահեցողութեամբ, որպէս ասէ . „Պահեաց ըզ-
քառասուն տիւ եւ զքառասուն զիշեր“ : Այսպէս եւ
Յովհաննէս Մկրտիչն հեռացեալ էր յամենայն հա-
սարակ կերակրոց, եւ պահէր զպահս, եւ ուտէր միայն
մարախ եւ մեղր : Եւ երրորդ, զկնի սուրբ հայրա-
պետք սահմանեցին զկանոնս եկեղեցւոյ, եւ շնոր-
հիւ Հոգւոյն սրբոյ հաստատեցին զպահս . բայց ոչ
միայն իկերակրոց եւ յլմպելեաց հեռանալ հրամայ-
եցին, այլ եւ յամենայն մեղաց եւ իմարմնական ցան-
կութեանց իբաց կալ սահմանեցին : Թեպէտ եւ մեղքն
յորո՞ւմ աւուր եւ իցէ գործեալ՝ ընդդէմ Աստուծոյ
է, եւ մահացուցիչ գործողին, բայց որք յաւուրս
պահոց գործեն՝ կրկնակի մեղանչեն . զի նախ զան-
ձինս ապականեն, եւ երկրորդ զաստուածային
եւ զհայրապետական պահս լուծանեն . վասն որոյ
զաւուրս պահոց ըստ ամենայնի սրբութեամբ պա-
հելի է առանց մեղաց, որպէս զի պահքն կատա-
րեալ եղիցին . եթէ ոչ՝ չարագործութեամբ հանդերձ
իկերակրոց միայն պահելն ոչ է ընդունելի առաջի

Մատ. Դ, 2.

Աստուծոյ . եւ այնպիսեաց պահեցողորիւնն նման է
պահեցողութեան սատանայի . զի եւ սատանայն միշտ
պահէ եւ ոչ ուտէ ամենեւին զմիս եւ զիւղ , եւ ծոմ
է , բայց ամենայն ջարագործութեամբ լի է . ուրեմն
այնպիսի պահող քրիստոնեայն նման է սատանայի :
Զինչ օգուտ իցէ զմիս ոչխարաց ոչ ուտել , եւ ըզ-
մարմին մարդոյ ծամել . զինի ոչ ըմպել , եւ զա-
Եսա ԽԸ , 6 . ընն մարդոյ ծծել . առ որս ասէ Եսայի . „Ոչ զայն-
պիսի պահս ընտրեցի ասէ Տէր , այլ լոյծ զկնճիուն
անիրաւութեան , քակեան զխարդախութիւն վաճառաց
քոց , արձակեան զնեղեալս բողոքեամբ , եւ զամե-
նայն մտերհակս անիրաւութեան պատառեան“ :

Եւ ոչ վասն ազահութեան կամ կեղծաւորութեան
պահել . այսպիսի պահքն եւս անհաճոյ են Աստու-
ծոյ : Ազահն պահէ , զի խնայէ յոսկին եւ յարծաքն .
կեղծաւորն պահէ , զի այլք զովեսցեն զինքն : Այլ
պահքն կատարեալ պարտի լինել , եւ սրբութեամբ
պարտին պահել պահողքն՝ իմեղաց եւ իկերակրոց
միանգամայն հեռանալով յաւուրս պահոց , զի կա-
տարեալ պահեցողք անոռանեսցին եւ վարձատրու-
թեամբ պսակեսցին . որպէս առաջինքն պահեցին
մաքրութեամբ , եւ վարձատրեցան անճառելի բա-
րութեամբ : Ենովք եւ Եղիա պահեցին սրբութեամբ ,
եւ յերկինս փոխեցան : Երեք մանկուսնքն Բարիլոնի
պահեցին , եւ իհնոցեն Նարուզողոնոսորայ փրկե-
ցան : Նինուեացիք պահեցին , եւ յաստուածային

ցասմանե ազատեցան : Սուրբն Գրիգոր Լուսավորիչն
մեր պահեաց զամս հնգետասան իխոր վիրապին,
եւ եկեաց , եւ ազատեաց զազգ մի ողջոյն իկու-
պաշտութենէ : Սոյնպէս եւ այլ բազում սուրբք եւ
ճգնաւորք պահեցին սրբութեամբ , եւ վարձատրեցան
ողորմութեամբն Աստուծոյ : Վասն որոյ զպահսն
սրբութեամբ պահել ' ընդունելի է առաջի Աստու-
ծոյ , եւ հալածե զդեռս , եւ մերժե զամենայն մարմ-
նական ցանկութիւնս : Որպէս ձուկն մեռանի ' յոր-
ժամ իջրոյ իցամաք ելանէ , այսպէս սատանայն հա-
լածի յորժամ քրիստոնեայք սրբութեամբ պահեն ըզ-
պահս , որպէս աւետարանիչն Մատթեոս վկայէ .
,,Յորժամ այսն ելանէ իմարդոյ ' շրջի ընդ անջրը- Մատ. ԺԲ, 43,
ղին տեղիս , եւ ոչ զտանէ զհանգիստ" : Որպէս
հուրն շիջանի ' յորժամ նիւթն պակասի , այսպէս եւ
մարմնական ցանկութիւնն մերժի ' յորժամ պահքն
սրբութեամբ լինի . վասն որոյ պարտի ամենայն ոք
ըստ աստուածային օրինաց եւ համաձայն կանոնաց
սրբոց Հայրապետաց յամենայն առուրս պահոց հե-
ռանալ յարգելեալ կերակրոց եւ իմահոհափ մեղաց .
եւ ոչ թէ միայն յառուրս պահոց , այլ եւ յամենայն
առուրս սրբութեամբ պահել զմարմինս իւրեանց ,
որպէս առաքեալն Պօղոս պատուիրէ . „Աղաչեմ ըզ- Հրովմ. ԺԲ, 4
ձեզ , եղբարք , պատրաստել զմարմինս ձեր պատա-
րագ կենդանի սուրբ հաճոյ Աստուծոյ“ :

ԳԼՈՒԽ ԺԵ.

ՅԱՂԱԳՍ ՈՂՈՐՄՈՒԹԵԱՆ.

Որպէս աղօթքն եւ պահք հոգւոյ եւ մարմնոյ
են նուերք առ Աստուած, այսպէս եւ ողորմութիւնն
նուեր է յընչից. որ թեպէտ աղքատաց բաշխի, սա-
կայն առ Աստուած վերաբերի. զի Քրիստոս յաւուրն
դատաստանի ինքեան ունի համարել զայն՝ ասելով.
«Որովհետեւ արարիք միում յեղբարցս այսոցիկ
փոքրկանց, ինձ արարիք» : Ողորմութիւնն զյուսիս
է ամենայն առաքինութեանց, զի անկորուստ պահե-
զամենայն բարեգործութիւնս, որպէս իւղն զյապ-
տերն վառ եւ լուսաւոր պահե : Առանց ողորմու-
թեան ամենայն բարեգործութիւնք իկորուստ մատ-
նին, որպէս առանց իւղոյ լապտերն խաւարի եւ
անլոյս մնայ : Վասն որոյ հարկ է քրիստոնէից ընդ
այլ առաքինութեանցն առնել եւ զողորմութիւն, զի
կատարեալ բարեպաշտ անուանիցին եւ ժառանգորդք
արքայութեան Աստուծոյ լինիցին. որպէս իմաստուն
կուսանքն՝ որք ընդ լապտերս իւրեանց առին
եւ իւղ, եւ Քրիստոսի տեսութեան եւ երկնից ար-
քայութեան արժանացան : Իսկ յիմար կուսանքն ոչ

Մատ. ԻԵ, 40.

առին ինչ ընդ լապտերս իւրեանց, վասն այն եւ լապտերքն նոցա խաւարեցան, եւ ինքեանք իտեսութենէն Քրիստոսի զրկեցան եւ յարքայութենէն երկնից մերժեցան :

Քրիստոնեայ ոք եթէ ամենայն առաքինութեամբ կատարեալ իցէ, կուսութեամբ, ջարջարանօք, աղօթիւք, պահօք, եւ ողորմութիւն ոչ ունիցի, ոչ եւնա կատարեալ առաքինի. որպէս յիմար կուսանքն որք ամենայն բարեգործութեամբ եւ կուսութեամբ կատարեալ էին, եւ միայն զինչ լապտերաց ոչ ունէին, այլ առաքինութիւնքն եւս իկորուստ գնացին, եւ ինքեանք յաստուածային տեսութենէն զրկեցան : Այսպէս երիտասարդն այն մեծատուն որ զամենայն օրէնս Աստուծոյ իմանկութենէ պահելով՝ լի էր ամենայն բարեգործութեամբք, եւ յորժամ Քրիստոս ասաց՝ „Ե՛րբ վաճառեան զամենայն զոր ինչ ունիս եւ տո՛ւր աղքատաց“, նա խոժոռեալ գնաց եւ ոչ հաճեցաւ առնել ողորմութիւն. վասն որոյ անկատար մնաց ըստ յիմար կուսանացն եւ զրկեցաւ իշնորհացն Քրիստոսի եւ յարքայութենէն նորա :

Մատ. ԺԲ, 21.

Ողորմութիւնն այնքան գերազանց առաքինութիւն է, զի զմարդն հաւասար առնէ Աստուծոյ. զի թէ զայլ առաքինութիւնս գործէ մարդ, ոչ կարէ հաւասար Աստուծոյ լինել. թէ պահս պահիցէ, թէ աղօթիցէ եւ թէ որպիսի եւ իցէ բարիս առնիցէ. բայց որ ողորմութիւն առնիցէ, Աստուծոյ նմանակից լի-

- Ղուկ. 2, 35. նի, ըստ այնմ որ ասի յաւետարանին. „Տո՛ւք փոխ այնմ՝ ուստի ոչ ակն ունիցիք առնուլ. եւ եղիցին վարձք ձեր բազում, եւ եղիջիք որդիք Բարձրելոյն: Եղերո՛ւք գթածք, որպէս եւ Հայրն ձեր երկնաւոր գթած է՛: Քանզի ողորմութիւնն յառաջ է քան զամենայն բարեգործութիւնս. եւ յառուրն դատաստանի Քրիստոս զայլ առաքինութիւնս ոչ յիշատակէ, այլ զվեցեակ ողորմութիւնս միայն յիշէ, զամենայն ինքեան համարելով. զի ասէ. „Քաղցեայ՝ եւ ետուք ինձ ուտել. ծարաւեցի՝ եւ արբուցիք ինձ. օտար էի՝ եւ ժողովեցիք զիս. մերկ էի՝ եւ զգեցուցիք զիս. հիւանդ էի՝ եւ տեսիք զիս. իբանտի էի եւ եկիք առ իս՛:“
- Մատ. ԻԵ, 35.

Եւ առ հասարակ պարտ է առնել ողորմութիւն ամենեցուն որք պատկեր են Աստուծոյ, առանց ընտրելոյ ընդ արդարս եւ ընդ մեղաւորս, ընդ հաւատացեալս եւ ընդ անհաւատս. որպէս Աբրահամ հեթանոսաց եւ Քանանացւոց առնէր ողորմութիւն, զի յայնժամ ոչ զոյր աստուածապաշտ բազում, բայց Աստուած իփառս իւր համարէր զողորմութիւնս նորա: Նոյնպէս եւ Ղովտ Սողոմացւոց եւ Գոմորացւոցն ողորմէր. ըստ որում վասն սիրոյն Աստուծոյ առնէր, եւ ոչ վասն սիրոյ հեթանոսաց: Այսպէս ամենայն քրիստոնեայք պարտին վասն սիրոյն Աստուծոյ առ հասարակ ամենայն աղքատաց առնել ողորմութիւն, առաւել եւս քրիստոնեայ աղքատաց,

ըստ որում Քրիստոսի արեամբ գնեալ ծառայք են ,
եւ ըստ հոգւոյ եղբարք հարազատք . մանաւանդ զի
եւ աղքատութեամբն պատկեր են Քրիստոսի . զի
Քրիստոս եկն յաշխարհ իբրեւ զօտարական եւ ըզ-
պանդուխտ , եւ նա որ մեծատունն էր եւ տէր ա-
մենայն արարածոց , եւ հանգիստ աշխատելոց ,
քաղցեալ , ծարաւեալ եւ վաստակեալ նստէր իճա-
նապարհին , եւ իբրեւ զաղքատ եւ զտնանկ շրջէր ,
եւ երանէր զաղքատսն ասելով , ,Երանի աղքատաց Մատ . Ե , 3 .
հոգւով , զի նոցա է արքայութիւնն երկնից“ :

Աղքատ կոչի Քրիստոս Տէրն մեր , զի վասն մեր
աղքատացաւ , եւ մեզ մարմնակից եղբայր կոչե-
ցաւ . եւ աղքատք իդեմս Քրիստոսի շրջին եւ խըն-
դրեն զողորմութիւն . եւ որ ոք առնէ նոցա ողորմու-
թիւն՝ պատուէ զՔրիստոս եւ սիրէ զնա . եւ որք ոչ
առնեն , ոչ պատուեն զՔրիստոս , այլ արհամարհեն
եւ անարգեն զնա , զի պատիւ եւ անարգանք աղ-
քատին առ Քրիստոս վերաբերին : Ապա աղքատքն ,
ծերք եւ տկարք , կաղք եւ կոյրք , որք ոչ կարեն
շրջել , ոչ տեսանել եւ ոչ ողորմութիւն խնդրել , ո-
րոց առաւել հարկաւոր է տալ , եւս եւ օտարաց եւ
պանդխտականաց , որք աղքատք են , անձանօքք եւ
տնանկք , պարտ է սիրով եւ ընդունելութեամբ ո-
ղորմել , եւ ոչ չտալ եւ անարգել ասելով թէ , ,Գնա՛
գործեա՛“ : Ոչ է պարտ քննել , ունի՞ թէ ոչ . զի Աս-
տուած առ հասարակ ողորմած է , եւ ծագէ զարեգակն

իվերայ ջարաց եւ բարեաց, եւ ամէ անձրեւ իվերայ
Մատ. Ե, 45. արդարոց եւ մեղաւորաց : Եւ միշտ պարտ է առնել
ողորմութիւն այնպէս, զի եթէ աղքատ քրիստո-
նեայ ոք կամ հեթանոս եւս ոչ գտանիցի, եւ իջուր
արկանիցես զողորմութիւն, ոչ կորիցէ, որպէս Սո-
ժողով. ԺԱ, 1. զոմոն պատուիրէ . „Առաքեան զհաց քո իվերայ ջրոյ,
զի իժամանակին գտցես զնա“ : Այսինքն եթէ աղ-
քատ ոչ պատահեսցի, ձկանց տո՛ւր, ասէ, զհաց քո,
զի եւ նոքա Աստուծոյ ստեղծուածք են, կամ բռնոց
երկնից եւ կենդանեաց երկրի տո՛ւր, եւ մի զրկիր
յողորմութենէ : Արդ եթէ իջուրն ոչ կորնչի ողոր-
մութիւն մեր, ապա ո՞րքան առաւել զովելի է աղ-
քատաց բաշխել, եւ ջքաւորաց խնամ տանել, որք
են բանաւոր արարածք եւ պատկեր Աստուծոյ :

Ամենայն քրիստոնեայ որ առնէ ողորմութիւն,
զգանձս իւր յերկրէ յերկինս յաստուածային գանձա-
րանն շտեմարանէ, ուր մնայ անկորուստ եւ անա-
պական . ոչ զողն տանի եւ ոչ ցեցն ուտէ . որպէս
Մատ. 2, 20. Քրիստոս ինքն հրամայեաց . „Գանձեցէք ձեզ գանձս
յերկինս, ուր ոչ զող մերձենայ, եւ ոչ ցեց ապա-
կանէ“ . զի այնու տուն յաւիտենական շինի յեր-
կինս ճարտարապետութեամբն Աստուծոյ . որպէս եւ
Առակ. ԻԴ, 27. Սողոմոն պատուիրէ . „Պատրաստեալ յելս զգնացս
քո, եւ շինեալ քեզ տուն վերստին“ , կամ կրկին .
ըստ որում մեք կրկին եմք, մարմին եւ հոգի, նոյն-
պէս եւ մերս կեանք կրկին է . աստ զժամանակաւոր

տուն շինեցաք ըստ մարմնոյ, անդ գմշտնջենաւորն
պարտիմք շինել ըստ հոգւոյ. զի այս աշխարհս օ-
տար երկիր է, եւ մեք պանդոսիտք իսմա. զայն-
մանէ պարտիմք հոգալ՝ ուր գնալոց եմք. եւ որով-
հետեւ մկրտութեամբ սուրբ աւագանին շինեալ
տունն մեր քակեցաւ մահացու մեղօք, պարտիմք
ողորմութեամբ վերստին շինել: Որպէս մարմնական
տունն մարմնական նիւթով շինի յերկրի, նոյնպէս
եւ հոգեւոր տունն հոգեւոր նիւթով, այսինքն քա-
րեզործութեամբ եւ ողորմութեամբ շինի յերկինս:
Եւ զոր օրինակ գմարմնական տունն շինէ տանու-
տերն, ճարտարապետն եւ մշակն, զի տանուտերն
զվարձն հատուցանէ, մշակն զնիւրն ժողովէ, եւ
ճարտարապետն շինէ, նոյնպէս եւ վասն հոգեւոր
տան շինութեան յերկինս՝ տանուտերն ողորմութիւն
տայ, աղքատն շտեմարանէ զնիւրն, եւ ճարտարա-
պետն Աստուած՝ շինէ: Եւ դու երէ ոչ ես կարող
ընչիւք ողորմել աղքատաց, ջուր տալ կարող ես,
եւ այն եւս անկորուստ է, ըստ աւետարանական
վկայութեան. „եւ որ արբուսցէ բաժակ մի ջուր Մատ. Ժ, 42,
ցուրտ միայն՝ յանուն աշակերտի, ամեն ասեմ ձեզ,
ոչ կորուսցէ զվարձս իւր“: Կամ իտեա հիւանդին
կարես երբալ, իտունդ կարես բերել խրատել, եւ
կամ քարոզել զբարիս, զի այսօրիկ եւս հոգեւոր ո-
ղորմութիւնք են:

Ոչ է պարտ ողորմաձաց հոգալ եւ ասել, թէ ի

տալն իւրեանց գողորմութիւն՝ պակասեցան յընչից
կամ իղբամոց . զի զփոխարենն յԱստուծոյ ունին
առնուլ բազմապատիկ արդիւնաւորութեամբք ըստ
հոգւոյ եւ ըստ մարմնոյ : Եւ զի թեպէտ աստ ծա-
խեմք զինչս ողորմութեամբ , սակայն անդ յերկինս
մեծաւ արդիւնաւորութեամբ ունիմք հնձել . որպէս
հողագործն յաւուրս գարնան թեպէտ ծախե զցո-
րեանն՝ սերմանելով իհող , սակայն յաւուրս աշնան
բազմապատիկ արդիւնաւորութեամբ հնձէ :

Մատ . 2, 1.

Եւ ողորմութեանն իծածուկ լինելն է ընդունելի ,
որպէս աւետարանն պատուիրէ . „Զգոյշ լերուք ո-
ղորմութեան ձերում՝ մի՛ առնել առաջի մարդկան ,
որպէս թէ իցոյց ինչ նոցա“ : Տորեանքն սերմանին .
Եթէ ոչ պահպանեսցին ընդ հողով , թռչունք երկնից
յափշտակեն . այսպէս եւ ողորմութիւնն եթէ իցոյցս
մարդկան լինիցի , սատանայ յափշտակէ զայն :

Բ Կորնթ . Թ, 7.

Այլ եւ զուարթ եւ ուրախ սրտիւ պարտ է առ-
նել գողորմութիւն . ըստ այնմ , „Զտուրս զուարթա-
ռատս սիրէ Աստուած“ : Այն ողորմութիւն ոչ է ըն-
դունելի , որ ձեռամբ տայ եւ մտօք ստրջանայ . զի
ողորմութիւնն բարձր իզլուխ պարծի առ դատաս-
տանաւ՝ յորժամ միտք տուողին զուարթ է եւ սուրբ
ընդ ձեռացն :

Եւ ոչ է պարտ քրիստոնէից անգութ լինել . զի
եթէ ինքեանք փակիցեն զգութս իւրեանց , եւ ոչ
լուիցեն զաղաչանս աղքատաց , Աստուծոյ զութն եւս

ԳԼՈՒԽ ԺԶ.

ՅԱՂԱԳՍ ԽՈՍՏՈՎԱՆՈՒԹԵԱՆ.

Խոստովանութիւնն է՝ զգործեցեալ մեղսն՝ զնե-
րելին եւ զմահացուն յայտնել առանց թագուցանե-
լոյ, նախ՝ Աստուծոյ մտաւորապէս, եւ երկրորդ
քահանային՝ բանիւ : Մտաւորապէսն այն է՝ զի միշտ
եւ հանապազ պարտական է մարդ յամենայն աղօթս
տարածել զմեղս իւր առաջի Աստուծոյ, եւ ըստ հա-
ռաջանաց մաքսաւորին արտասուօք եւ զղջմամբ
սրտի խնդրել զքաւութիւն մեղաց, ասելով. «Աս-
տուած, քաւեան զիս զմեղաւորս» : Բանիւն այն է՝
զի զմեղս զորս գործեաց մարդ բանիւ կամ գործով
կամ մտածութեամբ ընդդէմ Աստուծոյ, պարտա-
կան է երբայ առ քահանայն եւ խոստովանել առաջի
նորա բանիւ բերանոյ՝ զղջմամբ սրտի . զի փոխա-
նորդ է նա Բրիստոսի եւ քաւիչ մեղաց, եւ ունի իշ-
խանութիւն քրիստոսական եւ առաքելական՝ կա-
պելոյ եւ արձակելոյ : Զի որպէս Բրիստոս քաւիչ է
ամենայն մեղաց, այսպէս քահանայն քաւիչ է մե-
ղաց եւ միջնորդ հաշտութեան իմեջ Աստուծոյ եւ
մարդկան . քաւե զամենայն մեղս խոստովանողաց,
եւ հաշտեցուցանէ զԱստուած ընդ նոսա : Վասն ո-
րոյ ամենայն քրիստոնեայք յորժամ անկանին իմե-
ղս չարութեամբ սատանայի եւ թուլութեամբ իւ-

Ղուկ. ԺԸ, 13,

րեանց, սլարտին իսկոյն ղիմել ատ. քահանայն, եւ խոստովանութեամբ ընդունել ինմանե զդեղ հոգեւոր առողջութեան, զի բժշկեսցին իհոգեւոր հիւանդութենե իւրեանց. քանզի մեղաւորն ցորչափ իմեղս է' հիւանդացեալ գտանի հոգեով. եւ որպէս մարմնաւոր հիւանդն փոյթ ունի ցուցանել զանձն իւր բժրշկաց, այսպէս եւ մեղաւորն' որ հոգեւոր հիւանդ է' սլարտի ցուցանել զանձն իւր քահանային, որպէս սլատուիրէ անտարանիչն Ղուկաս. „Երբայք ցուցեք զանձինս ձեր քահանայից“. եւ որպէս ղեղն ըզցան բառնայ, եւ զհիւանդութիւն մարմնոյ բժշկէ, այսպէս խոստովանութիւնն զմեղս բառնայ եւ զհիւանդութիւնս հոգեոյ բժշկէ, ըստ այնմ թէ „Ո քահագմեղս քո, բժշկէ զամենայն հիւանդութիւնս քո“ :

Եւ խոստովանութիւնն թէ խոնարհութեամբ լինիցի' գովելի է. եւ սլարտի խոստովանողն տկար եւ հիւանդ եւ ըստ ամենայնի ողորմելի խոստովանել զանձրն. մանաւանդ հնազանդ լինել կամաց խոստովանահօրն, եւ զոր ինչ ապաշխարանս ղնիցէ' խոնարհութեամբ յանձն առնուլ եւ կատարել. որպէս խոհական հիւանդն հնազանդութեամբ ընդունի ըզդեղն տուեալ իբժշկէն, թէ դառն իցէ եւ թէ քաղցր, վասն յուսոյ առողջութեան, այսպէս ամենայն խոստովանող սլարտական է հնազանդութեամբ ընդունել զամենայն ապաշխարութիւն եղեալ իխոստովանահօրէն, եւ կատարել ուրախութեամբ հոգեոյ, թէ ծանր

իցէ եւ թէ թեթեւ, վասն յուսոյ յաւիտենական կե-
նաց: Եւ ոչ ասել սուտ իխոստովանութեան. զի խոս-
տովանութիւն առաջի քահանային՝ իբրեւ առաջի
Աստուծոյ համարի. վասն որոյ ծանր եւ մեծ մեղք
է ստել առաջի Աստուծոյ. զի յաւիտենական կորըս-
տեամբ պատժի ստախօսն յԱստուծոյ. որպէս ասէ
Պաւլոս. «Ատեցեր զայնոսիկ ոչք գործեն զանօրէնու-
թիւն. կորուսանես զամենեսեան ոչք խօսին զսուտ»:

Սաղմ. Ե, 7.

Եւ ոչ գոյ այնպիսի մեղք որ զմարդն կորուսա-
նէ՝ եթէ ճշմարտութեամբ խոստովանի. այլ վասն
սուտ ասելոյն իխոստովանութեան կորնչի մարդ.
զի յորժամ ծանր մեղս է գործեալ, եւ ուրանայ ա-
ռաջի խոստովանահօրն՝ ասելով, ես անպարտ եմ,
խոստովանութիւնն լինի ոչինչ բոլորովին, մանա-
կանդ թէ սրբապղծութիւն, զի ստութեամբն իւրով
պղծէ զխոստովանութիւնն սուրբ:

Եւ միայն զմեղս անձին խոստովանել պարտ է,
եւ ոչ զայլոցն. չէ պարտ կնոջ զառնէ իւրմէ զան-
գատել, եւ ոչ առն զկնոջէն. այլ միայն զինքենէ
պարտի զանգատել, եւ զբողութիւն մեղաց իւրոց
խնդրել, եւ ոչ զանուն մեղսակցին յիշել իխոս-
տովանութեան: Այլ զպարագայս մեղաց յայտնելն
գովելի է. զոր օրինակ գողութիւնն մահացու մեղք
է, այլ ունի բազում յատկութիւնս. ուստի է գողա-
ցեալ, յեկեղեցւոյ թէ իմարդկանէ. զի յեկեղեցւոյ
գողութիւնն ծանրագոյն է. յորո՞ւմ աւուր է գողա-

ցեալ , յառուրս պահոց եւ սօնից թէ իհասարակ առուրս . շատ ե գողացեալ թէ սակաւ . բազում անգամ ե արարեալ ' թէ սակաւ . եւ զայլ ամենայն մեղսն պարագայիւքն իւրեանց պարտի խոստովանել , որք են օրն եւ ժամանակն , ծանրութիւնն եւ թեթեւութիւնն . զի եւ խոստովանահայրն ծանօթացեալ որպիսութեան յանցանացն , ըստ այնմ դիցե զպաշխարութիւնն :

Այլ եւ խոստովութեամբ ընդ ումեք ոչ ե պարտ խոստովանել . զի անհաշտն ընդ ընկերին ' ոչ կարե իխոստովանելն արձակիլ իքահանայէն . զի քահանայն եւս ոչ ունի իշխանութիւն ' զանհաշտն եւ զխակայն արձակել , մինչեւ ոչ հաշտեսցի ընդ ընկերին . որովհետեւ Քրիստոս իւրով բանիւն կնքեաց ասելով , „Եթէ ոչ թողուցուք մարդկան զյանցանս նոցա , եւ ոչ Հայրն ձեր երկնաւոր թողցե ձեզ զյանցանս ձեր“ :

Մատ. 2, 13.

Եւ ոչ վասն երկիւղի եւ ամօրոյ թագուցանել ի քահանայէն զծանրութիւն մեղաց , այլ կատարեալ եւ ըստ ամենայնի աներկբայութեամբ խոստովանել . զի քահանայն ոչ ունի հրաման յայտնել զմեղս խոստովանորդւոյն ումեք , թէ եւ մասն մասն արասցեն զինքն . զի նա ոչ գիտե զմեղս իբրեւ մարդ , այլ գիտե իբրեւ երեսփոխան Աստուծոյ . եւ մեղաւորն ոչ խոստովանի քահանային իբրեւ մարդոյ , այլ իբրեւ փոխանորդի Աստուծոյ :

Իսկ յետ խոստովանութեանն պարտի մեղաւորն ջանալ ոչ եւս կրկնել զմեղսն զորս ջնջեաց քահանայն . զի եթէ խոստովանորդին ունիցի կամս կրկին անկանելոյ իմեղս, այնպիսի խոստովանութիւնն ոչ է ընդունելի . վասն զի արմատ չարութեանն եւ մեղացն մընայ իսրտին . քանզի փուշն զոր կորզելով աշխատին քարշել, եւ ոչ զարմատս նորա խլելով, կրկին բուսանի, զի արմատն մնայ իհողն : Այսպէս եւ մարդ եթէ խոստովանի զմեղս, եւ զարմատ մեղացն ունի իսրտին, յայնմ չար արմատոյ այլ եւս բազում մեղք ծնանին : Եւ յայտ իսկ է զի գտանին այնպիսի մեղաւորք՝ որք յաւուրս ապաշխարութեան կամ մեծի պահոց խոստովանին, եւ յետ պահոցն կրկին իմեղս դառնան չարագործութեամբ :

Եւ ոչ ասեմ թէ յետ խոստովանութեան մեղանջողացն ոչ գոյ բողութիւն . զի մարդ հողածին ոչ կարէ կալ մնայ յանմեղութեան վիճակի . զի զիտութեամբ կամ անզիտութեամբ անկանի յորպիսի եւ իցէ մեղս . բայց կրկնակի խոստովանութիւնն ջնջէ զայնս . ըստ որում քրիստոսական ներողութիւնն մինչեւ ցնօթանասնեկի եօթն բողոս . միայն թէ չարութեան կամ մեղաց խորհրդով ոչ խոստովանել . զի այնու յայտ լիցի թէ ուխտ ունի յետ խոստովանութեանն նորոգել զմեղս :

Այլ եւ բոլորով սրտիւ պարտ է խոստովանել,

Սաղմ. ճԼԵ, 1. որպէս մարգարէն ասէ . „Խոստովան եղեց քեզ Տէր

բոլորով սրտիս իմով՝ : Զի ոչ է օրէն զկես մեղացն
ասել եւ զկեսն ծածկել , կամ զբոլորն ասել եւ զմին
բազուցանել . այսպիսի խոստովանութիւն անկատար
է , զի ոչ կարէ խոստովանողն կատարեալ բողո-
քեան արժանանալ . թեւ սուտ խոստովանութեամբն
արձակեալ լինի իքահանայէն , բայց ոչ արձակի
յՅատուծոյ : Որպէս նաևն որ իծովուս՝ ունիցի ծակս
հարիւր , եթէ զիննսուն եւ զինն փակեն , եւ զմինն
բաց բողոքն , ընդ այն մտանէ ջուր եւ ընկղմէ ըզ-
նաևն ամբողջ . կամ մարդ որ վիրաւորեալ իցէ տասն
խոցով , եթէ զինն առողջացուցանել տայցէ եւ զմին
ոչ , այն ջարջարէ եւ մահացուցանէ զնա : Այլ եւ
բարի է՝ եթէ խոցն մարմնոյն արտաքոյ իցէ . զի ե-
թէ իներքս իցէ , անբժշկելի մնայ եւ սպանանէ ըզ-
մարդն : Այսպէս վերք մահուչափ մեղաց յորժամ
յայտնին խոստովանութեամբ , փութով բժշկին . իսկ
յորժամ բազուցանին իներքս իսրտի , եւ ոչ յայտ-
նին խոստովանութեամբ , մեռուցանեն հոգւով : Եւ
պարտ է մեղաւորին ստեալ խոստովանիլ եւ ոչ յա-
մենալ իմեղս . որպէս իտուն ուրեք եթէ հուր ան-
կանիցի , տանուտերն պարտի վաղվաղակի շիջու-
ցանել զնա ջրով : Այսպէս ամենայն մահացու մեղք
հուր է դժոխային՝ որ այրէ զհոգիս մեղանչողաց .
պարտ է փութով շիջուցանել զայն ջրով արտասուաց
եւ խոստովանութեան , զի մի իյաւիտենական ան-
շիջանելի հուրն փոխեսցի :

Ամենայն ոք որ գտանիցի իմահուհափ մեղս՝ ե
իբերան սատանայի, եւ որք ծուլանան եւ ոչ դի-
մեն իխոստովանութիւն՝ ոչ կարեն ազատիլ անտի:
Այնպիսիքն յիմար են քան գանաստանս. զի նոքա
յորժամ անկանին իբերանս զիշատիչ գազանաց,
զաղաղակ բառնան, եւ հնարս փրկութեան անձանց
իւրեանց խնդրեն. իսկ անզեղջ մեղաւորք զամս բա-
զումս արգելեալ լինին իբերան սատանայի, եւ ոչ
րնաւ աղաղակեն եւ ոչ հնարս ազատութեան խըն-
դրեն իձեռն խոստովանութեան եւ ապաշխարութեան:
Իվերայ այնպիսեացն բարկանայ Աստուած, եւ սպա-
նանե նետիւ եւ աղեղամբ, որպէս ասե Դաւիթ.
Սաղմ. Է, 13. „Զսուր իւր սրեալ ե, եւ զաղեղն իւր լարեալ“:
Այլ պարտին մեղաւորք դառնալ իմեղաց, զի մի ի
վրեժխնդրութիւն բարկութեանն Աստուծոյ անկցին,
եւ փոյթ ունել հաշտիլ ընդ նմա խոստովանութեամբ
առաջի քահանային: Քանզի բազում մեղաւորք խոս-
տովանութեամբ ազատեցան եւ հաշտեցան ընդ Աս-
տուծոյ: Մարգարէն Դաւիթ խոստովանեցաւ զմեղս
իւր, եւ բողոքեան արժանացաւ: Մանասէ բազա-
ւոր խոստովանեցաւ արտասուօք, եւ արդարացաւ
իմեղաց: Նինուեացիքն խոստովանեցան եւ ապաշ-
խարեցին զմեղս, եւ իկորժանմանե ազատեցան: Կինն
պոռնիկ իտան Սիմոնի խոստովան եղեւ զմեղս իւր
առաջի Քրիստոսի, եւ ընկալաւ զբողոքութիւն մե-
ղացն. զի ասաց Քրիստոս „Թողեալ լիցին քեզ

մեղք քո“ : Եւ այլ բազում մաքսաւորք եւ մեղա-
ւորք խոստովանութեամբ արձակեցան իկապանաց
մեղսցն եւ արդարացան հոգեով :

Իսկ որք ոչ ունիցին փոյր խոստովանելոյ զմեղս
իւրեանց՝ ոչ կարեն ամենեւին արձակիլ եւ աստուա-
ծային ներողութեան եւ շնորհաց արժանի լինել ,
այլ ջարաջար պատուհասիւ յանդիմանին յԱստու-
ծոյ , եւ իկորուստն յաւիտենական մատնին . որպէս
բազումք իմեղաւորաց ոչ խոստովանեցան , եւ զըր-
կեցան իշնորհացն Աստուծոյ , եւ յաններելի դատա-
պարտութիւն մատնեցան մշտնջենաւորապէս : Կայկն
զեղբայրն իւր զԱրեւ սպան . ոչ խոստովանեցաւ ա-
ռաջի Աստուծոյ , եւ պատժեցաւ : Յաւուրս ջրհեղե-
ղին որք ոչ հաւատացին քարոզութեան Նոյի , եւ ոչ
խոստովանեցան զմեղս իւրեանց , պատուհասեցան :
Սողոմայեցիք ոչ խոստովանեցան զմեծամեծ յան-
ցանս իւրեանց , եւ հրով Տեառն այրեցան : Յուդա
Իսկարիովտացին ոչ խոստովանեցաւ զմատնութիւն
իւր եւ զմեղս աստուածասպանութեանն , եւ ինքնա-
խեղդ մահուամբ սատակեցաւ :

Ապա ուրեմն ամենայն քրիստոնեայք պարտին
խոստովանել զմեղս իւրեանց առաջի քահանային
ճշմարտութեամբ եւ կատարեալ հաւատով , եւ արձա-
կելովն աստ ի քահանայէն՝ արձակին եւ յերկինս ի
Քրիստոսէ Աստուծոյ մերմէ :

ԳԼՈՒԽ ԺԷ.

ՅԱՂԱԳՍ ԱՊԱՇԽԱՐՈՒԹԵԱՆ.

Ապաշխարութիւնն երկրորդ աւագանն է ամենայն քրիստոնէից . զի որպէս աւագանն մկրտութեան իՔրիստոսէ կանգնեցաւ առ իմաքրել զերախայն իսկզբնական մեղաց , այսպէս եւ աւագանն ապաշխարութեան կանգնեցաւ ինմանէ՛ առ իսրբել զմարդ իներգործական մեղաց . զի դեռ ներգործական մեղաց ապաշխարութիւնն է , որով կարեն ամենայն մեղաւորք սրբիլ եւ արդարանալ իմեղաց , եւ ընդունել զբժշկութիւն հոգւոյ իւրեանց . ըստ որում ապաշխարութիւնն ստգտանք է գործելոց չարեաց , եւ ուիտ առ Աստուած՝ չգործել միւսանգամ զանցեալ չարութիւնսն : Եւ կատարի այս պահովք եւ աղօթիւք . զի որպէս մկրտութիւնն իձեռն ջրոյ եւ սրբարար մեռոնի կատարեալ լինի , այսպէս եւ ապաշխարութիւն իձեռն պահոց եւ աղօթից :

Թեպէտ եւ աւագանն ապաշխարութեան իՔրիստոսէ էր , այլ իձեռն Յովհաննու Մկրտչի կանգնե-

ցաւ . քանզի Յովհաննէս յառաջընթացութեամբ եղեալ
երկարապետ եւ քարոզիչ աստուածային օրինաց .
վասն որոյ իլինելն Յիսուսի ինազարեթ' իբրեւ եհաս
ժամանակ գալոյն իՅորդանան , եւ մերձ եր իւրու-
մըն երեսներորդ ամի հասակին , քարոզեր ժողովըր-
դեան յանապատին Հրեաստանի ասելով . „Ապաշ-
խարեցեք , զի մերձեալ է արքայութիւնն երկնից“ .
այսինքն թողեք զջարութիւն , սրբեցեք եւ մաքրե-
ցեք զձեզ իմեղաց , իբաց մերժեցեք զամենայն ըզ-
հաճոյս մարմնոյ եւ աշխարհի , որք ունայն եւ ան-
ցաւոր են . զի արքայութիւնն զոր կորոյս Աղամ
ահա մերձեալ է , եւ Փրկիչն մեր գալ եւ կրկին կազ-
մէ զայն , եւ զամենայն հաւատացեալս իւր ժողովե
անդր , եւ անճառելի յախտենական բարութեամբ
վարձատրէ : Յայնժամ ժողովուրդք բազումք լերու-
սաղեմացւոց անտի հնազանդեին քարոզութեան Յով-
հաննոս , զի գային առ նա եւ մկրտեին ինմանէ , եւ
խոստովան լինեին զմեղս իւրեանց : Այսպէս ամե-
նայն քրիստոնեայք պարտական են ուսանել զկարգ
ապաշխարութեան իսուրբ աւետարանէն Քրիստոսի,
եւ իքարոզութենէն Յովհաննոս Մկրտչի , եւ ապաշ-
խարել զամենայն մեղս արտասուօք եւ զոջմամբ սրբ-
տի' առ իսրբիլ եւ արդարանալ իմեղաց , ուխտել եւ
այլ եւս չգործել զջարիս' ատելով զամենայն մեղս
անօրէնութեան . ըստ բանին Դաւթի թէ „Զմեղս ա-
տեցի եւ անարգեցի , եւ զօրէնս քո սիրեցի“ :

Մատ. Գ, Զ.

Սաղմ. ԶԺԸ:

Ապաշխարութիւնն է իբրեւ գջերմ ջուր, եւ որպէս դեղ գօրաւոր. զի որպէս ջուրն զաղտեղութիւն հանդերձից լուանայ եւ մաքրէ, եւ որպէս դեղն ըզհիւանդութիւն մարդոյ բժշկէ, այսպէս ապաշխարութիւն զբազմութիւն աղտեղութեան մեղաց մարդկան սրբէ, եւ բժշկութիւն պարգեւէ հոգւոյ: Նինուեացիք իլսել քարոզութեան Յովնանու՝ ապաշխարեցին, եւ ապրեցան իյաւիտենական կործանմանէ: Աջակողմեան աւագակն, խաչակիցն Քրիստոսի, որ զամս բազումս մեղուցեալ էր աւագակութեամբ, միով բանիւ ապաշխարութեան զոր իխաչին աղաղակեաց առ Քրիստոս, „Յիշեան զիս Տէր յարքայութեան քում“, արդարացաւ, եւ հրաւիրեցաւ իՔրիստոսէ յանձառելի դրախտն երկնային: Առաքեալն Պետրոս, որ ուրացեալ էր զՏէրն երիցս անգամ, յապաշխարելն իւր իսկոյն արդարացաւ, եւ կրկին աշակերտեցաւ երկնաւոր Վարդապետին իւրում. եւ այլք բազումք ապաշխարութեամբ եւ զոջմամբ քաւեցին զմեղս իւրեանց եւ արժանացան ողորմութեանն Աստուծոյ եւ թողութեան:

Իսկ որք զկարգս քրիստոնէութեան արհամարհեն, եւ զաստուածային հրամանսն անարգեալ խոտեն, որպէս Սաղուկեցիքն եւ Փարիսեցիք, որք թեպէտ զնացին իմկրտութիւն Յովհաննոս, բայց ոչ կատարեալ հաւատով, եւ ոչ հաւատացին նոքա ինախախնամութիւնն Աստուծոյ, եւ ոչ իյարութիւն մեռելոց

եւ իհատուցումն արդարոց եւ մեղաւորաց,—այն-
 պիսիքն թիւր վարդապետութեամբ մուրեցան, եւ ոչ
 ապաշխարեցին ճշմարիտ եւ կատարեալ հաւատով .
 վասն որոյ եւ յանդիմանեաց զնոսա Յովհաննէս՝ ա-
 սելով . „Ծնունդք իժից, ո՞ր եցոյց ձեզ փախչել իբար-
 կութենէն որ գալոցն է“ . ցորքան ժամանակս, ա-
 սաց, կայք դուք յամառեալ իմեղս չարութեան, ոչ
 լուսաւորիք, եթէ ոչ բեւեռեալ ունիցիք իսրտի ձե-
 րում զահ դատաստանին եւ զերկիւղ գեհենոյն . այլ
 եթէ կամիք՝ արարեք այսուհետեւ զպտուղ արժանի
 ապաշխարութեան, այսինքն ողբացեք զանցեալ չա-
 րութիւնսդ, եւ մի ասիցեք յանձինս թէ ունիմք հայր
 զԱբրահամ . զի կարող է Աստուած իբարանցս, այսին-
 քըն իհեթանոսաց, յարուցանել որդիս Աբրահամոս :
 Զի դուք թեպէտ որդիք էք, ասէ, Աբրահամոս, բայց
 ոչ ըստ զործոց, այլ ըստ սերնդեան միայն :

Մատ. Գ, 7.

[Faint bleed-through text from the reverse side of the page, including the words "Աբրահամ" and "Յովհաննէս"]

ԳԼՈՒԽ ԺԸ .

ՅԱՂԱԳՍ ՀԱՂՈՐԴՈՒԹԵԱՆ .

Հաղորդութիւնն է մարմինն եւ արիւն Գրիստոսի , զոր ընդ տեսակօք հացի եւ զինւոյ իձեռն քահանայի՝ երեսփոխանին Գրիստոսի՝ ճաշակեմք իքաւութիւնն եւ իթողութիւնն մեղաց . որպէս առաքեալքն իվերնատանն իԳրիստոսէ հաղորդեցան նովին մարմնով եւ արեամբ . որով եւ մեք սրբեալ եւ մաքրեալ յամենայն մեղաց՝ զգեցեալ լինիմք զամենայն արդարութիւն . զի Գրիստոս իմեզ բնակի , եւ մեք ինմա , որպէս ինքն Տերն մեր ասէ . „Որ ուտէ զմարմինն իմ եւ ըմպէ զարիւնն իմ , նա յիս բնակեսցի , եւ ես ինմա“ : Վասն որոյ պարտական են ամենայն քրիստոնեայք իտարւոջն գոնեա հինգ անգամ , ինաւակատիս ծնընդեան , զատկի , վարդավառի , սուրբ Աստուածածնի եւ սուրբ խաչի , եւ յայլ աւուրս իստիպել հարկին հաղորդիլ սուրբ մարմնոյ եւ արեանն Գրիստոսի , որպէս կանոնադրեալ է եկեղեցին :

Բայց պարտ է ջանալ արժանաւորութեամբ առնուլ զհաղորդութիւնն սուրբ , պատրաստիլ ամենայն

Յովհ. 2, 57.

առաքինութեամբ եւ բարեգործութեամբ , աննենգութեամբ եւ ներողութեամբ , խոստովանութեամբ եւ ապաշխարութեամբ՝ ըստ օրինակի պատարագիչ քահանային . որովհետեւ հաղորդութիւնն խորհուրդ եւ սրբազան պատարագի , եւ որք անարժանութեամբ՝ անմաքուր մտօք եւ ոխակայութեամբ , պիղծ շըրթամբք հաղորդին , զմեղս Յոզայի գործեն . զի եւ նա խորհրդով մատնութեան եւ ջարութեամբ սրտի հաղորդեցաւ ի վերնատանն ընդ այլոց առաքելոց , եւ յետ հաղորդութեանն մատնեաց զՔրիստոս ի դատաւարտութիւն մահու ի ձեռս Հրեից :

Եւ ջար են այնպիսիքն քան զՀրեայս . զի նոքամի անգամ խաչեցին զՔրիստոս , բայց անարժան քրիստոնեայք միշտ իխաչ հանեն զնա անարժան հաղորդութեամբ : Նաեւ զջար կամս նոցա լցուցանեն . զի նոքա ոչ կարողացան զմարմինն Քրիստոսի անարգաբար թաղել՝ որպէս խաչեալ էին անարգաբար . այլ Յովսէփ եւ Նիկողիմոս մաքուր կտառով եւ անուշահոտ խնկօք իկոյս գերեզմանի թաղեցին . բայց այժմ այն քրիստոնեայք անարժան հաղորդութեամբ անարգաբար թաղեն զմարմինն Քրիստոսի յանարգ գերեզմանի սրտից իւրեանց . որով պարտական եղիցին մարմնոյ եւ արեանն Տեառն , որպէս առաքեալն Պօղոս վկայէ . , ,Որ ուտէ զհացս կամ ըմպէ զրաժակս ¹ Կորնթ. ԺԱ, 2. Տեառն անարժանութեամբ , պարտական եղիցի մարմնոյ եւ արեան նորա“ : Զի մրպէս նա որ զմարդ

սպանանէ՝ անուանի մարդասպան , այսպէս եւ որ
անարժանութեամբ հաղորդի՝ կոչի աստուածասպան :

Զինչ օգուտ իցէ իցոյցս մարդկան իբրեւ արժա-
նաւոր հաղորդի , իսկ յաներեւոյթս անարժանու-
թեամբ մերձենալ , եւ զՔրիստոս իխաջ հանել . զինչ
օգուտ երեւելապէս չինել խորհրդական անդամ Քրիս-
տոսի , եւ աներեւութապէս կամարար եւ հնազանդ
սատանայի . զինչ օգուտ իբրեւ զՊետրոս հաղորդի ,
եւ որպէս զՅուդա մատնել . զի ոչ է մխիթարութիւն՝
այսօր գտանել զակն պատուական , եւ իվաղիւն կո-
րուսանել . այսօր ուրախանալ եւ իվաղիւն տըրտ-
միլ . այսօր առողջանալ եւ իվաղիւն դարձեալ հի-
ւանդանալ . այսօր բարեբախտ եւ իվաղիւն տարա-
բախտ :

Ուստի պարտական են ամենայն քրիստոնեայք
սրբեալ եւ մաքրեալ սրտիւ արժանաւորութեամբ
հաղորդի իսուրբ մարմնոյ եւ յարենեն Քրիստոսի ,
եւ ըստ Յովսեփայ եւ Նիկողիմոսի փառաւորապէս
շրջապատել զամենասուրբ մարմինն Տեառն . որք
եւ իկատարածի աւուրն ոչ անվարձ մնասցեն ի
Քրիստոսէ Աստուծոյ մերմէ :

ԳԼՈՒԽ ԺԹ .

ՅԱՂԱԳՍ ՏԱՍՆԲԱՆԵԱՅ ՊԱՏՈՒԻՐԱՆԱՅՆ

ԱՍՏՈՒԾՈՅ .

Յորժամ ազատեաց Աստուած զորդիսն Իսրայելի իգերութենէն Փարաոնի , եւ զԵգիպտացիսն պատժեաց տասն հարուածովք , յայնժամ իձեռն մարգարէին Մովսիսի զրեաց յերկուս տախտակս զպատուիրանս իւր , եւ պատուիրեաց զի ըստ այնց վարեսցին մարդիկ . որպէս եւ անտարանական բանին հրամայէ . „Եթէ կամիս մտանել իկեանս , պահեան զպատուիրանս“ : Քանզի պատուիրանքն այնոքիկ ուսուցանեն մարդոյ սիրել զԱստուած եւ զընկերն ամենայն ճշմարտութեամբ , բարիս զործելով եւ ի չարեաց հեռանալով :

Առաջին պատուիրանն Աստուծոյ այս է . „Ես եմ Տէր Աստուած քո . մի եղիցի քեզ այլ Աստուած բաց յինէն“ : Առաջին պարտաւորութիւն է մարդոյ ճանաչել զԱստուած եւ հաւատալ ինն , եւ ապա բա-

րեզործութեամբ մերձենալ առ Աստուած, եւ գիւճոյս կամաց նորա առնել :

Սաղմ. ԺԳ, 4. Երկրորդ պատուիրանն աստուածային է. „Մի արասցես քեզ կուռս, եւ մի նմանութիւն չերկինս եւ չերկրի“ . որով պատուիրե մեզ ոչ պաշտել ըզկուռս արծաթեղէնս կամ ոսկեղէնս եւ կամ քարեղէնս, որպէս հեթանոսք պաշտէին : „Կուռք հեթանոսաց ոսկի եւ արծաթ են“ : Եւ ոչ զպատկեր մարդոյ կամ անասնոց, կամ թռչնոց, կամ գազանաց եւ կամ այլոց կենդանեաց կանգնել, եւ երկրպագութիւն մատուցանել նոցա իտեղի Աստուծոյ, որպէս Եգիպտացիք եւ Բաբելացիք առնէին : Եւ ոչ արեգական, լուսնի, հրոյ կամ ջրոյ, որպէս այլք պաշտէին զդոսա կուրորէն :

Իսկ պատկերքն զորս մեք յարգեմք, ոչ է դիւսաց կամ կռոց, այլ Քրիստոսի կամ Աստուածամօր, կամ հրեշտակաց եւ կամ այլոց սրբոց . եւ ոչ զպատկերս սրբոց իբրեւ զԱստուած պաշտեմք, այլ զխաջն նորա պաշտեմք եւ երկիրպագանեմք նմին, զի Քրիստոս ինմա բեւոեցաւ . եւ զի այլ է երկրպագութիւն Աստուծոյ, այլ է հրեշտակացն եւ այլ սրբոցն . զորօրինակ եւ թագաւորին եւ մեծամեծացն երկիրպագանեմք, սակայն այլ եւ այլ է հնազանդութիւնն :

Են ոմանք իքրիստոնէից որք ըստ հեթանոսաց եւ ըստ Եգիպտացոց եւ Բաբելացոց զոսկի եւ զարծաթ՝ զմարդ կամ զանասուն, եւ կամ զայլ կենդա-

նիս պաշտեն : Այնպիսիքն թեպէտ անուամբ աստուածապաշտք են , բայց գործով են իկարգի կուսպաշտից : Ազահն եւս պաշտե զոսկի եւ զարծաթ , զի զտիւ եւ զգիշեր հոգայ բազմացուցանել զգումարս զբամոց եւ ամբարել զքարութիւնս երկրի իշտեմարանս իւր : Հպարտն պաշտե զմեծամտութիւն իւր , զի սիրե զքարձրութիւն իւր իվերայ ընկերին : Արբեցողն պաշտե զըմպելին , զի այնու ուրախանայ եւ ցնծայ : Շնացողն պաշտե զմուլութիւն իւր : Այսպէս ամենայն մեղք հակառակ գոլով կամացն Աստուծոյ , հեռացուցանեն զմեղսասէրս իրարեգործութեանց , եւ տան մոռանայ զԱստուած . ըստ որում անհնարին է Աստուծոյ եւ մեղաց իմիասին ծառայել , որպէս ասե Տէրն մեր . „Ոչ կարեք Աստուծոյ ծառայել եւ մամոնայի“ :

Երրորդ պատուիրանն է , „Մի կոչեսցես զանուն Աստուծոյ քոյ իվերայ սնտեաց“ : Այս պատուիրան պարտաւորե զմարդ ոչ երդնուլ սուտ ամենեւին յանուն Աստուծոյ . զի որ երդնու սուտ ' իվերայ ստոյն կոչե զանուն Աստուծոյ , եւ այնպիսին ունի զհոգի կուսպաշտութեան : Որպէս կուսպաշտքն ստութեամբ կոչեն զանունն Աստուծոյ իվերայ ձեռագործ պատկերաց , որք ոչ են աստուածք , այսպէս եւ սուտ երդութիւն կոչե զանուն Աստուծոյ իվերայ սուտ իրաց , որով զԱստուած արհամարհե եւ զանուն նորա անարգե :

Եւ կոչի անունն Աստուծոյ ստութեամբ՝ սրտիւ ,
բերանով եւ գործով : Սրտիւն այն է , որպէս ջար
հաւատացեալք եւ սուտ քրիստոնեայք , որք մկրր-
տին յանուն Հօր եւ Որդւոյ եւ Հոգւոյն սրբոյ , բայց
ոչ ունին զշնորհս մկրտութեան , զի ոչ սիրեն զԱս-
տուած սրտիւ ըստ աստուածային պատուիրանացն
թէ „Սիրեսցես զՏէր Աստուած քո յամենայն սրտե
քումմե՛“ . այլ միայն անուամբ եւ լեզուաւ : Բերա-
նովն այն է՝ զի ստեն որք սուտ երդնուն , կամ ուխ-
տեն եւ ոչ կատարեն , կամ սուտ լեզուաւ աղօթեն ,
եւ ոչ ուղիղ սրտիւ եւ ջերմեռանդն հոգւով . վասն
այսպիսեաց ասէ Տէրն բերանով մարգարէին . „Փո-
ղովորդս այս շրթամբք մեծարե զիս , եւ սիրտք իւ-
րեանց մեկուսի են յինեմ՛“ : Եւ գործովն այն է՝ որ-
պէս կեղծաւորքն , որք զանունն Աստուծոյ արտա-
քին գործով կոչեն , եւ ոչ սրբութեամբ սրտի . ըզ-
վարձս իմարդկանէ առնուն , եւ ոչ յԱստուծոյ :

Եսայ. ԻԹ, 17.

Չորրորդ պատուիրանն է , „Յիշեա՛ սրբել զօր շա-
բաթուն՛“ : Շաբաթն է օր հանգստեան Աստուծոյ եւ
մարդկան , զոր առաքեալքն այժմ իկիւրակէ փոխե-
ցին : Հրամայե յետ վեցօրեայ աշխատութեանցն ոչ
գործել բնաւ զգործ մարմնաւորական , այլ հանգչել
յամենայն գործոց եւ պարապիլ իհոգեւորս : Որպէս
ինքն ամենաբարին Աստուած զամենայն ստեղծա-
գործութիւնսն իվեց աւուրս կատարեաց , եւ յեօր-
ներորդումն հանգեաւ իգործոց իւրոց , եւ մեզ պարտ

ե զվեց օրն շաբաթու. զործել ըստ մարմնոյ եւ աշխարհի, եւ զմի օրն զկիրակեն՝ ըստ մարմնոյ եւ ըստ հոգւոյ հանգչել. եւ ոչ միայն մեզ առնել հանգիստ, այլ եւ զանասունս եւ զժառայս եւ զաղախնայս զաղարեցուցանել պարտիմք իժառայութենէ, զի եւ նոքա Աստուծոյ ստեղծուածք են: Եւ ե օրն այն ժամանակ խոստովանութեան եւ թողութեան մեղաց. զի զոր ինչ մեղս զործեցաք իբոլոր շաբաթուն, պարտիմք իկիրակեի խոստովանել եւ ապաշխարել եւ իմիտ առնուլ, զի յառաջիկայ շաբաթուն զործեսցուք զբարիս: Եւ որ լուծանէ զկիրակեն մարմնական զործանութեամբ կամ մահացումեղօք, զօրենսն Աստուծոյ լուծանէ եւ արհամարհէ:

Բազում սքանչելիք իկիրակեի եղեն: Իկիրակեի ծովն պատառեցաւ եւ որդիքն Իսրայելի զնացին ընդ ցամաք: Իկիրակեի Աստուած երեւեցաւ իՍիննա լերին եւ ետ ի ձեռն Մովսիսի զտասն օրենսն. իկիրակեի յարեաւ Քրիստոս եւ ազատեաց զմեզ ի ժառայութենէ մահու եւ մեղաց, եւ իկիրակեի Հոգին սուրբ էջ իվերնատունն իղասս առաքելոցն եւ զհրեղեն լեզուսն բաժանեաց: Այլ եւ կատարած աշխարհիս, որ յարութիւն է ամենայն մարդկան եւ դատաստան Տեառն, եւ հատուցումն ամենեցուն ըստ զործոց՝ յաւուր կիրակեի լինելոց է ասեն:

Եւ որպէս ոչ է արժան իկիրակեի զործել զզործ մարմնաւորական, նոյնպէս եւ ոչ է պարտ առնել

զմեղս , ոչ իզիներտուանս երթալ , ոչ իպոռնկութիւն ,
ոչ իզողութիւն եւ ոչ յանիրաւ վաճառս , այլ դիմել
իդուռն եկեղեցւոյ եւ աղօթել առ Աստուած ջերմե-
ռանդութեամբ եւ ուղղութեամբ սրտի :

Հինգերորդ պատուիրանն ասէ . «Պատուեալ ըզ-
հայր քո եւ զմայր» . զի որպէս Աստուած ծնող է
հասարակաց , նոյնպէս եւ ծնողքն զաւակաց իւ-
րեանց . Աստուած զաներեւոյթ հոգին ստեղծանէ ,
եւ ծնողքն զերեւելի մարմինն : Պարտ է պատուել
զծնողս սիրով . զի որ սիրէ զծնողս ' սիրէ զԱստուած
եւ զամենայն մարդ , եւ զծնողական վերջին օրհ-
նութիւնն առնու . որպէս Իսահակ օրհնեցաւ յԱբրա-
համէ , եւ Յակոբ յԻսահակայ , եւ աճեցին եւ բազ-
մացան իվերայ երկրի իբրեւ զաստեղս երկնից , եւ
որպէս զաւագ առ ափն ծովու : Իսկ որ ոչն սիրէ
զծնողս , ոչ սիրէ նա զԱստուած , եւ զանեծս ծնո-
ղացն ժառանգէ . որպէս Ռուբէն անիծաւ իՅակով-
բայ , եւ Քանան իՆոյէ : Վասն այնր անիծից եւ Քա-
նանացիքն իսուր մատնեցան յԻսրայէլէ . նոյնպէս եւ
վասն անիծից Ռուբենի բացաւ երկիր եւ եկուլ ըզ-

Եւրայ . ԻԱ, 17.

Կորիս եւ զԴարան . եւ յօրէնսն իսկ զրեալ է . «Որ
անարգէ զհայր կամ զմայր , մահու վախճանեսցի» :

Եւ որպէս արժան է պատուել զմարմնաւոր ծը-
նողս , այնպէս եւ զհոգեւորսն . նախ զսրբազան ա-
ռաջնորդս , զվարդապետս եւ զքահանայս եկեղե-

Երրայ . ԺԳ, 17.

ցւոյ , որպէս Պօղոս առաքեալն պատուիրէ . «Ունկն

դիք առաջնորդաց ձերոց եւ հպատակ կացեք նոցա ,
 զի նոքա տքնին վասն հոգւոց ձերոց“ . եւ երկրորդ՝
 յարգել զթագաւորս եւ զիշխանս որք պահապան եւ
 խնամածու են ազգաց եւ քաղաքաց . զի ըստ առա-
 քելոյն վկայութեան , „Ոչ ուստեք է իշխանութիւն ,
 երբ ոչ յԱստուծոյ , եւ որք ենն՝ յԱստուծոյ կար-
 գեալ են . եւ որ հակառակ կայ իշխանութեան՝ Աս-
 տուծոյ հրամանին հակառակ կայ“ :

Հոովմ. ԺԳ, 1.

Վեցերորդն պատուիրէ „Մի սպանաներ“ . զի որ
 ստեղծանել ոչ կարէ , ոչ ունի իշխանութիւն սպա-
 նանելոյ . ըստ այնմ գոր ասէ բերանով մարգարէին .
 „Ես սպանանեմ եւ ես կեցուցանեմ“ : Վասն որոյ
 չէ պարտ ումեք զինքն կամ զայլս բռնալ իկե-
 նաց : Եւ ոչ միայն սպանանելն զմարդ մարդասպա-
 նութիւն է , այլ եւ պեսպես գործք են որ մարդա-
 սպանութիւն համարին : Նախ՝ յորժամ տեսանէ ոք
 զընկերն իվերջին կարօտութեան եւ ինեղութեան՝ թէ
 ըստ հոգւոյ եւ թէ ըստ մարմնոյ , եւ զանց առնէ եւ
 ոչինչ իւիք օգնէ նմա , մարդասպան է , զի ոչ ա-
 րար բարի ընկերին : Երկրորդ՝ որ չար առնէ ընկե-
 րին եւ ատէ զեղբայր իւր՝ մարդասպան է ըստ ա-
 ռաքելոյն : Երրորդ՝ թէ բամբասէ զոք կամ չարա-
 խօսէ զնմանէ , կամ մատնէ զոք իղատաստան՝ մար-
 դասպան է : Չորրորդ՝ թէ գործով չար օրինակ լինի
 ոք այլոց՝ իմեղս արկանելով կամ խաբելով , մար-
 դասպան է :

Սաղմ. ԼԲ, 56.

1 Կորնթ. Գ, 15.

Այլ եւ վասն զանազան պատճառաց լինի ոք ըս-
պանող . վասն ատելութեան , որպէս Կայեն սպան
զեղբայր իւր զԱբել . վասն վրեժխնդրութեան , որպէս
Աբիսողոմ . վասն նախանձու , որպէս բանսարկուն՝
առաջին մարդասպանն . վասն ազահութեան , որպէս
գողք եւ աւագակք : Դարձեալ , ասելովն „Մի սպա-
նաներ“ արգելու զամենայն մասունս սպանութեան,
սրտի , բերանոյ , եւ գործոյ . հրամայե ոչ բարկա-
նալ , ոչ ոխս պահել , ոչ նախանձել , ոչ հայհոյել ,
ոչ անիծանել , ոչ հարկանել եւ ոչ զանել . զի եւ
այսոքիկ մասունք են մարդասպանութեան :

Եօթներորդ պատուիրանն է „Մի շնար“ : Պսակն
լինի առաջի եկեղեցւոյ , ուր երաշխաւորք են դասք
քահանայից , երամք ժողովրդոց , սուրբ խաչն եւ սուրբ
աւետարանն՝ վասն հաւատարմութեան սլակելոցն .
իսկ յորժամ մեղանչեն նոքա շնութեամբ , ստեն ըզ-
վկայութիւնս երաշխաւորացն այնոցիկ , եւ արհա-
մարհեն զեկեղեցի եւ զպսակն սուրբ :

Եւ բաժանի շնութիւնն իբազում տեսակս : Առա-
ջինն՝ պարզ պոռնկութիւն , որով ազատ ընդ ա-
զատի շնայ : Երկրորդն՝ որով բողոս ոք զիւր ան-
կողին ամուսնութեան , եւ զնայ առ օտարս : Եր-
րորդն է՝ որով իմեռանել երրորդի կնոջն՝ զչոր-
րորդն առնու : Չորրորդն է ցանկութեամբ սրտի եւ
աչաց մեղանչել , եւ զարշանալ խեղկատակութեամբ

ձեռաց կամ աչաց կամ լեզուի . զի Տերն զայսպիսիս շնացողս անուանե . „Որ հայի իկին մարդ առ իցանկանալոյ նմա , անդէն շնացաւ ընդ նմա իսրտի իւրում“ :

Մատ. Ե, 28,

Ուրիշորդ քան օրինացն է , Մի գողանար “ . որով խրատե զի զհաց քո քրտամբ երեսաց քոց կերիցես , եւ ոչ գողանալով զայլոց վաստակսն . եւ Տերն մեր ասե . „Որ իփոքուն հաւատարիմ է , եւ ի բազմին հաւատարիմ է . որ իփոքուն անիրաւ է , եւ ի բազմին անիրաւ է“ . զի ձուագողն եւ ձիագողն հաւասարապէս գող կոչին :

Ղուկ. ԺԶ, 10.

Եւ գողութիւնն զանագան է եւ բազմատեսակ . որ զաղտ գողանայ զինչս իտանէն՝ գող է . որ իվաճառանոցն յառա եւ իտուրս իւր խաբէ՝ իվեր քան զարժեսն վաճառելով զինչս , գող է . որ կրկին չափս ունի , եւ մեծան առնու եւ փոքուն տայ , գողութիւն է . որ զաւանդ ուրուք գտանէ եւ ոչ հատուցանէ տեառն՝ գող է . որ զրկէ եւ յափշտակէ զինչս այլոց խաբերայութեամբ , գող է . որ զվարձս մշակաց հատանէ եւ ոչ տայ՝ գող է . եւ զրկեալքն աղաղակեն միշտ առ Աստուած եւ զվարձս իւրեանց յԱստուծոյ խնդրեն , եւ Աստուած վրեժխնդիր լինի վասն նոցա , ըստ այնմ . „Զրկեալն իձէնջ աղաղակէ , եւ բողոք հնձողացն եհաս յականջս Տեառն զօրութեանց“ : Եթէ գողն իզղջումն գայ եւ խոստովանի , հրամայեն օրէնք՝ որչափ գողացաւն գնոյն գլուխն

Յակոբ. Ե, 4.

հատուցանել ընչից տեսան . եւ եթէ տերն մեռեալ
 է՝ ազգականացն տալ, եւ թէ ազգական ոչ գոյ նո-
 րա՝ աղքատաց տալ : Ուստի գողն միայն խոս-
 տովանութեամբ ոչ արդարանայ . նորա առաջին
 խոստովանահայր՝ ընչից տերն է յորմէ գողացաւ .
 նախ պարտի գզողունին դարձուցանել իտերն կամ
 յաղքատս, կամ իքահանայն եւ կամ յեկեղեցի, եւ պա-
 հօք եւ աղօթիւք գհոգի եւ զմարմին պատարագ ըն-
 ծայել Աստուծոյ, եւ ապա թողցին մեղք գողութեանն :

Իններորդ պատուիրանն ասէ . „Մի սուտ վը-
 կայեր“ : Եթէ ոք գիտէ զճշմարիտն, եւ վասն ակնա-
 ութեան սուտ վկայէ, ապականէ զճշմարտութիւն
 եւ խաւարեցուցանէ զգործս առաքինութեան . որով
 արհամարհէ զարարիչն, որ ինքն իսկ ճշմարտու-
 րիւն է, որպէս ասէ . „Ես եմ ճշմարտութիւն“ : Նա
 զճշմարտութիւն սիրէ, եւ զստութիւնն ատէ եւ կո-
 րուսանէ . ըստ այնմ, „Ատեցեր զայնոսիկ ոյք գոր-
 ծեն զանօրէնութիւն, կորուսանես զամենեսեան ոյք
 խօսին զսուտ“ :

Յովհ. Ը, 45.

Սաղմ. Ե, 7.

Սուտն ամենայն չարեաց պատճառ է . զի ամե-
 նայն մեղք եւ չարիք գործք են ստութեան . որպէս
 շնայն, գողանայն, յափշտակելն . զի ստախօսն ըզ-
 սուտն իմտի դնէ, եւ ապա մեղանչէ . յորժամ հար-
 ցանեն յատենի կամ առանձին, ասէ թէ չեմ գոր-
 ծեալ, որպէս գողն եւ պոռնիկն եւ այլք :

Կ. մ. Գոյլաճ

Գարձեալ , ստախօսն պատկեր է սատանայի . զի սատանայն խօսեցաւ զառաջին սուտն զԱստուծոյ առ մարդն առաջին յորժամ ասաց . „Երէ ուտիցեք իպտղոյն զոր արգելեալ է Աստուած ' աստուածանայք“ . նոյնպէս եւ ամենայն մարդ որ սուտ խօսի' որդի է սատանայի , ըստ այնմ . „Որ սուտ խօսի' յիւրոցն խօսի , զի սուտ է հայր նորա սատանայ“ . իսկ ճշմարտախօսն որդի է Աստուծոյ եւ ժառանգակից Քրիստոսի : Երէ նախահայրն մեր ճշմարտութեամբ խոստովանեալ էր զմեղս իւր , ոչ մերկանայր իշնորհացն Աստուծոյ : Նոյնպէս իժամանակի չարչարանացն Քրիստոսի Հրեայք սուտ վկայեցին վասըն Քրիստոսի եւ իխաջ հանին զնա , եւ ոչ արժանի եղեն թողութեան : Ապա ուրեմն պարտ է քրիստոնէից հեռանալ իստախօսութենէ եւ յամենայն սուտ վկայութենէ , եւ սիրել զճշմարտութիւն եւ զօրէնս Աստուծոյ ամենայն հնազանդութեամբ :

Մենդ. Գ, 5.

Յովն. Ը, 44.

Տասներորդ պատուիրան է Աստուծոյ , „Մի ցանկար տան ընկերի քո , եւ մի կնոջ նորա , ոչ ծառայից նորա , ոչ աղախնոյ , ոչ եզին , ոչ իշոյ , եւ ոչ ամենայնի որ նորա իցէ“ : Այսու պարտաւորի մարդ ամենեւին ոչ ցանկալ իրաց այլոց , ոչ ներքին հաւանութեամբ եւ ոչ արտաքուստ , այլ զոր ինչ ունի ոք' այնու պարտի բաւականանալ , եւ ջանալ խափանել միշտ զցանկութիւն սրտի եւ աջաց զի ցանկութիւնն է սկիզբն ամենայն մեղաց . քանզի

մեղաւորն նախ ցանկայ մտօք , եւ ապա գործէ մարմ-
նով . նախ ցանկայ ոք , եւ ապա գողանայ . նախ
ցանկայ եւ ապա սպանանէ , ապա արբենայ , ապա
հայհոյէ , եւ այլն . ըստ որում կամքն է իշխան ' որ-
պէս բանաւոր իմացող եւ քննող : Վասն որոյ ոչ է
արժան չար կամօք եւ չար տեսութեամբ ցանկայ
կնոջ կամ ընչից եւ այլ ստացուածոց ընկերին . այլ
բարի կամօք ցանկայ եւ ուրախանայ իվերայ ստա-
ցուածոց եւ ընչից նորա :

Ցանկութիւնն նման է օձի . եւ որպէս զգլուխ օձին
պարտ է ջախջախել , այսպէս եւ զցանկութիւնն ' որ
զլուխ եւ սկիզբն է ամենայն մեղաց ' պարտ է մեզ
խորտակել , եւ ոչ տալ թոյլ ապականել զհոգի եւ ըզ-
մարմին մեր :

Այլ մեզ եւ ամենայն քրիստոնէից եղիցի խոր-
տակել զամենայն չար ցանկութիւն , եւ զօրացու-
ցանել իմեզ զցանկութիւնս բարի կամաց , յօգուտ
հոգւոյ եւ մարմնոյ մերոյ աստ եւ իհանդերձեալն :

Վ Ա Խ Ճ Ա Ն .

Յ Ա Ն Կ

Գ Լ Խ Ո Յ Գ Ա Ն Չ Ա Բ Ա Ն Ի Ս Հ Ա Ի Ա Տ Ո Յ

Յառաջարան	ԷԶ
ՄԱՍՆ Ա,	~
Յօղուած Ա, Յաղագս Աստուածութեան	1
— Բ, Վասն Ծննդեան Սրբոյ Կուսին	
Մարիամու Աստուածածնին	5
— Գ, Վասն Մարդեղութեան Քրիստոսի	7
— Գ, Վասն Գալստեանն Քրիստոսի Ի	
Գալիլէէ ԻՅորդանեան ԻՄկրտութիւն	12
— Ե, Վասն զնալոյն Քրիստոսի յանա-	
պատ փորձիլ իսատանայէ	15
— Զ, Վասն Գալստեան Քրիստոսի ԻԲե-	
րանիա	21
— Է, Վասն Ընթրեաց Տեառն	24
— Ը, Վասն ելանելոյն Քրիստոսի Ի	
լեառն Չիբենեաց	27
— Թ, Վասն մատնութեան Յուդայի Եւ-	
րմբունմանն Քրիստոսի	31
— Ժ, Վասն դատապարտութեան Քրիս-	
տոսի յատենին Հրէից	36
— ԺԱ, Յաղագս դատապարտութեան	
Քրիստոսի յապարանս Պիղատոսի	45
— ԺԲ, Վասն արժաբոյն վարձու մատ-	
նութեան Յուդայի	61
— ԺԳ, Վասն Խաչելութեանն Քրիստոսի	65
— ԺԴ, Վասն Թաղմանն Քրիստոսի	78
— ԺԵ, Վասն Յարութեան Եւ Համբարձ-	
ման Քրիստոսի	81

ՄԱՍՆ Բ,

Գլուխ Ա, Յաղագս հաստոյ եւ գերազանցութեան նորին	85
— Բ, Յաղագս գործոց Հաստոյ	90
— Գ, Յաղագս աստուածային յուսոյ	93
— Դ, Յաղագս աստուածային սիրոյ	96
— Ե, Յաղագս ընկերսիրութեան	99
— Զ, Յաղագս խոնարհութեան	101
— Է, Յաղագս հնազանդութեան	104
— Ը, Յաղագս համբերութեան	107
— Թ, Յաղագս անյիշաչարութեան	111
— Ժ, Յաղագս խնամոց ծնողաց առ զաւակունս իւրեանց	113
— ԺԱ, Յաղագս պատուասիրութեան զաւակաց առ ծնողս իւրեանց	115
— ԺԲ, Յաղագս պարկեշտութեան եւ ամօրխածութեան	117
— ԺԳ, Յաղագս աղօրից	119
— ԺԴ, Յաղագս պահոց	124
— ԺԵ, Յաղագս ողորմութեան	128
— ԺԶ, Յաղագս խոստովանութեան	136
— ԺԷ, Յաղագս ապաշխարութեան	144
— ԺԸ, Յաղագս հաղորդութեան	148
— ԺԹ, Յաղագս տասներանկայ պատուիրանացն Աստուծոյ	151

